

श्रीचन्द्रसूरिचरितवृत्तियुतं श्री लक्ष्मणसूरिचरितवृत्तियुतं

श्रीनिर्यावालिक्कासूत्रम् ।

न्यायान्मोनिधिधर्मद्विजयानन्दसूरिपुरन्दरशिष्यमयोपाध्यायश्रीमद्वीरविजयशिष्य-

रतन-अनुयोगाचार्यश्रीमहानविजयगणिभिः संशोधितम्

क. ५०१) श्रेष्ठि हरखचंद सोमचंद ह. नेमचंदभाइ सु० सुरत पतस्य आश्रमस्य ब्रह्मसाहाय्येन

प्रकाशयित्री श्रीआगमोदयसमितिः-

इदं पुस्तकं अमदायाद(राजनगर)मध्ये शाह वेणीचंद सूरचंद श्री आगमोदय समितिःसेकटरी इत्यनेन
युनियनप्रोन्टिगप्रेसमध्ये टंकशालायां शाह मोहनलालचीमनलालद्वारा प्रकाशितम् ।

वीरसंवत् २४४८, पण्यं क. ०-१२-० प्रतयः ७५० विक्रमसंवत् १९७८. सन-१९२२.

भीचारप्रसूरिपरिचितवृत्तियुतं

श्रीनिर्याचालिकासूत्रम् ।

न्यायानुभातिथिभीमप्रिजयानन्दसूरिपुरन्दरविद्यमहोपाध्यायभीमद्वीरविजयशिष्य-

रत्न-अनुयोगाचार्यभीमदानविजयगणिभिः संशोधितम्

ख. ५०१) श्लेष्टि परराजचंद सोमचंद ह. नेमचंदभाइ मु० सुरत पतस्य शालस्य प्रव्यसाधारयेन,
प्रकाशयित्री श्रीभागमोदयसमितिः

इदं पुस्तकं अमदावादा(राजनगर)मध्ये शाह देणीचंद वरचंद श्री आगमोदय समिति.सेमटरी इत्यनेन
युनियनप्रोनिटगप्रसमव्ये टंकशालायां शाह मोहनलालचीमनलालद्वाराप्रकाशितम् ।

वीरसंवत् २४४८, पण्यं ख ०-१२-० प्रतयः ७२० विक्रमसंवत् १९७८. सन १९२२.

न्यायाम्भोनिधिश्रीमद्विजयानन्दसूरीश्वरपादपङ्कजेभ्यो नमः

श्रीचन्द्रसूरीविरचितवृत्तियुतं

श्रीनिरयावलिकारसूत्रम् ॥

ॐ नमः श्रुतदेवतायै ॥ ते णं काले णं ते णं समए णं रायगिहे नामं नयरे होत्था, रिद्ध,

ॐ नमः श्रीशान्तिनाथदेवाय ॥ पार्श्वनाथं नमस्कृत्य, प्रायोऽन्यग्रन्थवीक्षिता । निरयावलिश्रुतस्कन्धे, व्याख्या काचित् प्रकाश्यते ॥१॥ तत्र निरयावलिकाख्योपाङ्गग्रन्थस्यार्थतो महावीरनिर्गतवचनमभिधित्सुराचार्यः सुधर्मस्वामी सूत्रकारः 'ते णं काले णं' इत्यादिग्रन्थं तावदाह-अत्र 'णं' वाक्यालङ्कारार्थः । तस्मिन् काले-ऽवसर्पिण्याश्चतुर्थभागलक्षणे तस्मिन् समये-तद्विशेषरूपे यस्मिन् तन्नगरं राजगृहाख्यं राजा च श्रेणिकाख्यः सुधर्मः (श्रीवर्धमानः) स्वामी च 'होत्थ' ति अभवत्-आसीदित्यर्थः । अवसर्पिणीत्वात्कालस्य वर्णकग्रन्थवर्णितविभूतियुक्तमिदानीं नास्ति । 'रिद्ध' इत्यनेन च नगरवर्णकः सूचितः, स च-"रिद्ध-स्थिमियसमिद्धं" भवनादिभिर्वृद्धिमुपगतं, भयवर्जितत्वेन स्थिरं, समृद्धं-धनधान्यादियुक्तं, ततः पदत्रयस्य कर्मधारयः । "पमुइयजणजाणवयं" प्रमुदिताः प्रमोदकारणवस्तूनां सद्भावात् जनानां-नगरवास्तव्यलोकाः जानपदाश्च-जनपदभावास्तत्रा-

(उत्तरपुरिच्छिमे दिसीभाए) गुणसिलए, वेइए, वन्नए, असोमवरपायवे पुढविंसिलापट्टए ते णं काले णं ते णं समए णं समणस्स भगवओ महावीरस्स अंतेवासी अज्जसुहम्मे नामं अणगारे जातिसंपन्ने जहा केसि जान

समणस्स भगवओ महावीरस्स अंतेवासी अज्जसुहम्मे नामं अणगारे जातिसंपन्ने जहा केसि जान
याताः सन्तो यस्मिन् तत् प्रमुदितजनजानपदम् । "उत्ताणनयणपेच्छणिज्जं" सौभाग्यातिशयात् उत्तानेः अन्तिमिगेः नयनेः
लोचनैः प्रेक्षणीयं यत्तत्तथा । "पासाइयं" चित्तप्रसक्तिकारि । "दरिसणिज्जं" यत् पश्ययश्रुः श्रमं न गच्छति । 'अभिरूढं'
मनोवृत्तरूपम् । "पडिरूढं" द्रष्टारं द्रष्टारं प्रति रूपं यस्य तत्तथेति । तस्मिन् "उत्तरपुरिच्छिमे दिसीभाए गुणसिलए नामं
चेइए होत्था" चेत्यन्यन्तरायतनम् 'धम्मओ' ति चैत्यवर्णको वाच्यः- "चिराईए पुणपुरिस्सपन्नते" चिरः-चिरकालः आदिः-
निवेदो यस्य तत् चिरादिकम् अत एव पर्यपुरुषैः-अतीतनरैः प्रशस्तम्-उपादेयतया प्रकाशितं पर्यपुरुषप्रशस्तम् । "सच्छस्ते
सव्वए सघंटे सपडणे कयवेयहीए" कृतवितर्धिकं-रचितवेदिकं "लाउओइयमदिण" आइयं-यज्जमेच्छगणादिना उपले-
पनम्, उल्लोइयं-कुडयमाळानां सेटिकादिभिः संमृष्टोकरणं, ततस्ताभ्यां मद्रितमिय मद्रितं पूजितं यत्तत्तथेति । तत्र च गुण-
शिलकचेत्ये अशोकवरपावपः समस्ति, "तस्स णं तेट्ठा मंधासन्ने, एत्थ णं महं एगे पुढविंसिलापट्टए पन्नते, विक्खंभा-
यामसुण्णमाणे आईणगकयबूरनयणीयतूलफाने" आजिनकं-चर्ममयं वस्त्रं, रुतं-प्रतीतं, युरो-यनस्पतियिशोणः, नयनीतं-भ्रशणं,
तूलम्-अर्कतूलं, तत्रत् स्पशो यस्य स तथा, कोडर्थः ? कोमलस्पर्शयुक्तः । 'पासाईए जाव पडिरूढे' ति । 'ते णं काले णं' इत्यादि,
'जाइसंपन्ने' उत्तममातृकपक्षयुक्त इति बोद्धव्यम्, अन्यथा मातृकपक्षसंपन्नत्वं पुरुषमात्रस्यापि स्यात् इति नास्योत्तरकः कश्चि-
दुक्तो भवेत्, उत्तरकर्पाभिधानार्थं धास्य विशेषणकलापोपादानं धिक्कीर्णितमिति । एवं "कुलसंपन्ने" नवरं कुलं-पैतुकः पक्षः ।
"बलसंपन्ने" बलं-सहजनविशेषसमुत्थः प्राणः । 'जहा केसि' ति केसि (शि) वर्णको वाच्यः, स च "विणयसंपन्ने" लायवं

पंचहिं अणगारसएहिं सद्धिं संपरिबुद्धे पुब्बाणुपुण्विचरमाणे जेणेव रायगिहे नगरे जाव अहापडिरुवं उगहं ओगिन्हित्ता संजमेणं जाव

द्रव्यतोऽलपोपधित्यं भावतो गौरयत्रयत्यागः एभिः संपन्नो यः स तथा । “ओर्यसी” ओजो-मानसोऽयष्टम्भः तद्वान् ओजस्वी, तेजः-शरीरप्रभा तद्वान् तेजस्वी, यचो-वचनं सौभाग्यायुपेतं यस्यास्तीति वचस्वी, “जसंसी” यशस्वी-ख्यातिमान्, इदं विज्ञोपणचतुष्टयेऽपि अनुस्वारः प्राकृतत्वात् । “जियकोहमाणमायालोभे” नवरं क्रोधाविजयः उदयप्राप्तक्रोधादिविफलीकरण-तोऽवसेयः । ‘जीयियासामरणभयविप्पमुद्धे’ जीयितस्य-प्राणधारणस्य आशा-धाड्या मरणाच्च यद्भयं ताभ्यां विप्रमुक्तो जी-यिताशामरणभयविप्रमुक्तः तदुभयोपेक्षक इत्यर्थः । ‘तवप्पहाणे’ तपसा प्रधानः-उत्तमः शेषमुनिजनापेक्षया तपो वा प्रधानं यस्य स तपःप्रधानः । एवं गुणप्रधानोऽपि, नवरं गुणाः-संयमगुणाः । ‘करणचरणप्पहाणे’ चारित्र्यप्रधानः । ‘निग्गहप्पहाणे’ निग्रहो-अनाचारप्रवृत्तेर्निपेधनम् । ‘घोरवंभचेरयासी’ घोरं च तत् ब्रह्मचर्यं च अल्पसार्धदुःखेन यदनुचर्यते तस्मिन् घोर-ब्रह्मचर्ययासी । ‘उच्छूढसरीरे’ ‘उच्छूढं’ ति उज्जितमिव उज्जितं शरीरं तत्सत्कारं प्रति निःस्पृहत्वात् (येन) स तथा । ‘घोहसपुव्वी चउनाणोवगए’ चतुर्ज्ञानोपयोगतः-केवलवर्जज्ञानयुक्तः । केसि(शि)गणधरो मतिश्रुतायधिज्ञानत्रयोपेत इति दृश्यम् । आचार्यः सुधर्मा पञ्चभिरनगारशतैः सार्धं-सह संपरिवृतः समन्तात्परिकलितः पूर्वानुपूर्व्या न पश्चानुपूर्व्या चेत्यर्थः क्रमेणेति हृदयं, चरन्-संचरन् । एतदेवाह-“गामाणुगामं दुइज्जमाणे” त्ति ग्रामानुग्रामश्च विवक्षितग्रामादनन्तरग्रामो ग्रा-मानुग्रामं तत् ब्रह्मन्-गच्छन्-पकस्माद् ग्रामादनन्तरग्राममनुल्लङ्घयन्नित्यर्थः, अनेनाप्रतिबद्धं विहारमाह । तत्राप्यौत्सुक्याभाव-माह-‘सुदंसुहेणं विहरमाणे’ सुखंसुखेन-शरीरखेदाभावेन संयमाऽऽद्याधाभावेन च विहरन् ग्रामादिषु वा तिष्ठन् । ‘जेणेव’ ति यस्मिन्नेव देशे राजगृहं नगरं यस्मिन्नेव प्रदेशे गुणशिलकं चैतयं तस्मिन्नेव प्रदेशे उपागच्छति, उपागत्य यथाप्रतिरूपं-यथोचितं मुनिजनस्य अचग्रहम्-आवासम् अवगृह्य-अनुज्ञापनापूर्वकं गृहीत्या संयमेन तपसा चात्मानं भा-

निरया-
॥ २ ॥

विहरति । परिसा निगया । धम्मो कहिओ । परिसा पडिगया । ते णं काले णं ते णं समए णं अज्जसुहम्मस्स अणगारस्स अंतवासी जंबू णामं अणगारे समयउरंसंठाणसंठिए जाय सखिचविललेयलेस्से अज्जसुहम्मस्स अणगारस्स अदूरसामंते उड्डंजाणू

वयन् विहरति-आस्ते स्म । 'परिसा निगय' ति परिपत्-श्रेणिकराजादिको लोकः निर्गता-निःसृता सुधर्मस्वामिवन्दनार्थम् । धर्मश्रवणानन्तरं "जामेव दिसि पाउम्भूआ तामेव दिसि पउिगय" ति यस्या विशः सकाशात् प्रादुर्भूता-आगतेत्यर्थः तामेव दिशं प्रतिगता इति । तस्मिन् काले तस्मिन् समये आर्यसुधर्मणोऽन्तेयासी आर्यजम्बूनामाऽनगरः काश्यप-गोत्रेण । 'सत्तुस्सेहे' सप्तहस्तोच्छ्रयः, 'समचउरंसंठाणसंठिए' यावत्करणादिदं दृश्यं 'यज्जरितदनारायसंघयणे कणगपुलगनिघसपम्भूगोरे' कनकस्य-सुवर्णस्य 'पुलग' ति यः पुलको-लघः तस्य यो निकगः-कपपट्टरेखालक्षणः तथा 'पम्भूति' पक्वगर्भः तद्वत् यो गौरः स तथा, वृद्धन्याहया तु-कनकस्य न लोहादेर्यः पुलकः-सारो वर्णातिशयः तत्प्रधानो यो निकपो-रेखा तस्य यत् पक्ष्म-ग्रहलक्षं तद्वद्यो गौरः स कनकपुलकनिकपपक्ष्मगौरः । तथा 'उग्गतधे' उग्रम्-अप्रधृढ्यं तपोऽस्येति कृत्वा । 'तत्ततये' तत्त-तापितं तपो येन स तप्ततपाः पद्यं तेन तपस्तप्तं येन कर्माणि संताप्य तेन तपसा स्वात्माऽपि तपोरूपः संतापित इति । तथा दीप्तं तपो यस्य स दीप्ततपाः, दीप्तं तु-हुताशन इव ज्वलत्तेजः कर्मवन्दनार्हक-त्वात् । 'उराले' उदारः-प्रधानः । 'घोरे' घोरः-निवृणः परीपत्तेन्द्रियकगयाख्यानां रिपूणां विनाशे कर्तव्ये । तथा 'घोरन्वप' घोरानि-अन्यैर्दुस्सुचराणि त्रतानि यस्य स तथा । तथा घोरैस्तपोभिस्तपस्वी घोरतपम्भी । 'संमित्तविउललेयलेस्से' संक्षिप्ता-शरीरगन्तर्निर्लीना धिपुला-अनेकयोजनप्रमाणक्षेत्राश्रितयस्त्वद्वहनसमर्था तेजोलेइया-मिश्रिततपोजन्यलब्धिविशेषप्रभावा तेजो-लेइया (यस्य सः) पद्यं गुणविशिष्टो जम्बूस्वामी भगवान् आर्यसुधर्मणः स्थयिरस्य 'अदूरसामंते' ति दूर-विप्रकर्णः सामन्त-समीपम्, उभयोरभायोऽदूरसामन्तं (तस्मिन्) नातिदूरे नातिसमीपे उचिन्ते देशे स्थित इत्यर्थः । कथं? उड्डंजाणू

जाव विहरति । तए णं से भगवं जंबू जातसङ्गे जाव पज्जुवासमाणे एवं वयासि-उवंगाणं भंते ! समणे णं जाव संपत्तेणं के अट्ठे पणत्ते ? एवं खलु जंबू ! समणेणं भगवया जाव संपत्तेणं एवं उवंगाणं पंच वग्गा पक्वता, तं जहा—

शुद्धपृथिव्यासनवर्जनात् औपग्रहिकनिपयाभावाच्च उतकदुकासनः सन्नपदिश्यते ऊर्ध्वं जानुनी यस्य स ऊर्ध्वजानुः, अधःशि-
राः अधोमुखः नोर्ध्वं तिर्थगवा निक्षिप्तदृष्टिः, किं तु नियतभूगणनियमितदृष्टिरिति भावना । यावत्करणत् 'ज्ञाणकोट्योवगप-
' ध्यानमेव कोट्यो ध्यानकोट्युत्पगतो ध्यानकोट्योपगतः, यथाहि-कोट्युक्ते धान्ये प्रक्षिप्तमविप्रकीर्णं भवति एवं स भगवान्
धर्मध्यानकोट्युत्पगतप्रविश्य इन्द्रियमनांस्यधिकृत्य संवृतात्मा भवतीति भावः । संयमेन-संवरेण तपसा ध्यानेन आत्मानं भा-
वयन्-वासयन् विहरति-तिष्ठति । 'तए णं से' इत्यादि, तत इत्यानन्तर्ये तस्माद् ध्यानादनन्तरं, णं इति वाक्यालङ्कारे, स
आर्यजम्बूनामा उत्तिष्ठतीति संबन्धः, किम्भूतः सन्नित्याह-'जायसङ्गे' इत्यादि जाता-प्रवृत्ता श्रद्धा-इच्छा यस्य प्रष्टुं स जा-
तश्रद्धः, यद्वा जाता श्रद्धा-इच्छा वक्ष्यमाणवस्तुतत्त्वपरिज्ञानं प्रति यस्य स जातश्रद्धः । तथा जातः संशयोऽस्येति जातसं-
शयः, तथा जातकुतूहलः-जातौत्सुक्य इत्यर्थः विश्वस्यापि वस्तुव्यतिकरस्याङ्गेषु भगनादुपाङ्गेषु कोऽन्योऽर्थो भगवताऽभि-
हितो भविष्यति? कथं च तमहमवभोत्स्ये? इति 'उट्ठाए उट्ठे' उत्थानंमुत्था-ऊर्ध्वं वर्तनं तथा उत्तिष्ठति, उत्थाय च
'अज्जसुहम्मं थेरं तिकखुत्तो आयाहिणपयाहिणं करेइ' इति त्रिः कृत्वः-त्रीन् वारान् आदक्षिणप्रदक्षिणां-दक्षिणपार्श्वोदारभ्य
परिभ्रमणतः (पुनः) दक्षिणपार्श्वप्राप्तिः आदक्षिणप्रदक्षिणा तां करोति-विदधाति, कृत्वा च वन्दते-वाचा स्तौति, नमस्य-
ति-कायेन प्रणमति, 'नचासन्ने नाइदूरे' उचिते देशे इत्यर्थः । 'सुस्सूसमाणे' श्रोतुमिच्छन् । 'नमंसमाणे' नमस्यन्-प्रण-
मन् । अभिमुखं 'पंजलिउडे' कृतप्राञ्जलिः । विनयेन उक्तलक्षणेन 'पज्जुवासमाणे' पर्युपासनां विदधान एवं इति वक्ष्यमाण-
प्रकारं 'वदासि' इति अवादीत्-भगवता उपाङ्गानां पञ्च वर्गाः प्रज्ञाताः, धर्मोऽध्ययनसमुदायः, तथेत्यादिना पञ्च वर्गान् दर्शयति-

निरयावलियाओ ? कप्पवडिसियाओ २ पुफ्फियाओ ३ पुफ्फचूलियाओ ४ वणिहदसाओ ५ । जइ णं भंते ! समणेणं जाव संपत्तेणं उवंगाणं पंचगगा पन्नत्ता तं जहा-निरयावलियाओ जाव वणिहदसाओ पढमस्स णं भंते वग्गस्स उवंगाणं निरयावलियाणं समणेणं भगवया जाव संपत्तेणं कइ अज्झयणा पन्नत्ता ? एवं खलु जंबू ! समणेणं जाव संपत्तेणं उवंगाणं पढमस्स वग्गस्स निरयावलियाणं दस अज्झयणा पन्नत्ता, तं जहा-काले २ महाकाले ३ कण्हे ४ सुकण्हे ५ तद्वा महाकण्हे ६ वीरकण्हे ७ य वोद्धव्ये रामकण्हे ८ तद्देव य पिउसेणकण्हे ९ नवमे दसमे महासेणकण्हे १० उ । जइ णं भंते ! समणेणं जावसंपत्तेणं उवंगाणं पढमस्स० निरयावलियाणं दस अज्झयणा पन्नत्ता, पढमस्स णं भंते ! अज्झयणस्स निरयावलियाणं समणेणं जाव संपत्तेणं के अट्टे पन्नत्ते ? एवं खलु जंबू । ते णं काले णं ते णं समए णं इहेव जंबूदीचे दीवे

“निरयावलियाओ कप्पवडिसियाओ पुफ्फियाओ पुफ्फचूलियाओ वणिहदसाओ” ति प्रथमवर्गो दशाध्ययनात्मकः प्रज्ञप्तः । अध्ययनदशकमेवाह-‘काले सुकाले’ इत्यादिना, मातृनामभिस्तदपर्यानां पुत्राणां नामानि, यथा काल्या अयमिति कालः कुमारः, एवं सुकाल्याः माहाकाल्याः कृष्णायाः सुकृष्णायाः महाकृष्णायाः धीरकृष्णायाः रामकृष्णायाः पितृसेनकृष्णायाः महासेनकृष्णायाः अयमित्येवं पुत्रनाम वाच्यम् । इह काल्या अपत्यमित्याद्यर्थे प्रत्ययो नोत्पाद्यः, काल्यादिशब्देऽव्यपत्येऽर्थे ययण् प्राप्स्या कालसुकालादिनामसिद्धेः, एवं चायः कालः १. तद्वतु सुकालः २, महाकालः ३, कृष्णः ४, सुकृष्णः ५, महाकृष्णः ६, धीरकृष्णः ७, रामकृष्णः ८, पितृसेनकृष्णः ९, महासेनकृष्णः १० दशमः । इत्येवं दशाध्ययनानि निरयाद्यन्विकानामर्थे प्रथमवर्गे इति । ‘एवं खलु जंबू ते णं काले ण’ मित्यादि, ‘इहेव’ ति इहेव देशतः प्रत्यक्षासन्ने न पुनरमङ्गलेयद्याज्जम्बूदीपानामन्येति

भारहे वासे चंपा नामं नयरी-होत्या, रिद्धि, पुन्नभदे चेहए, तत्थ णं चंपाए नयरीए सेणियस्स रत्नो पुत्ते चेळणाए देवीअत्तए कूणिए नामं रायां होत्या, महता, तस्स णं कूणियस्स रत्नो पडमावई नामं देवी होत्या, सोमाल जाव विहरइ।

भावः । भारते वर्षे-क्षेत्रे चम्पा पषा नगरी अभूत् । रिद्धेत्यनेन 'रिद्धित्थिभियसमिद्धे' त्यादि दृश्यं, व्याख्या तु प्राग्वत् । तत्रोत्तरपुर्वदिग्भागे पूर्णभद्रनामकं चैत्यं व्यन्तरायतनम् । 'कुणिण नामं राय' स्ति कूणिकनामा श्रेणिकराजपुत्रो राजा 'होत्थ' स्ति अभवत् । तद्वर्णको "महयाहिमवन्तमहन्तमलयमंदरमहिंदसारेत्यादि पसंतडिचडमरं रज्जं पसाहेमाणे विहरइ" इत्येत- दन्तः, तत्र महाहिमवानिव महान् शोपरजापेक्षया, तथा मलयः-पर्वतविशेषो, मन्दरो-मेरुः, महेन्द्रः-शक्रादिदेवराजः, त- ब्रह्मारः-प्रधानो यः स तथा । तथा प्रशान्तानि डिम्बानि-विन्ना डमराणि च-राजकुमारादिकृता विडूवरा यस्मिन्स्तत्तथा (राज्यं) प्रसाधयन्-पालयन् विहरति-आस्ते स्म । कूणिकदेव्याः पद्मावतीनामन्या वर्णको यथा-'सोमाल जाव विहरइ' या- यत्करणादेवं दृश्यम् "सुकुमालपाणिपाया अधीणपंचिदियसरीरा" अधीनानि-अन्यूनानि लक्षणतः स्वरूपतो वा पद्मापी- नित्रयाणि यस्मिन्स्तत् तथाविधं शरीरं यस्याः सा तथा । "लक्ष्मणवंजणगुणोववेया" लक्षणानि-स्वस्तिकचक्रादीनि व्यञ्ज- नानि-म ० तिलकादीनि तेषां यो गुणः-प्रशस्तता तेन उपपेता-युक्ता या सा तथा, उप अप इता इति शब्दत्रयस्य स्थाने शकन्ध्यादिदर्शनात् उपपेतेति स्यात् । "माणुम्माणप्पमाणपडिपुप्पसुजायसव्वंगसुंदरंगी" तत्र मानं-जलद्रोणप्रमाणात्, कथं? जलस्यातिभूते कुण्डे पुरुषे निवेशिते यज्जलं निःसरति तद्यदि द्रोणमानं भवति तदा स पुरुषो मानप्राप्त उच्यते, तथा उन्मानम्-अर्धभारप्रमाणात्, कथं? तुलारोपितः पुरुषो यथर्धभारं तुलयति तदा स उन्मानप्राप्त उच्यते, प्रमाणं तु स्वाङ्गु- लेनाष्टोत्तरशतोच्छ्रयिता, ततश्च मानोन्मानप्रमाणैः प्रतिपूर्णानि-अन्यूनानि सुजातानि सर्वाणि अङ्गानि-शिरःप्रभृतीनि यस्मिन्स्तत् तथाविधं सुन्दुरम् अङ्ग-शरीरं यस्याः सा तथा । "सत्तिसोमाकारकंतपियदंसणा" शशिवत्सौम्याकारं कान्तं च-यमनीयम् अत एव प्रियं ब्रह्मदृणां दर्शनं-रूपं यस्याः सा तथा । अत एव सुरूपा स्वरूपतः सा पद्मावती देवी 'कुणिण सद्धि उरालाई

तत्थ णं चंपाए नयरीए सेणियस्स रत्तो भज्जा कूणियस्स रत्तो देवी होत्था, सोमाल जाव सुख्वा। तीसे णं कालीए देवीए पुत्ते काले नामं कुमारं होत्था, सोमाल जाव सुख्वा ।

भोगभोगाई भुंजमाणी चित्तरइ' भोगभोगान्-अतिशयवद्भोगान्। 'तत्थ णं' इत्यादि। 'सोमालपाणिपाया' इत्यादि पूर्ववद्वाच्यम्। अन्यथा "कोमुदुरयणियरविमलपडिपुत्तसोमवयणा" कोमुदीरजनीकरयत्-कार्तिकीचन्द्र इव विमलं प्रतिपूर्णं सौम्यं च वदनं यस्याः सा तथा। 'कुंडलुल्लिखितगंडलेया' कुण्डलाभ्यामुल्लिखिता-घृष्टा गण्डलेया-कपोलविरचितमृगमदादिवरेखा यस्याः सा तथा। 'सिंगारागारचारयेसा' शृङ्गारस्य-रसविशेषस्य अगारमिव अगारं तथा चारुः वेपो-नेपथ्यं यस्याः सा तथा ततः कर्मधा-रयः। 'काली नामं देवी' श्रेणिकस्य भार्या कूणिकस्य राजशुभ्रजननी-लघुमाताऽभवत्। सा च काली "सेणियस्स रत्तो इट्ठा" चल्हभा कान्ता काम्यत्वात् 'पिया' सदा प्रेमविषयत्वात्, 'मणुत्ता' सुन्दरत्वात् 'नामधिज्जा' प्रशस्तनामधेयव-तीत्यर्थः नाम वा धार्यै-द्वि धरणीयं यस्याः सा तथा, 'वेसासिया' विश्वसनीयत्वात्, 'सम्मया' तत्कृतकार्यस्य संमत-त्वात् 'बहुमता' बहुशो बहुभ्यो वाऽन्येभ्यः सकाशात् नहुमता बहुमानपात्रं वा, 'अणुमया' विप्रियकरणस्यापि पक्कात्म-ताऽनुमता। 'भंडकरंडकसमाणा' आभरणकरण्डकसमाना उपादेयत्वात् सुरक्षितत्वात्। 'तेलकेला इव सुसंगोविया' तेलकेला सौराष्ट्रप्रसिद्धो मृन्मयस्तैलस्य भाजनविशेषः, स च भद्र-भयात् लोचनभयाच्च सुष्ठु सद्गोच्यते, एवं साऽपि तथोच्यते। 'नेलापेडा इव सुसंपरिगहिया' वल्लभभूतेत्यर्थः। 'सा काली देवी सेणिएण रत्ता सद्धि चित्तरां भोगभोगाई भुंजमाणा चित्तरइ'। कालनामा च तत्पुत्रः 'सोमालपाणिपाय' इत्यादि प्रागुक्त्यर्णकोपेतो वाच्यः, गायत् 'पासाए दुरिणिज्जे अभिरूये पडिरूये' इति पर्यन्तः। सेणियस्स रत्ते दुये रयणा अट्टारस्यको हारो १ सेयणगे हत्थीप २। तत्थ किर सेणियस्स रत्तो जायइयै रज्जस्स मुहं तावइयं देवदिन्नहारस्स सेयणगस्स य गंधहत्थिस्स। तत्थ हारस्स उप्पत्ती पत्थाये कट्टिज्जिस्सइ। कूणियस्स य पत्थेन उप्पत्ती चित्थरेण भणिस्सइ, तत्कार्येण कालादीनां मरणसंभवात् आरम्भसङ्ग्रामतो नरकयोग्यकर्मोपचयविधानात्।

नवरं कृणिकस्तदा कालादिदशकुमारान्वितव्रम्पायां राज्यं चकार, सर्वेऽपि च ते द्योगुन्दुगदेवा इव कामभोगपरायणाश्च-
यस्त्रिशाख्या देवाः फुट्टमाणेहि मुङ्गमत्थपर्यहि वरतरुणिसप्पिणिहिर्यहि वत्तीसइपत्तनिबद्धेहि नाडपर्यहि उवगिज्जमाणा भोग-
भोगाई भुंजमाणा विहरंति । हल्लविहल्लनामाणो कूणियस्स चिह्लणादेवीअंगजाया दो भायरा अन्नेऽवि अत्थि । अहुणा हारस्स
उत्पत्ती भन्नइ-इत्थ सक्को सेणियस्स भगवंतं पइ निच्चलभत्तिस्स पसंसं करेइ । तओ सेडुयस्स जीवदेवो तळभत्तिरंजिओ
सेणियस्स तुहो संतो अट्टारसवंकं हारं देइ, द्योन्नि य वट्टगोलके देइ । सेणिएणं सो हारो चेह्लणाए दिन्नो पिय स्ति काळं,
वट्टुदुगं सुनंदाए अभयमंतिजणणीए । ताए रुट्ठाए किं अहं चेडरूयं ति काऊण अच्छोडिया भग्गा, तत्थ एगम्मि कुंडलजु-
यलं एगम्मि वत्थजुयलं तुट्ठाए गहियाणि । अन्नया अभओ सारिम् पुच्छइ—‘को अपच्छिमो रायरिसि’ ति । सामिणा उदा-
यिणो वागरिओ, अओ परं बद्धमउडा न पव्वयंति । ताहे अभएण रज्जं दिज्जमाणं न इच्छियं ति पच्छा सेणिओ चित्तेइ
‘कोणियस्स दिज्जिहि’ ति हल्लस्स हत्थी दिन्नो सेयणगो चिहल्लस्स देवदिन्नो हारो, अभएण वि पव्वयंतेण सुनंदाए खोम-
जुयलं कुंडलजुयलं च हल्लविहल्लणं दिन्नाणि । महया धिहवेण अभओ नियजणणीसमेओ पव्वइओ । सेणियस्स चेह्लणादेवी-
अंगसमुब्भूया तिन्नि पुत्ता कूणिओ हल्लविहल्ला य । कूणियस्स उत्पत्ती एत्थेव भणिसइ । कालीमहाकालीपमुहदेवीणं अन्नासि
तणया सेणियस्स बहवे पुत्ता कालपमुहा संति । अभयम्मि गहियव्वए अन्नया कोणिओ कालाईहि दसाहि कुमारेहि समं
मंतेइ—‘सेणियं सेच्छाविगघकारयं बंधिता एक्कारसभाए रज्जं करेमो’ ति, तेहि पडिस्सुयं, सेणिओ बद्धो, पुव्वन्है अवरन्है
य कससयं द्वावेइ सेणियस्स कूणिओ पुव्वभवै देरियत्तणेण चेह्लणाए कयाइ भोयं न देइ भत्तं वारियं पाणियं
न देइ । ताहे चेह्लणा कहऽवि कुम्मासे वालेहि बंधित्ति सयारंवसुरं पवेसेइ । सा किर धोव्वइ सयवारं सुरा पाणियं
सव्वं होइ, तीए पहावेण सो वेयणं न वेपइ । अन्नया तस्स पउमावईदेवीए पुत्तो एवं पिओ अत्थि, मायाए सो भणिओ-

“दुरात्मन् ! तव अगुली किमपि धमंती पिया मुहे काऊण अत्थियाओ, इयरहा तुमं रोयंतो चेव चिट्ठेसु” । ताहे चित्तं मणागुवसंतं जायं मेप पिया एवं वसनं पाविओ, तस्स अधिई जाया, भुंजंतओ चेव उट्ठाय परसुहत्थगओ. अन्ने भणंति लोहदंडं गहाय, ‘नियलाणि भंजामि’ ति पहाविओ । रक्खवाल्लो नेहेण भणइ—‘ एसो सो पावो लोहदंडं परसुं वा गहाय पइ’ ति । सेणिपण चित्तिं—‘ न नज्जइ केण कुमारेण मारेहि ?’ । तउ तालपुडगं विसं खइयं । जाव पइ ताव मओ । सुट्ठुरं अधिई जाया । ताहे मयकिच्चं काऊण घरमागओ रज्जधुरामुक्कततीओ तं चेव चित्तंतो अच्छइ । एवं कालेण विसोगो जाओ । पुणरवि सयणआसणाइप पिइसंतिप दट्ठण अधिई दोइ । तउ रायगिहाओ निगंतु चंपं रायहाणि करेइ । एवं चंपाप कूणिओ राया रज्जं करेइ नियगभायपमुहसयणसंजोगओ । इद निरयावल्लियासुयखंधे कूणिकवक्कतव्यता आदावुत्तिक्खता । तत्साहाय्यकरणप्रवृत्तानां कालादीनां कुमाराणां दशानामपि सङ्ग्रामे रथमुशालाख्ये प्रभूतजनक्षयकरणेन नरकयोग्यकर्मापाजनसंपादनान्नरकगामितया ‘निरयाउ’ ति प्रथमाध्ययनस्य कालादिकुमारवक्कतव्यताप्रतिबद्धस्य पतन्नाम । अथ रथमुशालाख्यसङ्ग्रामस्योत्पत्तौ किं निबन्धनम् । अत्रोच्यते—एवं कैलायं सङ्ग्रामः संजातः—चम्पायां कूणिको राजा राज्यं चकार । तस्य चानुजौ एल्लविगल्लाभिधानौ आतरौ पितृदत्तसेचनकाभिधाने गन्धहस्तिनि समारूढौ दिव्यकुण्डलदिव्यवसनदिव्यहारविभूषितौ विलसन्तौ हृद्वा पद्मावत्यभिधाना कूणिकराजस्य भार्या कदाचिद्वन्तिनोऽपहाराय तं कूणिकराजं प्रेरितवती—“ कर्णविषलम्बकृतोऽतोऽयमेव कुमारो राजा तत्त्वतः, न त्वं, यस्येहशा विलासाः ” । प्रज्ञाप्यमानाऽपि सा न कथञ्चिदस्यार्थस्योपरमति, तत्प्रेरितकूणिकराजेन तौ याचितौ । तौ च तद्भयार्त्रशाल्यां नगरीं स्वकीयमातामहस्य चेटकाभिधानस्य राज्ञोऽन्तिके सहस्तिकौ सान्तःपुरपरिवारितौ गतवन्तौ । कूणिकेन च दूतप्रेरणेन तौ याचितौ । न च तेन प्रेषितौ, कूणिकस्य तयोश्च तुल्यमातृकत्वात् । ततः कूणिकेन भणितं—‘ यदि न प्रेषयसि तदा युद्धसज्जो भय ’ । तेनापि

१ ‘तत्रो तमण’ प्रत्यन्तरे.

तते णं से काले कुमारे अन्नया कयाइ तिहिं दंतीसहस्सेहिं तिहिं रहसहस्सेहिं तिहिं आससहस्सेहिं तिहिं मणुयकोडीहिं
गरुलवूहे। एक्षारसमेणं खंडेणं कूणिण्णं

भणितम्—‘एष सज्जोऽस्मि’ । ततः कूणिकेन सह कालादयो दश स्वीया भिन्नमाटुका आतरो राजानश्चेदकेन सह सङ्ग्रामाय याताः । तत्रैकैकस्य त्रीणि त्रीणि हस्तिनां सहस्राणि, एवं रथानामश्वानां च, मनुष्याणां च प्रत्येकं तिस्रस्तिष्ठः कोटयः । कूणिकस्याप्येवमेव । तत्र एकादशभागीकृतराज्यस्य कूणिकस्य कालादिभिः सह निजेन एकादशांशेन सङ्ग्रामे काल उपगतः । प्रथमं वक्तुमाह—‘तप णं से काले’ इत्यादिना । एवं च व्यतिकरं ज्ञात्वा चेदकेनाव्यष्टादश गणराजानो मेलिताः, तेषां चेदकस्य च प्रत्येकमेवमेव हस्त्यादिवलपरिमाणं, ततो युद्धं संप्रलभम् । चेदकराजस्य तु प्रतिपन्नव्रतत्वेन दिनमध्ये एकमेव शरं मुञ्चति अमेघवाणश्च सः । तत्र च कूणिकसैन्ये गरुडव्यूहः चेदकसैन्ये (च) सागरव्यूहो विरचितः । ततश्च कूणिकस्य काले दण्डनायको निजबलान्वितो शुध्यमानस्तावद्गतो यावच्चेदकः, ततस्तेन एकशरनिघतिनासौ निपातितः १ । भग्नं च कूणिकबलम्, गते च द्वे अपि बले निजं निजमावासथानम् । त्रितीयेऽहिं सुकालो नाम दण्डनायको निजबलान्वितो शुध्यमानस्तावद्गतो यावच्चेदकः, एवं सोऽप्येकः । ततः तृतीयेऽहिं महाकालः, सोऽप्येकः ३ । चतुर्थेऽहिं कृष्णकुमारस्तथैव ४ । पञ्चमे सुकृष्णः ५, षष्ठे महाकृष्णः ६, सप्तमे वीरकृष्णः ७, अष्टमे रामकृष्णः ८, नवमे पितृसेनकृष्णः ९ दशमे पितृमहासेनकृष्णः १० चेदकेनैकशरेण निपातिताः । एवं दशसु दिवसेषु चेदकेन विनाशिता दशपि कालादयः । एकादशे तु दिवसे चेदकजयार्थं देवताराधनाय कूणिकोऽष्टमभक्तं प्रजग्राह । ततः शकचमरावागतौ । ततः शक्रो वभापे—‘चेदकः आधक इत्यहं न तं प्रति प्रहरामि, नवरं भवन्तं संरक्षामि’ । ततोऽसौ तद्वक्षार्थं वज्रप्रतिरूपकमभेयकवचं कृतवान् । चमरस्तु द्वौ सङ्ग्रामौ विकुर्वितवान् महाशिलाकण्डकं रथमुशलं चेति । तत्र महाशि-

रत्ना सद्धिं रहसुसलं संगमं ओयाए । ततेणं तीसे कालीए देवीए अन्नदा कदाइ कुंडुवजागरियं जागरमाणीए अयमेयारूवे अज्झत्थिए जाव समुपज्जित्था-एवं खलु ममं पुत्ते कालकुमारे तिहिं दंतिसहस्सेहिं जाव ओयाए । से मत्ते किं जतिस्सति ? नो जतिस्सति ? जीविस्सइ ? नो जीविस्सति ? पराजिणिस्सइ ? काले णं कुमारे णं अहं जीवमाणं पासिज्जा ? ओहयमण जाव झियाइ । ते णं काले णं ते णं समए णं समणे भगवं महावीरे समोसरित्ते । परिसा निगया । तते णं तीसे कालीए देवीए इमीसे कहाए लद्धहाए समाणीए अयमेतारूवे अज्झत्थिए जाव समुपपज्जित्था-

लेव कण्टकौ जीवितभेदकत्तान्महाशिलाकण्टकः । ततश्च यत्र तृणशूकादिनाऽप्यभिहतस्याश्वहस्त्यादेर्महाशिलाकण्टकेन वास्याहतस्य वेदना जायते. स सङ्ग्रामो महाशिलाकण्टक एवोच्यते । 'रहसुसले' ति यत्र रथो मुशलेन युक्तः परिधावन् महाजनक्षयं कृतवान् अतो रथमुशलः । 'ओयाए' ति उपयातः--संग्रामः । 'किं जइस्सइ' ति जयश्लाघां प्राप्स्यति । परा जेज्यते- अभिभविष्यति परसैन्यं परानभिभविष्यति उत नेति कालनामानं पुत्रं जीवन्तं द्रक्ष्याम्यहं न वेत्येषम् उपहतो मनःसंकल्पो युक्तायुक्तविवेचनं यस्याः सा उपहतमनःसंकल्पा । यावत्करणत् " करयलपल्लत्थियमुदी अट्टज्झाणोवगया ओमंथिययणनयणकमला " ओमंथियं- अधोमुगीकृतं वदने च तयनकमले च यया सा तथा । 'दीणवियन्नवयणा' दीनस्येव विवर्णे वदने यस्याः सा तथा । 'झियाइ' ति आतंथ्यानं ध्यायति, 'मणोमाणत्तिपणं दुक्खेणं अभिमुया' मनसि जातं मान-सिकं मनस्येव यद्वर्तते भानसिक दुःखं वचनेनाप्रकाशितत्वात् तन्मनोमानसिकं तेन अयद्विर्वर्तिनाऽभिभूता । 'ते णं काले णं' इत्यादि । 'अयमेयारूवे' ति अयमेतद्रूपो वक्ष्यमाणरूपः 'अज्झत्थिए' ति आर्यात्मिकः-आत्मविषयः चिन्तितः-स्मरणरूपः प्रार्थितः-लब्धुमार्शसितः, मनोगतः-मनस्येव वर्तते यो न यदिः प्रकाशितः, संकल्पो-विकल्पः, समुत्पन्नः-प्रादुर्भूतः । तमेवाह-

एवं खलु समणे भगवं० पुवाणुपुन्वि इहमागते जाव विहरति । तं महाफलं खलु तहारूवाणं जाव विउलस्स अट्टस्स गहण-
ताए, तं गच्छामि णं समणं जाव पज्जुवासासमि । इमं च णं एयारूवं वागरणं पुच्छिस्सासमि त्तिकट्टु एवं संपेहेइ

‘एवमि’त्यादि । यावत्करणत् “पुग्वाणुपुन्वि चरमाणे गामाणुगामं दुइज्जमाणे इहमागए इह संपत्ते इह समोसठे,
इहेव चंपाप नयरीए पुन्नभहे चेइए अट्ठापडिरूवं उगगहं उगिगणिहत्ता संजमेणं तवसा अज्पाणं भावेमाणे विहरइ” ।
‘तं महाफलं खलु’ भो देवाणुप्पिया ! ‘तहारूवाणं’ अरहंताणं, भगवंताणं, नामगोयस्स वि सवणयाए, किमंग पुण अभि-
गमणयंदणनंसंणपडिपुच्छणपज्जुवासणाए ! एगस्स वि आरियस्स धम्मियस्स वयणस्स सवणयाए, किमंग पुण ‘विउलस्स
अट्टस्स गहणयाए’ गच्छामि णं’ अहं ‘समणं’ भगवं महावीरं वंदामि नमंसासमि सक्कारेमि सम्माणेमि कल्लाणं मंगले
देवयं चेइयं ‘पज्जुवासासमि,’ एवं नो पेच्चभवे हियाए सुहाए खमाए निस्सेयसाए आणुगामियत्ताए भविस्सइ ‘इमे च णं
एयारूवं वागरणं पुच्छिस्सासमि त्तिकट्टु पयं संपेहेति’ संप्रेक्षते-पर्यालोचयति, सुगमम्, नवरं ‘इहमागए’ ति चम्पायां,
‘इह संपत्ते’ ति पूर्णभद्रे चैत्ये, ‘इह समोसठे’ ति साधूचितावग्रहे, पतदेवाह-इहेव चंपाप इत्यादि । ‘अट्ठापडिरूवं’
ति यथाप्रतिरूपम् उचितमित्यर्थः । ‘तं’ इति तस्मात्, ‘महाफलं’ ति महत्फलमायत्यां भवतीति गम्यं, ‘तहारूवाणं’
ति तत्प्रकारस्वभावानां-महाफलजननस्वभावानामित्यर्थः । ‘नामगोयस्स’ ति नामो-याहच्छिक्कस्याभिधानस्य, गोत्रस्य-गु-
णनिष्पन्नस्य ‘सवणयाए’ ति श्रवणेन, ‘किमंग पुण’ ति किंपुनरिति पूर्वोक्तार्थस्य विशेषद्योतनार्थम् अङ्गेल्यामन्त्रणे, यद्वा
परिपूर्णं पदार्थं शब्दो विशेषार्थः, अभिगमनं, वन्दनं-स्तुतिः, नमनं-प्रणमनं, प्रतिपृच्छनं-शरीरादिवार्ताप्रश्नं, पर्युपास-
नं-सेवा, तद्भावस्तत्ता तथा, एकस्यापि आर्यस्य आर्यप्रणेतुकत्वात्, धार्मिकस्य धर्मप्रतिबद्धत्वात्, वन्दामि-वन्दे, स्तोमि,
नमस्यामि-प्रणमामि, सत्कारयामि-आदरं करोमि वक्ष्यामि-आदरं वा, सम्मानयामि उचितप्रतिपत्त्येति । कल्याणं-कल्याणहेतुं,

संवेदित्ता कोडुविय गुरिते सदावेति २ ता एवं वदासि लिपामेव भो देवानुपिया ! धर्मियं जाणप्पवरं जुत्तमेवं उवद्वेह,
उवद्वविता जाव पच्चप्पिणंति । तते णं सा काली देवी ण्हाया कयवलिकम्मा जाव अप्पमहग्गाभरणालंकियसरीरा वह्हिं
खुज्जाहिं जाव महत्तरगविंदपरिक्खित्ता अंतैउराओं निगच्छइ, निगच्छित्ता जेणेव वाहिरिया

मङ्गलं दुरितोपशमनहेतुं, देवं चैत्यमिव चैत्यं; पथुपासयामि-सेवे, पतत्, नोऽस्माकं, प्रेत्यभवे-जन्यान्तरे, हिताय पश्यास्यत्,
सुखाय-शर्मणे, क्षमाय-सङ्गतत्वाय, निःश्रेयसाय-मोक्षाय, आनुगामिकत्वाय-भयपरम्परारु सानुयन्धन्मुगाय, भविष्यति, इति
कृत्वा-इति हेतोः, संपेक्षते पर्यालोचयति, संश्रेय चैवमयादीत्-शीघ्रमेव 'भो देवानुपिया' ! धर्माय नियुक्तं धार्मिकं,
यानप्रघटं, 'चाउग्वंढं आसरहं' ति चतस्रो घण्टाः पृष्ठतोऽग्रतः पार्श्वतश्च लम्बमाना यस्य स चतुर्थेण्डः, अश्वयुक्तो रथोऽम्बर-
यस्तमश्वरथं, युक्तमेवाभ्यादिभिः, उपस्थापयत्-प्रयुणीकुरुत्, प्रयुणीकृत्य मम समर्पयत् । 'ण्हाय' ति कृतमज्जना, स्नानानन्तरं
'कयवलिकम्म' ति स्वगृहे देवतानां कृतयलिकर्मा, 'कयकोउयमंगलपायच्छित्त' ति कृतानि कौतुकमङ्गलान्येव प्रायश्चि-
त्तानीव दुःस्वप्नाविव्यपोहायावश्यकर्तव्यत्वात् प्रायश्चित्तानि यया सा तथा । तत्र कौतुकानि-मपीपुण्ड्रादीनि, मङ्गलादीनि-
सिद्धार्थवध्यश्रुतद्वयं इकुरादीनि, 'सुहृत्पायेस्साहं वत्थाहं परिहिया' 'अप्पमहग्गाभरणालंकियसरीरा' (इति) सुगमम्, 'यह्हिं
खुज्जाहिं जावे' त्यादि, तत्र कुट्टिजकाभिः-वक्कजङ्घाभिः, चिलातीभिः-अनार्यदेशोत्पन्नाभिः, नामनाभिः-ब्रह्मशरीराभिः, घट-
भाभिः-मण्डकोष्ठाभिः, बर्बरीभिः-वर्ग्यदेशसंभवाभिः, धकुशिकाभिः पण्हकाभिः इसिनिकाभिः यासिनिकाभिः
लासिकाभिः लकुसिकाभिः ब्रविडीभिः सिटलीभिः आरयीभिः पक्वणीभिः बहलीभिः सुसण्डीभिः शयरीभिः पारसीभिः
नानादेशाभिः-बहुविधानार्यदेशोत्पन्नाभिरित्यर्थः, विदेशस्तदीयदेशापेक्षया बम्पानगरी विदेशः तस्य परिमण्डिकाभिः,
'इगियच्चित्तियपत्थियवियाणियारि' तत्र इद्वितेन-नयनादिनैशविशेषेण चित्तितं च-परेण हृदि स्थापितं प्रार्थितं च-अभिल-

उवद्वाणसाला जेणेव धम्मिए जाणप्पवरं तेणेव उवागच्छइ, धम्मियं जाणप्पवरं दुरुहति २ नियगपरियालसंपरिवुडा चंपं नयरीं मज्झं मज्झेणं निगच्छति २ जेणेव पुत्रभदे चेइए तेणेव उवागच्छइ २ छत्तादीए जावि धम्मियं जाणप्पवरं ठवेति २ धम्मियाओ जाणप्पवराओ पच्चोरुहति २ बहूहिं जाव खुज्जाहिं विंदपरिक्खत्ता जेणेव समणे भगवं [महावीरं] तेणेव उवागच्छति २ समणं भगवं [महावीरं] तिखुत्तो वंदति ७ ठिया चैव सपरिवारा सुस्ससमाणा नमसमाणा अभिमुहा विणएणं पंजलिउडा पज्जुवा सति । तते णं समणे भगवं जाव कालीए देवीए तीसे य महतिमहालियाए धम्मकहा भाणियव्वा जाव समणोवासए वा समणोवासिआ वा विहरमाणा आणाए आराहए भवति । तते णं सा काली देवी समणस्स भागवओ अंतियं धम्मं सोच्चा निसम्म जाव हियया समणं भगवं तिखुत्तो जाव एवं वदासि-एवं खलु भंते मम पुत्ते तिहिं दंतिसहस्सेहिं जाव रह-मुसलसंगामं ओयाते । से णं भंते किं जइस्सति ? नो जइस्सति ? जाव काले णं कुमारं अहं जीवमाणं पासिज्जा ? कालीति समणे भगवं कालिं देविं एवं वयासी-एवं खलु काली ! तव पुत्ते काले कुमारं तिहिं दंतिसहस्सेहिं जाव कूणिणएणं रवा सद्धिं

चितं च विजानन्ति यास्तास्तथा ताभिः, स्वस्वदेशे यन्नेपथ्यं परिधानादिरचना तद्वद्गृहीतो धेयो यकाभिस्तास्तथा ताभिः, निपुणनामधेयकुशला यास्तास्तथा ताभिः, अत एव विनीताभिः युक्तेति गम्यते, तथा चेद्विक्वाचक्रधालेन अर्थात् स्वदेश-संभवेन वृन्देन परिक्षिप्ता या सा तथा । 'उवद्वाणसाला' उपवेशनमण्डपः । 'दुरुहइ' आरोहति । यत्रैव श्रमणो भगवान् तत्रैवोपा-गता-संप्राप्ता, तदनु महावीरं त्रिःकृत्यो वन्दते-स्तुत्या, नमस्यति-प्रणमति, स्थिता चैव ऊर्ध्वस्थानेन, कृताञ्जलिपुटा अभिसंमुखा सती पर्युपास्ते । धर्मकथाश्रवणानन्तरं 'त्रिः कृत्यो' वन्दयित्वा (वन्दित्वा) पवमवादीत्- 'एवं खलु भंते' इत्यादि सुगमम् । अत्र कालीदेव्याः पुत्रः कालनामा कुमारो हस्तितुरगग्रथपदातिरूपनिजसैन्यपरिवृतः कूणिकराजनिर्युक्तश्रेटकराजेन सह

रहसुसलं संगमं संगममाणे हयमहियपवरवीरयातितनिवडितचिंधउझयपडागे निरालोयातो दिसातो करमाणे चेडगस्स रन्नो सपक्खं सपडिदिसिं रहेणं पडिरहं हव्वमागतं। ततेणं से चेडए राया कालं कुमारं एज्जमाणं पासति, कालं एज्जमाणं पासित्ता आसुरस्ते जाव मिसिमिसेमाणे धणुं परासुसति २ उसुं परासुसइ २ वइसाहं ठाणं ठाति २ आययकणायतं उसुं करेति २ कालं कुमारं एगाहच्चं कूडाहच्चं जीवियाओ ववरोवेति। तं कालगते णं काली ! काले कुमारे नो चेव णं तुमं कालं कुमारं जीवमाणं

रयसुशलं सङ्ग्रामयन् सुभट्ठेभेटकस्तर्कैर्यदस्य कृतं तदाह-‘हयमहियपवरवीरयातितनिवडितचिंधउझयपडागे’ (दतः) सैन्यस्य द्रुतत्वात्, मथितो मानस्य मन्थनात्, प्रघरयीराः—सुभटा घातिताः—विनाशिता यस्य, तथा निपातिताश्चिह्नव्यजाः—गरुडा-विचिह्नयुक्ताः केतवः पताकाश्च यस्य स तथा, ततः पदचतुष्टयस्य कर्मधारयः। अत एव ‘निरालोयाओ विसाओ करेमाणे’ ति निर्गतालोका विशः कुर्वन् चेटकराजः (स्य) ‘सपक्खं सपडिदिसिं’ ति सपक्खं—समानपाश्वं समानवामेतरपाश्वंतया, सप्रति-विद्—समानप्रतिविक्रयाऽस्यर्थमभिमुख इत्यर्थः, अभिमुखागमने हि परस्परस्य समाविध दक्षिणधामपाश्वो भवतः, एवं विधि-शावपीति। इत्येवं स कालः चेटकराजस्य रथेन प्रतिरथं ‘दव्वं’ शीघ्रम् आसन्नं—संमुखीनम् आगच्छन्तं दृष्ट्वा चेटकराजः तं प्रति ‘आसुरस्ते’ रुद्धे कुपिणं चंडिक्किणं ‘मिसिमिसेमाणे’ ति, तत्र आशु-शीघ्रं कष्टः—क्रोधेन विमोहितो यः स आशुरुष्टः, आसुरं धा-असुरस्तर्कं कोपेन दारुणत्वात् उक्तं—भणितं यस्य स आसुरोक्तः, कष्टो-रोपयान् ‘कुपिणं’ ति मनसा कोपयान्, चाण्डिक्रियतो-दारुणीभूतः ‘मिसिमिसेमाणे’ ति क्रोधज्वालय उज्जलन्, ‘तियलियं भिज्जिं निडाले सादद्’ ति त्रिवलिकां भृकुटि-लोचनविकारविशेषं ललाटे संहृत्य—विधाय, धनुः परामुशति, याणं परामुशति, विशालस्थानेन तिष्ठति, ‘आययक-ण्णायतं’ ति आकर्णन्तिं दानमाकृष्य ‘एगाहच्चं’ ति एकैवाहातया आहननं गृह्यते यत्र जीवितव्यपरोपणे तदेकाहृत्यं यथा भवति एवं, कथमित्याह—‘कूडाहच्चं’ कूटस्येव—पापाणमयमहामारण्यस्येव आहृत्या आहननं यत्र तत्कूटाहृत्यं, ‘भगवतोक्तेयं

पासिहिसि । ततं णं सा काली देवी समणस्स भगवओ अंतियं एयमट्ठं सोच्चा निसम्म महया पुत्तसोएणं अण्णुआ समाणी
 परसुनियत्ताविव चंपलता धस च्चि धरणीतलंसि सव्वंभेहिं संनिवडिया । तते णं सा काली देवी मुहुत्तंतरेणं आसत्थां समा-
 णी उट्ठाए उट्ठेति उट्ठित्ता समणं भगवं [महावीरं] वंदइ नमंसइ २ एवं वयासी-एवमेयं भंते ! तहमेयं भंते ! अवितहमेयं भंते !
 असंदिद्धमेयं भंते ! सच्चेणं एसमट्ठे से जहेतं तुब्भे वदह च्चिकट्ठु समणं भगवं वंदइ नमंसइ २, तमेव धम्मियं जाणप्पवरं
 दुरुहति २ जामेव दिसं पाउब्भूया तामेव दिसं पडिगता । भंते च्चि भगवं गोयमे जाव वंदति नमंसति २ एवं वयासी-कालेणं
 भंते ! कुमारे तिहिं दंतिसहस्सेहिं जाव रहसुसलं संगमं संगामेमाणे चेडएणं रत्ता एगाहच्चं कूडाहच्चं जीवियाओ ववरोचिते
 समाणे कालमासे कालं किच्चा कहिं गते ? कहिं उववन्ने ? गोयमाति समणे भगवं गोयमं एवं वदासि-एवं खलु गोयमा !
 काले कुमारे तिहिं दंतिसहस्सेहिं जाव जीवियाओ ववरोचिते समाणे कालमासे कालं किच्चा चउत्थीए पंकप्पभाए पुढवीए
 हेमाभे नरगे दससागरोवमविइएसु नेरइएसु नेरइयत्ताए उववन्ने । कालेणं भंते ! कुमारे केरिसएहिं आरंभेहिं केरिसएहिं
 (समांभेहिं केरिसएहिं) आरंभसमांभेहिं केरिसएहिं भोगेहिं केरिसएहिं भोगसंभोगेहिं केरिसेण वा
 असुभकडकम्मपम्भारेणं कालमासे कालं किच्चा चउत्थीए पंकप्पभाए पुढवीए जाव नेरइयत्ताए उववन्ने ? एवं खलु गोयमा !
 ते णं कालेणं ते णं समएणं रायगिहे नामं नयरे होत्था, रिद्धत्थिमियसमिद्धा । तत्थ णं रायगिहे नयरे सेणिए
 नामं राया होत्था, महया । तस्स णं सेणियस्स रत्तो नंदा नामं देवी होत्था, सोमाला जाव विहरति । तस्स णं सेणि-

व्याख्या, ' 'अण्णुणा समाणी' व्याप्ता सती । शेषं सुगमं यावत्

यस्स रत्नो नंदाए देवीए अत्तए अभए नामं कुमारे होत्था, सोमाले जाव सुखे साम० दंडे जहा चित्तो जाव रज्जधुराए चित्तए यावि होत्था । तस्स णं सेणियस्स रत्नो चेळणा नामं देवी होत्था, सोमाले जाव विहरइ । तते णं सा चिळणा देवी अन्नया कयाइ तंसि तारिसयंसि वासयंसि जाव सीहं सुमिणे पासित्ता णं पडिबुद्धा, जहा पभावतो, जाव सुमिणादगो पडिबि- सज्जिता, जाव चिळणा से वयणं पडिच्छित्ता जेणेव सए भग्ने तेजेअ अणु त्रिष्टा । तते णं तीसे चेळणाए देवीए अन्नया कयाइ तिण्हं गासाणं बहुपडिपुण्णाणं अयमेयारूवे दोहले पाउभूए-धत्ताओ णं ताओ अम्मयाओ जाव जम्मजोन्नियफले जाओ णं सेणियस्स रत्नो उदरवलीमंसेहिं सोल्लेहि य तल्लिएहि य भज्जितेहि य सुरं च जा । पसन्नं च आसाएमाणीओ जाव परि- भाएमाणीओ दोहलं पविनेति । तते णं सा चेळणा देवी तंसि दोहलंसि अविणिज्जमाणंसि सुक्का भुगत्वा निम्मंसा ओलुग- ओलुगसरीरा नित्तेया दीणविमणवयणा पंडुइतमुही ओमंथियनयणवयणकमला जहोचियं पुष्पवत्थंगंधमल्लालंकारं अपरि- भुंजमाणी करतलमलियव्व कमलमाला ओहत्तमणसंकप्पा जाव श्रियायति । तते णं तीसे चेळणाए देवीए अंगपडिया-

‘सोल्लेहि य’ ति पक्खीः ‘तल्लिएहि’ ति स्नेहेन पक्खीः ‘भज्जिएहि’ अट्ठेः ‘पसन्नं च’ ब्राह्मादिप्रव्यज्जन्यो मनःप्रसत्तिहेतुः ‘आसाएमाणीओ’ ति ईपत्त्यादयन्त्यो बहु च त्यजन्त्य इक्षुखण्डादेस्त्रिव, ‘परिभाएमाणीओ’ सर्वमुपभुञ्जानाः (परस्परं ददन्त्यः) ‘सुक्क’ ति शुष्केन शुष्काभा रुधिरशयात्, ‘सुक्ख’ ति भोजनाकरणतो युभुक्षितेव, ‘निम्मंसा’ मांसोपचया- भावतः, ‘ओलुग’ ति अवरुणा-भग्नमनोवृत्तिः, ‘ओलुगसरीरा’ भग्नदेहा, निस्तेजा-गतकान्तिः दीना-धिमनोवदना, पाण्डुकितमुखी-पाण्डुरीभूतवदना, ‘ओमंथिय’ ति अघोमुणीकृतं, उपहतमनःसंरूपा-गतयुक्तायुक्तगिवेचना,

रियातो चेळणं देविं सुक्कं सुक्खं जाव झियायमाणीं पासंति, पासित्ता जेणेव सेणिए राया तेणेव उवागच्छंति, २ करतलपरिगहियं सिरसावत्तं मत्थए अंजलिं कट्टु सेणियं रायं एवं वयासी-एवं खलु सामी ! चेळणा देवी न याणामो केणइ कारणेणं सुक्का सुक्खा जाव झियायति । तते णं से सेणिए राया तासिं अंगपडियारियाणं अंतिए एयमंडं सोच्चा निसम्म तहेव संभंते समाणे जेणेव चेळणा देवी तेणेव उवागच्छइ २ चिळणं देविं सुक्कं सुक्खं जाव झियायमाणिं पासित्ता एवं वयासी-किन्नं तुमं देवाणुप्पिए ! सुक्का सुक्खा जाव झियायसि ? तते णं सा चेळणा देवी सेणियस्स राणीं एयमंडं णो आढाति णो परिजाणाति तुसिणीया सचिद्धति । तते णं से सेणिए राया चिळणं देविं दोच्चं पि तच्चं पि एवं वयासी-किं णं अहं देवाणुप्पिए ! एयमंडस्स नो अरिहे सवणयाए जं णं तुमं एयमंडं रहस्सीकरेसि ? तते णं सा चेळणा देवी सेणिएणं रत्ता दोच्चं पि तच्चं पि एवं वुत्ता समाणी सेणियं रायं एवं वयासी-णत्थि णं सामी ! से केति अट्टे जस्स णं तुब्भे अगरिहा सवणयाए, नो चेव णं इमस्स अट्टस्स सवणयाए, एवं खलु सामी ! ममं तस्स ओरालस्स जाव महासुमिणस्स तिण्हं मासाणं बहुपडिपुणाणं अयमेयाख्वे दोहले पाउब्भूए धन्नातो णं तातो अम्मयाओ जाओ णं तुब्भं उदरवल्लिमंसेहिं सोल्लिएहि य जाव दोहलं विणेंति । तते णं अहं सामी ! तंसि दोहलंसि अविणिज्जमाणी सुक्का सुक्खा जाव झियायामि । तते णं से

‘करयल० कट्टु’ ति ‘करयलपरिगहियं दसनहं सिरसावत्तं मत्थए अंजलिं कट्टु सेणियं रायं एवं वयासी’ स्पष्टम् । पनमर्थं नाद्रियते-अत्रार्थे आवरं न कुरुते, न परिजानीते-नाभ्युपगच्छति, कुतमौना तिष्ठति । ‘धन्नाओ णं कयलक्खणाओ णं सुलक्खे णं तासिं जम्मजीवियफले’ ‘अविणिज्जमाणंसि’ ति ‘अपूर्यमाणे

सेणिण राया चेल्लणं देवि एवं वदस्सि-मा नं तुमं देवाणुप्पिण ! ओहय० जात्र झियायहि, अहं नं तथा जत्तिहामि जहा नं तव दोहलस्स संपत्ती भविस्सतीतिकट्ठु चिल्लणं देवि ताहि इट्ठाहिं कंताहिं मणुआहिं मणामाहिं ओरालाहिं कल्ला-णाहिं सिवाहिं धन्नाहिं मंगलाहिं मियमधुरसस्सिरीयाहिं वग्गूहिं समासासेति, चिल्लणाए देवीए अंतियातो पडिनिक्ख-मति २ जेणेव वाहिरिया उवट्ठाणसाला जेणेव सीहासणे तेणेव उवागच्छइ, उवागच्छिता सीहासणवरंसि पुरत्याभिमुहे नि-सीयति, तस्स दोहलस्स संपत्तिनिमित्तं वहुहिं आएहिं उवाएहि य उत्पत्तियाए य वेणइयाए य कम्मियाहि य पारिणामियाहि य परिणामेमाणे २ तस्स दोहलस्स आयं वा उवायं वा विइं वा अविंदमाणे ओहयमणसंकप्पे जात्र झियायति । इमं च नं अभए कुमारं ण्हाए जाव सरीरं, सयाओ गिहाओ पडिनिक्खमति २ जेणेन वाहिरिया उवट्ठाणसाला जेणेव सेणिण राया तेणेव उवागच्छति, सेणियं रायं ओहय० जात्र झियायमाणं पासति २ एवं वदासी-अन्नया नं तातो ! तुन्ने मम पासित्ता हट्ठ जात्र हियया भवह, किन्नं तातो ! अल्ल तुन्ने ओहय० जात्र झियायह ? तं जइ नं अहं तातो ! एयमट्ठस्स अरिहे सन्नयाए तो नं तुन्ने मम एयमट्ठं जहाभूतमवितहं असंदिद्धं परिकहेह, जा नं अहं तस्स अट्ठस्स अंतगमणं करेमि । तते नं से सेणिण राया अभयं कुमारं एवं वदस्सि-णत्थि नं पुत्ता ! से केइ अट्ठे जस्स नं तुमं अणरिहे सन्नयाए, एवं खल्लु पुत्ता ! तत्र चुल्लमाउयाए चेच्छणाए देवीए तस्स ओरालस्स जात्र महासुमिणस्स तिण्हं मासाणं बहुपडिपुत्ताणं जात्र जाओ नं मम उदरवलीमंसेहिं सोल्लेहि

‘जत्तिहामि’ ति यत्तिब्बे, ‘इट्ठाहिं’ इट्ठाहीत्यादीनां क्यारुया प्रागिहियोक्ता । ‘उवट्ठाणसाला’ आस्थानमण्डपः । ‘ठिइ’ वा स्थानं ‘अविंदमाणे’ अलभमानः । अंतगमनं-पारगमनं तत्संपादनेन ।

य जाव दोहलं विणेति । तते णं सा चिछणा देवी तंसि दोहलंसि अविणिज्जमाणंसि सुका जाव क्षियाति । तते णं अहं पुत्ता !
 तस्स दोहलस्स संपत्तिनिमित्तं बहूहिं आएहि य जाव ठितं वा अविदमाणे ओहय० जाव क्षियामि । तए णं से अभए कुमारे
 सेणियं रायं एवं वदासि-मा णं तातो ! तुब्भे ओहय० जाव क्षियाहं अहं णं तह जत्तिहामि, जहा णं मम चुल्लमाउयाए
 चिछणाए देवीए तस्स दोहलस्स संपत्ती भविस्सतीतिकट्टु सेणियं रायं ताहिं इट्ठाहिं जाव वग्गहिं समासासेति २ जेणेव सए
 गिहे तेणेव उवागच्छइ २ अन्निभतरए रहस्सितए ठाणिज्जे पुरिसे सदावेति २ एवं वयासी-गच्छह णं तुब्भे देवाणुप्पिया !
 सूणातो अल्लं मंसं रुहिरं वत्थिपुडगं च गिण्हह । तते णं ते ठाणिज्जा पुरिसा अभएणं कुमारेणं एवं पुत्ता समाणा हट्ठ० कर-
 तल० जाव पडिसुणेत्ता अभयस्स कुमारस्स अंतियाओ पडिनिवखमंति २ जेणेव सूणा तेणेव उवागच्छइ, अल्लं मंसं रुहिरं
 वत्थिपुडगं च गिण्हंति २ जेणेव अभए कुमारे तेणेव उवा० २ करतल० तं अल्लं मंसं रुहिरं वत्थिपुडगं च उवणेति । तते
 णं से अभए कुमारे तं अल्लं मंसं रुहिरं कप्पणिकप्पियं (अप्पकप्पियं) करेति २ जेणेव सेणिए राया तेणेव उवा० २ सेणियं
 रायं रहस्सिगयं सयणिज्जंसि उत्ताणयं निवज्जावेति २ सेणियरस उदरवलीसु तं अल्लं मंसं रुहिरं विरवेति २ वत्थिपुडएणं
 वेहेति २ संवतीकरणेणं करेति २ वेल्लणं देविं उप्पि पासादे अवलोयणवरगयं उवावेति २ वेल्लणाए देवीए अहे सपक्खं सपडिदिसिं
 सेणियं रायं सयणिज्जंसि उत्ताणगं निवज्जावेति, सेणियस्स रत्तो उदरवलिमंसाइं कप्पणिकप्पियाइं करेति २ से य भायणंसि

'सूणाओ' घातस्थानात् । 'वत्थिपुडगं' उदरान्तर्बर्ती प्रदेशः । अप्पकप्पियं आत्मसमीपस्थम् । सपक्खं-समानपाश्वं समथा-
 मेतरपाश्वर्तया । सप्रतिदिक्-समानप्रतिदिक्तया अत्यर्थमभिमुख इत्यर्थः । अभिमुखावस्थानेन हि परस्परस्य समाशेष

पक्खिवति । तते णं से सेणिए राया अलियमुच्छियं करेति २ मुहुत्तरेणं अन्नमन्नेणं सद्धिं संलवमाणे चिट्ठति । तते णं से अभयकुमारे सेणियस्स रत्तो उदरवल्लिंसाइं गिण्हेति २ जेणेव चिल्लणा देवी तेणेव उवागच्छइ २ चेळणाए देवीए उवणेति । तते णं सा चिल्लणा सेणियस्स रत्तो तेहि उदरवल्लिंसेहिं सोल्लेहिं जाव दाहलं विणेति । तते णं सा चिल्लणा देवी संपुण्णदोहला एवं संमाणियदोहला विच्छिन्नदोहला तं गब्भं सुहंसुहेणं परिवहति । तते णं तीसे चेळणाए देवीए अन्नया कयाइ पुव्वरत्तावरत्तकालसमयंसि अयमेयाल्ले जाव समुप्पज्जित्या—जइ ताव इमेणं दारणं गब्भगणं नेव पिउणो उदरवल्लिंमंसाणि खाइयाणि तं सेयं खलु मए एयं गब्भं साडित्तए वा पाडित्तए वा विद्धंसित्तए वा एवं संपेहेति २ तं गब्भं बहूहिं गब्भसाडणेहि य गब्भपाडणेहि य गब्भगालणेहि य गब्भविद्धंसणेहि य इच्छति साडित्तए वा पाडित्तए वा गालित्तए वा विद्धंसित्तए वा, नो चेव णं से गब्भे सडति वा पडति वा गलति वा विद्धंसति वा । तते णं सा चिल्लणा देवी तं गब्भं जाहे नो संचाएति बहूहिं गब्भसाडएहि य जाव गब्भपाड(विद्धंस)णेहि य साडित्तए वा जाव विद्धंसित्तए वा, ताहे संता तंता परितंता निव्विआ समाणा अकापिया अवसवसा अट्टवसट्टुदुहट्ठा तं गब्भं परिवहति । तते णं सा चिल्लणा देवी

वक्षिणयामपाब्धे भवतः, एवं विदिशागपि । 'अयमेयाल्ले' अन्नमन्निप पत्थिए मणोगप संकप्पे समुप्पज्जित्या । सातनं पातनं गालनं विध्यंसनमिति कट्ठुं संप्रधारयति, उव्वरान्तर्गतिनः ओपसेः सातनम्-उव्वराप्रतिःकरणं, पातनं-गालनं रुधिरादितया कृत्वा, विध्यंसनं सर्वगर्भपरिशादनेन, न च शादनाद्यस्या अस्य भवन्ति । 'संता तंता परितंता' इत्येकायाः खेद्याचका एते ध्यनगः । 'अट्टवसट्टुदुहट्ठा' (आर्तगर्श-आर्तध्यानयशतामृता-गता दुःखार्ता च या सा) उयाभिराकोशनाभिः

नवहं मासानं बहुपाढ पुण्णानं जाव सोमालं सुरूवं दारयं पयाया । तते नं तीसे चेळुणाए देवीए इमे एतारूवे जाव समुप्प-
जित्था-जइ ताव इमेणं दारएणं गब्भगएणं चेव पिउणो उदरवलिमसाइं खाइयाइं, तं न नज्जइ नं एस दारए संबडुमाणे अम्हं
कुलस्स अंतकरे भविस्सति, तं सेयं खलु अम्हं एयं दारगं एगंते उक्खुरडियाए उज्झावित्ताए एवं संपेहेति २ दासचेडिं सद्दावेति
२ एवं वयासी-गच्छह नं तुमं देवाणुप्पिए एयं दारगं एगंते उक्खुरडियाए उज्झाहि । तते नं सा दासचेडी चेळुणाए देवीए एवं
बुत्ता समाणी करतल० जाव कट्टु चिळुणाए देवीए एतमट्टं विणएणं पडिमुणेति २ तं दारगं करतलपुडेणं गिण्हति, जेणेव
असोगवणिग्या तेणेव उवा० २ तं दारगं एगंते उक्खुरडियाए उज्झाति । तते नं तेणं दारएणं एगंते उक्खुरडियाए उज्झितेणं
समाणेणं सा असोगवणिग्या उज्जोविता यावि होत्था । तते नं से सेणिए राया इमीसे कहाए लद्धट्टे समाने जेणेव असोगव-
णिग्या तेणेव उवा० २ तं दारगं एगंते उक्खुरडियाए उज्झियं पासति २ आसुरत्ते जाव मिसिमिसेमाणे तं दारगं करतलपुडेणं
गिण्हति २ जेणेव चिळुणा देवी तेणेव उवा० २ चेळुणं देविं उच्चावयाहिं आओसणाहिं आओसति २ उच्चावयाहिं निब्भच्छ-
णाहिं निब्भच्छेति २ एवं उद्धंसणाहिं उद्धंसेति २ एवं वयासी-किस्स नं तुमं मम पुत्तं एगंते उक्खुरडियाए उज्झावेसि त्तिकट्टु
चेळुणं देविं उच्चावयसवहसावितं करेति २ एवं वयासी-तुमं नं देवाणुप्पिए ! एयं दारगं अणुपुब्बेणं सारक्खमाणी संगोवेमाणी
संबडुहि । तते नं सा चेळुणा देवी सेणिएणं रत्ता एवं बुत्ता समाणी लज्जिया विलिया विट्ठा करतलपरिगहिंयं सेणियस्स
रत्तो विणएणं एयमट्टं पडिमुणेति २ तं दारगं अणुपुब्बेणं सारक्खमाणी संगोवेमाणी संबडुति । तते नं तस्स दारगस्स एगंते

आक्रोशो निर्भर्त्सना उद्धर्षणा (एते समानार्थाः) । 'लज्जिया विलिया विट्ठा' (एतेऽपि समानार्थाः) ।

उकुरुडियाए उज्झिज्जमाणस्स अगंगुलियाए कुक्कुडपिच्छएणं दूमियां यावि होत्था, अभिक्खणं अभिक्खणं पूयं च सोणियं च अभिनिस्सवेति । तते नं से दारए वेदणाभिभूए संमाणे महता सदेणं आरसति । तते नं सेणिए राया तस्स दारगस्स आरसितसहं सोच्चा निसम्म जेणेव से दारए तेणेव उवा० २ तं दारगं करतलपुडेणं गिण्हइ २ तं अगंगुलियं आंसयंसि पक्खिवति २ पूइं च सोणियं च आसएणं आसुसति । तते नं से दारए निव्वुए निव्वेदणे तुसिणीए संचिद्धइ, जाहे वि य नं से दारए वेदणाए अभिभूते समाणे महता सदेणं आरसति ताहे वि य नं सेणिए राया जेणेव से दारए तेणेव उवा० २ तं दारगं करतलपुडेणं गिण्हति तं चेव जाव निव्वेयणे तुसिणीए संचिद्धइ । तते नं तस्स दारगस्स अम्मापियरो ततिए दिवसे चंदसूरदंसणियं करेति जाव संपत्ते वारसाहे दिवसे अयमेयारूवं गुणनिफन्नं नामधिज्जं करेति, जहा नं अम्हं इमस्स दारगस्स एगंते उकुरुडियाए उज्झिज्जमाणस्स अंगुलिया कुक्कुडपिच्छएणं दूमियां, तं होउ नं अम्हं इमस्स दारगस्स नामधेज्जं कूणिए । तते नं तस्स दारगस्स अम्मापियरो नामधिज्जं करेति कूणियं ति । तते नं तस्स कूणियस्स आणुपुव्वेणं त्रितिवडियं च जहा मेहस्स जाव उप्पि पासायवरगए विहरति । अट्ठओ दाओ । तते नं तस्स कूणियस्स कुमारस्स अन्नदा पुव्वरत्ता० जाव समुपज्जित्था-एवं खलु अहं सेणियस्स रत्नो वाधाएणं नो संचाएमि सयमेव रज्जसिर्णिं करेमाणे पालेमाणे विहरित्तए, तं सेयं मम खलु सेणियं रायं नियलंबणं करेत्ता अप्पाणं महता रायाभिसेएणं अभिसिंचावित्तए तिकडु एवं संपेहेति २ सेणियस्स रत्नो अंतराणि य छिड्डाणि य विरहाणि य पडिजागरमाणे विहरति । तते नं से कूणिए कुमारं सेणियस्स रत्नो स्थितिपत्तितां-कुलक्रमायातं पुत्रजन्मानुष्ठानम् । 'अंतराणि य' अवसरान्, छिद्राणि-अल्पपरिवारादीनि, विरहो-विजनत्वम् ।

अंतरं वा जाव मम्मं वा अलभमाणे अन्नदा कयाइ कालादीए दस कुमारे नियघरे सदावेति २ एवं वदासि-एवं खलु देवाणुप्पिया ! अम्हे सेणियस्स रत्तो वाघाएणं नो संचाएमो सयमेव रज्जसिं करेमाणा पालेमाणा विहरित्तए, तं सेयं देवाणुप्पिया ! अम्हं सेणियं रायं नियलंबधणं करेत्ता रज्जं च रुद्धं च वलं च वाहणं च कोसं च कोट्टागारं च जणवयं च एत्तारसभाए विरिंचित्ता सयमेव रज्जसिं करेमाणाणं पालेमाणाणं जाव विहरित्तए । तते णं ते कालादीया दस कुमारा कूणियस्स कुमारस्स एयमट्ठं विणएणं पडिमुणेंति । तते णं से कूणिए कुमारे अन्नदा कदाइ सेणियस्स रत्तो अंतरं जाणति २ सेणियं रायं नियलंबधणं करेति २ अप्पाणं महता रायाभिसेएणं अभिसिंचावेति । तते णं से कूणिए कुमारे राजा जाते महता महता० । तते णं से कूणिए राया अन्नदा कदाइ न्हाए जाव सवालंकारविभूसिए चेळ्ळणाए देवीए पायवंदए हवमागच्छति । तते णं से कूणिए राया चेळ्ळणं देविं ओहय० जाव क्षियायमाणि पासति २ चेळ्ळणाए देवीए पायगहणं करेति २ चेळ्ळणं देविं एवं वदासि-किं णं अम्मो ! तुम्हं न तुट्ठी वा न ऊसए वा न हरिसे वा नाणंदे वा ? जं णं अहं सयमेव रज्जसिं जाव विहरामि । तते णं सा चेळ्ळणा देवी कूणियं रायं एवं वयासि-कहणं पुत्ता ! ममं तुट्ठी वा उस्सए वा हरिसे वा आणंदे वा भविस्सति ? जं नं तुमं सेणियं रायं पियं देवयं गुरुजणं अच्चंतेहाणुरागरत्तं नियलंबधणं करि-त्ता अप्पाणं महता रायाभिसेएणं अभिसिंचावेसि । तते णं से कूणिए राया चिळ्ळणं देविं एवं वदासि-घातेउकामे णं अ-म्मो ! मय सेणिए राया, एवं मारेतुं बंधितुं निच्छुभित्तकामए णं अम्मो ! ममं सेणिए राया, तं कहन्ने अम्मो ममं सेणिए

तुट्ठिः उत्तसवः हर्षः आनन्दः प्रमोदार्थां पते शब्दाः । 'मम घातेउकामे णं' घातयितुकामः णं वाक्यालङ्कारे मां श्रेणि को राजा 'घातनं मारणं बन्धनं निच्छुभणं' एते पराभवसूचका शब्दतयः ।

राया अचंतनेहाणुरागरत्ते ? तते णं सा चेळणा देवी कूणियं कुमारं एवं वदासि-एवं खलु पुत्ता ! तुमंसि ममं गम्भे आभूते समाणे तिण्हं मासाणं बहुपडिपुत्राणं ममं अयमेयारूवे दोहले पाउभूते-धन्नातो णं तातो अम्मयातो जाव अंगप-डिचारियाओ निरवसेसं भाणियव्वं जाव जाहे वि य णं तुमं वेयणाए अभिभूते महता जाव तुसिणीए संचिद्धसि, एवं खलु तव पुत्ता ! सेणिए राया अचंतनेहाणुरागरत्ते । तते णं से कूणिए राया चेळणाए देवीए अंतिए एयमहं सोच्चा निसम्म चिच्छणं देवि एवं वदासि-दुद्धु णं अम्मो ! मए कर्यं, सेणियं रायं पियं देवयं गुरुजणं अचंतनेहाणुरागरत्तं नियलवंधणं करंतेणं, तं गच्छामि णं सेणियस्स रत्तो सयमेव नियलानि छिंदाभि त्तिकट्टु परसुहत्थगते जेणेव चारगसाला तेणेव पहा-रित्थगमणाए । तते णं सेणिए राया कूणियं कुमारं परसुहत्थगयं एज्जमाणं पासति २ एवं वयासि-एस णं कूणिए कुमारे अपत्थियपत्थिए जाव सिरिहिरिपरिवज्जिए परसुहत्थगए इह हव्वमागच्छति, तं न नज्जइ णं ममं केणइ कुमारेणं मारिरस-तीतिकट्टु भीए जाव संजायभए तालपुडगं विसं आसगंसि पस्सिवइ । तते णं से सेणिए राया तालपुडगविसं आसगंसि पक्खत्ते समाणे सुहुत्तरेणं परिणाममाणंसि निष्पाणे निच्चिट्ठे जीवविप्पज्जे ओइन्ने । तते णं से कूणिए कुमारे जेणेव चार-गसाला तेणेव उवागए २ सेणियं रायं निष्पाणं निच्चिट्ठं जीवविप्पज्जे ओइन्नं पासति २ महता पितिसोएणं अप्फुण्णे समाणे परसुनियत्ते विव चंपगवरपादेव धस त्ति धरणीतलंसि सव्वेहिं संनिवडिए । तते णं से कूणिए कुमारे सुहुत्तरेणं

निष्पाणः—तिर्गतप्राणः, निश्चेद्यः जीवितविप्रजदः प्राणापहारसूचकाः एते । अवतीर्णो—भूमौ पतितः । ‘अप्फुण्णे’ व्याप्तः सन् ।

आसत्ये समाने रोयमाने, कंदमाने, सोयमाने, विलवमाने एवं वदासि—अहो नं मए अधत्तेणं अपुत्तेणं अकयपुत्तेणं दुट्ठकयं सेणियं रायं पियं देवयं अचंतनेहाणुरागरत्तं नियलंबणं करंतेणं मम मूलागं चैव नं सेणिए राया कालगतं त्ति कट्ठु ईसरतल्लवर जाव संधिवालसद्धिं संपरिवुडे रोयमाने ३ महया इट्ठिसक्कारसमुदएणं सेणियस्स रत्तो नीहरणं करेति, बहूइं लोइयाइं मयक्किचाइं करेति । तते नं से कूणिए कुमारे एतेणं महया मणोमाणसिएणं दुक्खेणं अभिभूते समाने अन्नदा कदाइ अंतेउरपरियालसंपरिवुडे सभंडमत्तोक्ककरणमाताए रायगिहातो पडिनिक्खमति, जेणेव चंपा नगरी तेणेव उवागच्छइ, तत्थ वि णं विपुलभोगसमितिसमन्नागए, कालेणं अप्पसोए जाए यावि होत्था । तते नं से कूणिए राया अन्नया कयाइ कालादीए दस कुमारे सद्दावेति २ रत्तं च जाव जणवयं च एक्कारसभाए विरिंचति २ सयमेव रत्तसिरिं करेमाणे पालेमाणे विहरति । तत्थ नं चंपाए नगरीए सेणियस्स रत्तो पुत्ते वेळ्ळणाए देवीए अत्तए कूणियस्स रत्तो सहोयरे कणीयसे भाया वेहल्ले नामं कुमारे होत्था सोमाले जाव सुखे । तते नं तस्स वेहल्लस्स कुमारस्स सेणिएणं रत्ता जीवंतएणं चैव सेयणए गंधहत्थी अट्टारसवंके हारे पुवदिन्ने । तए नं से वेहल्ले कुमारे सेयणएणं गंधहत्थिणा अंतेउरपरियालसंपरिवुडे चंपं नगरिं मज्झं मज्झेणं निगच्छइ २ अभिक्खणं २ गंगं महानइं मज्जणयं ओयरइ । तते नं सेयणए गंधहत्थी देवीओ

‘रोयमाने त्ति’ इदं ‘कंदमाने’ वैकल्यं कुर्वन् ‘सोयमाने’ शोकं कुर्वन् ‘विलवमाने’ विलापान् कुर्वन् । ‘नीहरणं’ ति परोक्षस्य यन्निर्गमादि कार्यम् । ‘मणोमाणसिएणं’ ति मनसि जातं मानसिकं मनस्येव यद्वर्तते घचनेनाप्रकाशितत्वात् तत् मनोमानसिकं तेन अबहिर्वर्तिना अभिमूतः । ‘अंतेउरपरियालसंपरिवुडे’ । ‘चंपं नगरिं मज्झं मज्झेणं’ इत्यादि वाच्यम् ।

सौंडाए गिणहति २ अप्पेगइयाओ पुट्टे ठवेति, अप्पेगइयाओ खंधे ठवेति, एवं अप्पे० कुंभे ठवेति, अप्पे० सीसे ठवेति, अप्पे० दंतमुसले ठवेति, अप्पे० सौंडाए गहाय उइं वेहासं उव्विहइ, अप्पे० सौंडागयाओ अंदोलावेति, अप्पेगइया दंतंतरेसु नीणेति, अप्पे० सीभरेणं प्हाणेति, अप्पेगइयाओ अणेगेहिं कीलावणेहि कीलावेति । तते णं चंपाए नयरीए सिंघाडगतिमचउक्कचरमहापहपेसु बहुजणो अन्नमन्नस्स प्पमाइक्खइ जाव पस्सवेति-एवं खलु देवाणु-रिपया ! वेहल्ले कुमारे सेयणएणं गंधहत्थिणा अंतैउरं तं नेव जाव नेगेहिं कीलावणएहिं कीलावेति, तं एस णं वेहल्ले कुमारे रज्जसिरिफलं पच्चणुब्भवमाणे विहरति, नो कूणिए राया । तते णं तीसे पउमावईए देवीए इमीसे कहाए लद्धट्ठाए समाणीते अयमेयास्से जाव समुत्पज्जित्था, एवं खलु वेहल्ले कुमारे सेयणएणं गंधहत्थिणा जाव अणेगेहिं कीलावणएहिं कीलावेति, तं एस णं वेहल्ले कुमारे रज्जसिरिफलं पच्चणुब्भवमाणे विहरति, नो कोणिए राया, तं किं अम्हं रज्जेण वा जाव जणवएण वा जइ णं अम्हं सेयणगे गंधहत्थी नत्थि ? तं सेयं खलु ममं कूणियं रायं एयमट्ठं निन्नवित्तए सि-कटु एवं संपेहेति २ जेणेव कूणिए राया तेणेव उवा० २ करतल जाव एवं वयासि-एवं खलु सामी वेहल्ले कुमारं सेयण-एण गंधहत्थिणा जाव अणेगेहिं कीलावणएहिं कीलावेति, तं किण्हं सामी अम्हं रज्जेण वा जाव जणवएण वा जति णं अम्हं सेयणए गंधहत्थी नत्थि ? तए णं से कूणिए राया पउमावईए देवीए एयमट्ठं नो आदाति नो परिजाणति तुसिणीए संचि-द्वति । तते णं सा पउमावई देवी अभिक्खणं २ कूणियं रायं एयमट्ठं विन्नवेइ । तते णं से कूणिए राया पउमावईए देवीए अभिक्खणं २ एयमट्ठं विन्नविज्जमाणे अन्नया कयाइ वेहल्ले कुमारं सद्धवेति २ सेयणं गंधहत्थि अट्टारसवंकं च हारं

जायति । तते णं से वेहल्ले कुमारे कूणिणं रायं एवं वयासि-एवं खल्लु सामी सेणिणं रन्ना जीवन्तेणं चैव सेयणए गंधहत्थी अट्टारसवंकं य हारे दिन्ने, तं जइ णं सामी ! तुब्भे ममं रज्जस्स य (जणवयस्स य) अद्धं दलह तो णं अहं तुब्भं सेयणयं गंधहत्थिं अट्टारसवंकं च हारं दलयामि । तते णं से कूणिण राया वेहल्लस्स कुमारस्स एयमद्धं नो आढाति नो परिजाणइ अभिक्खवणं २ सेयणगं गंधहत्थिं अट्टारसवंकं च हारं जायति । तए णं तस्स वेहल्लस्स कुमारस्स कूणिणं रन्ना अभिक्ख- णं २ सेयणगं गंधहत्थिं अट्टारसवंकं च हारं एवं अक्खिविउकामेणं गिणिहउकामेणं उट्ठालेउकामेणं ममं कूणिण राया सेयणगं गंधहत्थिं अट्टारसवंकं च हारं तं जाव ताव ममं कूणिण राया सेयणगं गंधहत्थिं अट्टारसवंकं च हारं गहाय अंतैउरपरिया- लसंपरिखुडस्स सभंडमत्तोवकरणमाताए चंपातो नयरीतो पडिनिक्खमित्ता वेसालीए नयरीए अज्जगं चेडयं रायं उवसंप- ज्जित्ताणं विहरित्तए, एवं संपेहेति २ कूणियस्स रन्नो अंतराणि जाव पडिजागरमाणे २ विहरति । तते णं से वेहल्ले कुमारे अननदा कदाइ कूणियस्स रन्नो अंतरं जाणति सेयणगं गंधहत्थिं अट्टारसवंकं च हारं गहाय अंतैउरपरियालसंपरिखुडे स- भंडमत्तोवकरणमायाए चंपाओ नयरीतो पडिनिक्खमति २ जेणेव वेसाली नगरी तेणेव उवागच्छति, वेसालीए नगरीए अज्जगं चेडयं उवसंपज्जित्ता णं विहरति । तते णं से कूणिण राया इमीसे कहाए लद्धेडे समाणे एवं खल्लु वेहल्ले कुमारे ममं

‘अक्खिविउकामेणं’ ति स्वीकर्तुकामेन, एतदेव स्पष्टयति-‘ गिणिहउकामेणं’ इत्यादिना । ‘तं जाव ताव न उट्ठालेइ ताव ममं कूणिण राया’ इत्यादि सुगमम् । ‘अज्जगं’ ति मातामहम् । ‘संपेहेति’ पर्यालोचयति । ‘अंतराणि’ छिद्राणि प्रति- जाग्रत-परिभावयन् विचरति-आस्ते । ‘अंतरं’ प्रविरलमनुबुध्यादिकम् ।

असंविदितेणं सेयणं गंधहत्थि अट्टारसवंकं च हारं गहाय अंतेउपरियालसंपरिबुडे जाव अज्जयं चेडयं रायं उवसंपज्जित्ता णं विहरति, तं सेयं खलु ममं सेयणं गंधहत्थि अट्टारसवंकं च हारं दूतं पेसित्ताए, एवं संपेहेति २ दूतं सद्दवेति २ एवं वयासि-गच्छह णं तुमं देवानुप्पिया ! वेसालिं नगरं, तत्थ णं तुमं ममं अज्जं चेडगं रायं करतल० वद्धावेत्ता एवं वयासि-एवं खलु सामी ! कूणिए राया विन्नवेति, एस णं वेहल्ले कुमारे कूणियस्स रत्तो असंविदितेणं सेयणं अट्टारसवंकं हारं (च) गहाय हवमागते, तए णं तुब्भे सामी ! कूणियं रायं अनुगिण्हयाणा सेअणं अट्टारसवंकं च हारं कूणियस्स रत्तो पच्चपिणह, वेहल्लं कुमारं (च) पेसेह । तते णं से दूए कूणिए० करतल० जाव पडिमुणित्ता जेणेव सते गिहे तेणेव उवा० २ जहा चित्तो जाव वद्धाविच्चा एवं वयासि-एवं खलु सामी ! कूणिए राया विन्नवेइ-एस णं वेहल्ले कुमारे तहेव भाणियवं जाव वेहल्लं कुमारं पेसेह । तते णं से चेडए राया तं दूयं एवं वयासि-जह नेव णं देवानुप्पिया ! कूणिए राया सेणियस्स रत्तो पुत्ते चेळ्णाए देवीए अत्तए ममं नत्तुए तहेव णं वेहल्ले वि कुमारे सेणियस्स रत्तो पुत्ते चेळ्णाए देवीए अत्तए मम नत्तुए, सेणिएणं रत्ता जीवंतेणं चेव वेहल्लस्स कुमारस्स सेयणगे गंधहत्थी अट्टारसवंकं हारे पुव्वविदिन्ने, तं जइ णं कूणिए राया वेहल्लस्स रत्तस्स य जणवयस्स य अद्धं दलयति तो णं सेयणं अट्टारसवंकं हारं च कूणियस्स रत्तो पच्चपिणामि, वेहल्लं च कुमारं

‘ असंविदितेणं ’ ति असंप्रति (असंविदितेन) । दब्बं ति शीघ्रम् । ‘ जहा चित्तो ’ ति राजप्रभ्रीचे द्वितीयोपाङ्गे यथा प्रवेतम्भोनगर्यांश्चित्रो नाम दूतः प्रवेशिराजप्रेषितः श्रावस्त्यां नगर्या जितशत्रुसमीपे स्वगृहान्निर्गत्य गतः तथाऽयमपि । कोणिकनामा राजा यथा एवं विदहल्लकुमारोऽपि ।

पेसेमि। तं दूयं सकारेति संभाणेति पडिविसज्जेति। तते णं से दूते चेडएणं रत्ता पडिविसज्जिए समणे जेणेव चाउग्घंटे आसरहे तेणेव उवागच्छइ २ चाउग्घंटं आसरहं दुरुहति, वेसालिं नगरिं मज्झं मज्झेणं निगगच्छइ २ सुभेहिं वसहीहिं पायरासेहिं जाव वद्धावित्ता एवं वदासि—(एवं खलु सामी !) चेडए राया आणवेति—जह चेव णं कूणिए राया. सेणियस्स रत्तो पुत्ते चेळ्ळणाए देवीए अत्तए मम नत्तुए तं चेव भाणियवं जाव वेहल्लं च कुमारं पेसेमि, तं न देति णं सामी ! चेडए राया सेयणं अट्टारसवंकं हारं (च), वेहल्लं (च) नो पेसेति। तते णं से कूणिए राया दुच्चं पि दूयं सद्धावित्ता एवं वयासी—गच्छह णं तुमं देवाणु० ! वेसालिं नगरिं, तत्थ णं तुमं मम अज्जं चेडगं रायं जाव एवं वयासि—एवं खलु सामी ! कूणिए राया विन्नवेइ—जाणि काणि रयणाणि समुप्पज्जंति सद्वाणि ताणि रायकुलगामीणि, सेणियस्स रत्तो रत्तसिरिं करेमाणस्स पालेमाणस्स दुवे रयणा समुप्पन्ना, तं जहा—सेयणए गंधहत्थी, अट्टारसवंकं हारे, तन्नं तुब्भे सामी ! रायकुलपरंपरागयं विइयं अलोवेमाणा सेयणं गंधहत्थिं अट्टारसवंकं च हारं कूणियस्स रत्तो पच्चप्पिणह वेहल्लं कुमारं पेसेह। तते णं से दूते कूणियस्स रत्तो तेहेव जाव वद्धावित्ता एवं वयासि—एवं खलु सामी ! कूणिए राया विन्नवेइ—जाणि काणि चि जाव वेहल्लं कुमारं पेसेह। तते णं से चेडए राया तं दूयं एवं वयासि—जह चेव णं देवाणुप्पिया ! कूणिए राया सेणियस्स रत्तो पुत्ते चिळ्ळणाए देवीए अत्तए

‘चाउग्घंटं’ ति चत्तसो घण्टाश्चतसृष्वपि विक्षु अवलम्बिता यस्य स चतुर्वण्टो रथः। ‘सुभेहिं वसहीहिं पायरासेहिं’ ति प्रातराशः आदित्योदयादावाणप्रहरद्वयसमयवर्ती—भोजनकालः निवासश्च—निवसनभूभागः तौ द्वावपि सुखहेतुकौ न पीडाकारिणौ ताम्यां संप्राप्तौ नगर्यां हृष्टश्चेदक(कोणिक)राजः ‘जयविजयणं वद्धावित्ता एवं’ दुतो यदवादीत्तद्दर्शयति—‘एवं खलु सामी’त्यादिना। ‘अलोवेमाण’ ति एवं परंपरागतां प्रीतिमलोपयन्तः।

जहा पढमं जाव वेहल्लं च कुमारं पेसेमि, तं दूतं सकारेति संगणेति पडिविसज्जेति । तते णं से दूते जाव कूणियस्स रत्नो वद्धाविच्चा एवं वयासि-चेडए राया आणवेत्ति-जह चैव णं देवाणुप्पया ! कूणिए राया सेणियस्स रत्नो पुत्ते चिल्लणाए देवीए अत्तए जाव वेहल्लं कुमारं पेसेमि, तं न देति णं सामी ! चेडए राया सेयणं गंधहत्थि अट्टारसवंकं च हारं, वेहल्लं कुमारं नो पेसेत्ति । तते णं से कूणिए राया तस्स दूयस्स अंतिए एयमट्ठं सोच्चा निसम्म आसुरुत्ते २ जाव मिसिमिसेमाणे तच्चं दूतं सद्धवेति २ एवं वयासि-गच्छह णं तुमं देवाणुप्पया ! वेसालीए नयरीए चेडगस्स रत्नो वामेणं पादेणं पायपीढं अक्कमाहि अक्कमिच्चा कुंतगेणं लेहं पणावेहि २ आसुरुत्ते जाव मिसिमिसेमाणे तिवलियं भिडाडि निडाले साहडु चेडगं रायं एवं वयासि-हं भो चेडग-राया ! अपत्थियपत्थिया ! दुरंत जाव परिवज्जिता एस णं कूणिए राया आणवेइ-पच्चप्पिणाहि णं कूणियस्स रत्नो सेयणं अट्टारसवंकं च हारं वेहल्लं च कुमारं पेसेहि, अहव जुद्धसज्जो चिड्ढाहि, एस णं कूणिए राया सवले सवाहणे सखंधावारे णं जुद्धसज्जे इह हवमागच्छन्ति । तते णं से दूते करतल० तहेव जाव जेणेव चेडए राया तेणेव उवा० २ करतल० जाव वद्धा० २ एवं वयासि-एस णं सामी ! ममं विणयपडिवत्ती, इयाणिं कूणियस्स रत्नो आणत्ति चेडगस्स रत्नो वामेणं पाएणं पादपीढं

‘जहा पढमं’ ति रज्जस्स य जणवयस्स य अद्धं कोणियराया जइ वेहल्लस्स देइ तोडं सेयणं अट्टारसवंकं च हारं कूणि-यस्स पच्चप्पिणाभि, वेहल्लं च कुमारं पेसेमि, न अगगहा । तदनु द्वितीयदूतस्य समीपे एतमर्थं श्रुत्वा कोणिकराज ‘आसुरुत्ते’ इत्येतावद्रूप(ताकोप)वशसंपन्नः । यदसौ तृतीयदूतप्रेषणेन कारयति भाणयति च तदाह-‘एवं वयासो’त्यादिना दृष्टितद्वार-समर्पणकुमारप्रेषणस्वरूपं यदि न करोपि तदा जुद्धसज्जो भवेति दूतः प्राह । इमेणं कारणेणं ति तुल्यताऽत्र कसंबन्धेन(?) ।

अकमति २ आसुरुते कुंतगेण लेहं पणावेति तं चेव सबलवंधावारे णं इह हवमागच्छति । तते णं से चेडए राया तस्स दूयस्स अंतिए एयमहं सोचा निसम्म आसुरुते जाव साहदु एवं वयासि-न अप्पिणांमि णं कुणियस्स रत्तो सेयणं अट्टार-सवंकं हारं, वेहल्लं च कुमारं नो पेसेमि, एस णं जुद्धसज्जे चिह्मामि । तं दूयं असक्कारियं असंमाणितं अवदारेणं निच्छुहावेइ । तते णं से कूणिए राया तस्स दूतस्स अंतिए एयमहं सोचा णिसम्म आसुरुते कालादीए दंस कुमारे सदावेइ २ एवं वयासी एवं खलु देवाणुप्पिया ! वेहल्ले कुमारे ममं असांवदितेणं सेयणं गंधहत्थि अट्टारसवंकं अंतोउरं सभंडं च गहाय चंपातो निक्खमति २ वेसालं अज्जं जाव उवसंपज्जित्ताणं विहरति । तते णं मए सेयणगस्स गंधहत्थिस्स अट्टारसवंकअट्टाए दूया पेसिया, ते य चेडएण रणा इमेणं कारणेणं पडिसेहिता अदुत्तरं च णं ममं तच्चे दूते असक्कारिते अवदारेणं निच्छुहावेति तं सेयं खलु देवाणुप्पिया ! अमहं चेडगस्स रत्तो जुत्तं गिण्हत्तए । तए णं कालाईया दस कुमारा कूणियस्स रत्तो एयमहं विणएणं पडिसुणेंति । तते णं से कूणिए राया कालादीते दस कुमारे एवं वयासि-गच्छह णं तुब्भे देवाणुप्पिया ! सएसु सएसु रत्तेसु पत्तेयं पत्तेयं ण्हाया जाव पायच्छित्ता हत्थिखंधवरगया पत्तेयं पत्तेयं तिहिं दंतिसहस्सेहिं एवं तिहिं रहसह-स्सेहिं तिहिं आससहस्सेहिं तिहिं मणुस्सकोडीहिं सद्धिं संपरिबुडा सविट्ठीए जाव रवेणं सतेहिंरतो नगरंरितो पडिनि-क्खमह २ ममं अंतियं पाउवभवह । तते णं ते कालाईया दस कुमारा कोणियस्स रत्तो एयमहं सोचा सएसु सएसु रत्तेसु

दूतद्वयं कोणिकराजप्रेषितं निवेधितं, तृतीयदूतस्तु असत्कारितोऽपद्मारेण निष्कासितः । ततो यात्रां सङ्ग्रामयात्रां शुभीतु-मुद्यता वयमिति । 'तते णं से कूणिए राया' कालादीन् प्रति भणितवान् । तेऽपि च दशमि तद्वचो विनयेन प्रतिशृण्वन्ति । 'एवं वयासि' स्ति पवमवादीत्तान्प्रति-गच्छत यूयं स्वराज्येषु निजनिजसामग्र्या संनद्य समागन्तव्यं मम समीपे ।

पत्तयं २ ण्हाया जाव तिहिं मणुस्सकोडीहिं सद्धिं संपरिवुडा सव्विद्धीए जाव रवेणं सएहिं २ तो नगरेहिंतो पडिनिक्ख-
मंति, जेणेव अंगा जणवए जेणेव चंपा नगरी जेणेव कूणिए राया तेणेव उवागता करतल० जाव वद्धावेति । तते णं से
कूणिए राया कोडुंवियपुसिसे सद्दावेति २ एवं वयासि-खिप्पामेव भो देवाणुप्पिया ! आभिसेहं हत्थिरयणं पडिकप्पेह,
हयगयरहचातुरंगिणिं सेणं संनाहेह, मभं एयमाणत्तियं पच्चप्पिणह, जाव पच्चप्पिणंति । तते णं से कूणिए राया जेणेव
मज्जणघरे तेणेव उवागच्छइ जाव पडिनिगच्छिआ जेणेव वाहिरिया उवट्ठाणसाला जाव नरवई दुल्ले । तते णं से कूणिए
राया तिहिं दंतिसहस्सेहिं जाव रवेणं चंपं नगरिं मज्झं मज्जेणं निगच्छति २ जेणेव कालादीया दस कुमारा तेणेव उवा-
गच्छइ २ कालाइएहिं दसहिं कुमारेहिं सद्धिं एगतो मेलार्यति । तते णं से कूणिए राया तेत्तीसाए दंतिसहस्सेहिं तेत्तीसाए
आससहस्सेहिं तेत्तीसाए रहसहस्सेहिं तेत्तीसाए मणुस्सकोडीहिं सद्धिं संपरिवुडे सव्विद्धीए जाव रवेणं सुभेहिं वसहीपाय-
रासेहिं नातिचिगिद्धिहिं अंतरावासेहिं वसमाणे २ अंगजणवयस्स मज्झं मज्जेणं जेणेव विदिहे जणवते जेणेव वेसाली नगरी
तेणेव पहारित्थगमणाते । तते णं से वेदए राया इमीसे कहाए लद्धट्ठे समाणे नवमल्लई नवलेच्छई कासीकोसलका अट्टारस वि
गणरायाणो सद्दावेति २ एवं वयासी-एवं खलु देवाणुप्पिया । वेहल्ले कुमारे कूणियस्स रत्तो असंविदितेणं सेयणं अट्टारसवंकं
च हारं गहाय इहं हवभागते, तते णं कूणिएणं सेयणस्स अट्टारसवंकस्स य अट्टाए तओ दूया पेसिया, ते य मए इमेणं

तवन्तु कूणिकोडभिपेकार्हे हस्तिरत्तनं निजमनुष्येरुपस्थापयति-प्रगुणीकारयति. प्रतिकल्पयतेति पाठे सत्तादवन्तं कुरुतेत्याह्मां
प्रयच्छति । 'तओ दूय'स्ति प्रयो दूताः कोणिकेन प्रेषिताः ।

कारणेणं पडिसेहिया । तते णं से कूणिए ममं एयमहं अपडिमुणमाणे चाउरंगिणीए सेणाए सद्धिं संपरिवुडे जुञ्जसज्जे इहं हवमागच्छति, ते किन्तु देवाणुप्पिया ! सेयणं अट्टारसवकं (य) कूणियस्स रत्तो पक्खप्पिणामो ? वेहंळं कुमारं पेसेमो ? उदाहु जुञ्जत्था ? तते णं नवमल्लई नवलेच्छती कासीकोसलगा अट्टारस वि गणरायाणो चेडणं रायं एवं वदासि—न एयं सामी ! जुत्तं वा पत्तं वा रायसरिसं वा जन्नं सेयणं अट्टारसवकं कूणियस्स रत्तो पक्खप्पिणज्जति, वेहंळं य कुमारं सरणागते पेसिज्जति, तं जइ णं कूणिए राया चाउरंगिणीए सेणाए सद्धिं संपरिवुडे जुञ्जसज्जे इहं हवमागच्छति, तते णं अमहे कूणिएणं रण्णा सद्धिं जुञ्जामो । तते णं से चेडए राया ते नवमल्लई नवलेच्छई कासीकोसलगा अट्टारस वि गणरायाणो एवं वदासी—जइ णं देवाणुप्पिया ! तुब्भे कूणिएणं रत्ता सद्धिं जुञ्जह, तं गच्छह णं देवाणुप्पिया ! सत्तेसु २ रत्तेसु ण्हाया जहा कालादीया जाव जएणं विजएणं वद्धावेति । तते णं से चेडए राया कोडुंबियपुरिसे सदावेति सदाविच्चा एवं वयासि—आभिसेक्कं जहा कूणिए जाव दुख्खे । तते णं से चेडए राया तिहिं दंतिसहस्सेहिं जहा कूणिए जाव वेसालिं नगरिं मज्झं मज्झेणं निगच्छति २ जेणेव ते नवमल्लई नवलेच्छती कासीकोसलगा अट्टारस वि गणरायाणो तेणेव उवागच्छति । तते णं से चेडए राया सत्तावन्नाए दंतिसहस्सेहिं सत्तावन्नाए आससहस्सेहिं सत्तावन्नाए रहसहस्सेहिं सत्तावन्नाए मणुस्सको-डीएहिं सद्धिं संपरिवुडे सविट्ठीए जाव रवेणं सुभेहिं वसहीहिं पातरासेहिं नातिविगिद्धेहिं अंतरेहिं वसमाणे २ विदेहं जणवयं मज्झं मज्झेणं जेणेव देसपंते तेणेव उवा० २ खंधावारनिवेसणं करेति २ कूणियं रायं पडिवालेमाणे जुञ्जसज्जे चिद्धइ । तते णं से कूणिए राया सविट्ठीए जाव रवेणं जेणेव देसपंते तेणेव उवा० चेडयस्स रत्तो जोयणंतरियं खंधावारनिवेसं करेति । तते णं से

दोन्नि वि रायाणो रणभूमिं सज्जावैति २ रणभूमिं जयंति । तते णं से क्खणिए तेत्तोसाए दंतिसहस्सेहि जाव मणुस्सकोडीहि गरुलवूहं रएइ, रइत्ता गरुलवूहेणं रहसुसलं संगमं उवायाते । तते णं से चेडए राया सत्तावन्नाए दंतिसहस्सेहि जाव सत्तावन्नाए मणुस्सकोडीहि सगडवूहं रएइ, रइत्ता सगडवूहेणं रहसुसलं संगमं उवायाते । तते णं ते दोण्हि वि राईणं अणीया सन्नाइ जाव गहियाउहपहरणा मंगतितेहि फलतेहि निक्कट्ठाहिं असीहिं असागएहिं तोणेहिं सजीवेहिं धणूहिं समुक्खितेहिं सरेहिं समुल्लालित्ताहिं डावाहिं ओसारियाहिं उरुधंटाहिं छिप्पत्तरेणं वज्जमाणेणं महया उक्किट्ठसोहनायबोलकलकरेणं समुहरवभूयं पिव करेमाणा सव्विड्डीए जाव रवेणं हयगया हयगएहिं गयगया गयगतेहिं रहगया रहगतेहिं पायत्तिया पायत्तिएहिं अन्नमन्नेहिं सज्जि संपलग्गा याविहोत्था । तते णं ते दोण्हि वि रायाणं अणिया णियगसामीसासणाणुरत्ता महता जणक्खयं जणवहं जणप्पमहं जणसंवट्ठकप्पं नच्चंतक्कंधवारभीमं रुहरिक्कहमं करेमाणा अन्नमन्नेणं सज्जि जुज्झंति । तते णं से काले कुमारे तिहिं दंतिसहस्सेहिं जाव मणुस्सकोडीहिं गरुलवूहेणं एक्कारसमेणं खंधेणं क्खणिएणं रण्णा सज्जि रहसुसलं संगमं संगामेमाणे हयमहित जहा भगवता कालीए देवीए परिकहियं जाव जीवियाओ ववरोवेति । ते एयं खलु गोयमा ! काले कुमारे एरिसएहिं आरंभेहिं जाव एरिसएणं असुभक्कडक्कम्मपम्भारेणं कालमासे कालं किच्चा चउत्थीए पंक्कप्पभाए पुढवीए हेमामे नरए नेरइयत्ताए उववन्ने । काले णं भंते ! कुमारे चउत्थीए पुढव ए अणंतरं उवट्ठिच्चा कहिं गच्छहिंति ? कहिं उववज्जिहिंति ? गोयमा ! महाविदेहे

‘मंगतिपहि’ ति हस्तपाशितैः फलकादिभिः, ‘तोणेहिं’ ति इषुधिभिः, ‘सजीवेहिं’ ति सप्तत्यञ्चैः धनुभिः, नृत्यद्भिः कबन्धैः धारैश्च हस्तच्युतैः भीमं-रौद्रम् । दोषं सर्वं सुगमम्

वासे जाई कुलाई भवति अड्डाई जहा दढप्पइन्नो जाव सिज्झिहिति बुज्झिहिति जाव अंतं काहिति । तं एवं खलु जंबू !
समणेणं भगवया जाव संपत्तेणं निरयावलियाणं पढमस्स अज्झयणस्स अयमठ्ठे पच्चत्ते ॥

॥ पढमं अज्झयणं सम्मत्तं ॥ १ ॥

जइ णं भंते ! समणेणं जाव संपत्तेणं निरयावलियाणं पढमस्स अज्झयणस्स अयमठ्ठे पच्चत्ते, दीच्चस्स णं भंते अज्झय-
णस्स निरयावलियाणं समणेणं भगवया जाव संपत्तेणं के अट्ठे पच्चत्ते ? एवं खलु जंबू ! तेणं कालेणं तेणं समएणं चंपा
नामं नगरी होत्था । पुन्नभदे चेइए । कोणिए राया । पउमार्वाई देवी । तत्थ णं चंपाए नयरीए सेणियस्स रन्नो भज्जा
कोणियस्स रन्नो चुल्लमाउया सुकाली नामं देवी होत्था, सुकुमाला । तीसे णं सुकालीए देवीए पुत्ते सुकाले नामं कुमारे
होत्था, सुकुमाले । तत्ते णं से सुकाले कुमारे अन्नया कयाति तिहिं दंतिसहस्सेहिं जहा कालो कुमारी निरवसेतं तं धेव
जाव महाविदेहे वासे अंतं काहिति ॥ २ ॥

एवं सेसा वि अट्ठ अज्झयणा नेयवा पढमसरिसा, णवरं मायातो सरिसणामाओ ॥ १० ॥

॥ निरयावलियातो सम्मत्तातो । निक्खेवो सर्वेसिं भाणियधो तथा ॥

॥ पढमो वगो सम्मत्तो ॥

॥ इति निरयावलिकाव्योपाङ्गन्याख्या ॥

कप्पवडिसिया २

जति णं भंते ! समणेणं भगवया जाव संपत्तेणं उक्कगणं पढमस्स वगस्स निरयावलिघाणं अयमेद्वे पन्नत्ते, दोच्चस्स णं भंते ! वगस्स कप्पवडिसियाणं समणेणं जाव संपत्तेणं कइ अज्झयणा पन्नत्ता ? एवं खलु जंबू ! समणेणं भगवया जाव संपत्तेणं कप्पवडिसियाणं दस अज्झयणा पन्नत्ता, तं जहा—पउमे ? महापउमे २ भदे ३ सुभदे ४ पउमभदे ५ पउमसेणे ६ पउमगुम्मे ७ नल्लिण्णुम्मे ८ आणंदे ९ नंदणे १० । जइ णं भंते ! समणेणं जाव संपत्तेणं कप्पवडिसियाणं दस अज्झयणा पन्नत्ता, पढमस्स णं भंते ! अज्झयणस्स कप्पवडिसियाणं समणेणं भगवया जाव के अद्वे पन्नत्ते ? एवं खलु जंबू ! तेणं कालेणं तेणं समएणं चंपा नामं नयरी होत्था । पुत्तभदे चेइए । कूणिए राया । पउमावई देवी । तत्थ णं चंगए नयरीए सेणियस्स रत्तो भज्जा कूणियस्स रत्तो बुल्लमाउया काली नामं देवी होत्था, सुकुमाला । तीसे णं कालीए देवीए पुत्ते काले नामं कुमारे होत्था, सुकुमाले । तस्स णं कालस्स कुमारस्स पउमावई नामं देवी होत्था, सोमाला जाव विहरति । तते णं सा पउमावई देवी अन्नया कयाई तंसि तारिसगंसि वासधरंसि अर्द्धिभरतो सच्चित्तकम्मे जाव सीहं सुमिणे पासित्ता णं पडिबुद्धा, एवं जम्मणं जहा महावलस्स, जाव नामधिज्जं, जम्हा णं अम्हं इमे दारए कालस्स कुमारस्स पुत्ते पउमावई देवीए अत्तए तं होउ णं अम्हं इमस्स दारगस्स नामधिज्जं पउमे पउमे, सेसं जहा महावलस्स अट्ठओ दातो जाव उप्पि पासायवरगते विहरति । सामी समोसरिए । परिसा निगया । कूणिते निगते । पउमे वि जहा महब्बले निगते तहेव अम्मापिति आपुच्छणा जाव

पवइए अणगारे जाए जाव गुचवंभयारी । तते णं से पउमे अणगारे समणस्स भगवओ महवीरस्स तहारूवाणं थेराणं अंतिए सामाइयादियाइं एक्कारस अंगाईं अहिज्जइ, अहिज्जित्ता बहुहिं वउत्थळइड्डम जाव विहरति । तते णं से पउमे अणगारे तेणं ओरालेणं जहा मेहो तहेव धम्मजागरिया चित्ता एवं जहेव मेहो तहेव समणं भगवं आपुच्छित्ता विउले जाव पाओवगते समाणे तहारूवं थेराणं अंतिए सामाइयादियाइं एक्कारस अंगाईं, बहुपडिपुणाइं पंच त्रासाइं सामन्नपरियाए, मा-सियाए संलेहणाए सट्ठिं भत्ताइं आणुपुव्वीए कालगतै, थेरा ओत्तिन्ना भगवं गोयमं पुच्छइ, सामी कहेइ जाव सट्ठिं भत्ताइं अणसणाए छेदित्ता आलोइय० उइं चंदिमसोहम्मे कप्पे देवत्ताए उववन्ने दो सागराइं । से णं भंते ! पउमे देवे तातो देव-लोगातो आउक्खएणं पुच्छा, गोयमा ! महाविदेहे वासे जहा ददपइन्नो जाव अंतं काहिति । तं एवं खलु जंबू ! समणे णं जाव संपत्तेणं कप्पवडिसियाणं पढमस्स अज्झयणस्स अयमट्ठे पन्नत्ते चि वेमि ॥ १ ॥

जइ णं भंते ! समणेणं भगवया जाव संपत्तेणं कप्पवडिसियाणं पढमस्स अज्झयणस्स अयमट्ठे पन्नत्ते, दोच्चस्स णं भंते ! अज्झयणस्स के अट्ठे पज्जत्ते ? एवं खलु जंबू तेणं कालेणं २ चंपा नाम नगरी होत्था, पुन्नभद्दे वेइए, कूणिए राया, पउ-मावई देवी । तत्थ णं चंपाए नयरीए सेणियस्स रत्तो भज्जा कोणियस्स रत्तो चुल्लाभाउया सुकाली नाम देवी होत्था । तीसे णं सुकालीए पुत्ते सुकाले नामं कुमारे । तस्स णं सुकालस्स कुमारस्स महापउमा नामं देवी होत्था, सुकुमाला । तते णं सा महापउमा देवी अन्नदा कयाइं तंसि तारिसंगंसि एवं तहेव महापउमे नामं दारते, जाव सिद्धिहि त्ति, नवरं ईसाणे कप्पे उववाओ उक्कोसट्ठिईओ, तं एवं खलु जंबू ! समणेणं भगवया जाव संपत्तेणं ० । एवं सेसा वि अट्ठ नेयवा । मातातो

सरिसनामाओ । कालादीणं दसण्हं पुत्ता आणुपुवीए—

दोण्हं च पंच चत्तारि, तिण्हं तिण्हं च होति तिन्नेव । दोण्हं च दोरिण वासा, सेणियनत्तण परियातो ॥ १ ॥

उववातो आणुपुवीते, पढमो सोहम्मो, चित्तो ईसाणे, तत्तिो सणकुमारे, चउत्थो माहिंदे,

श्रेणिकनन्तूणां—पौत्राणां कालमहाकालायङ्गजानां क्रमेण व्रतपर्यायाभिधायिका 'दोण्हं च पंच' इत्यादिगाथा, अस्या अर्थः—
दससु मध्ये द्वयोराधयोः कालसुकालसत्कयोः पुत्रयोर्व्रतपर्यायः पञ्च वर्षाणि, त्रयाणां चत्वारि, त्रयाणां त्रीणि, द्वयोर्द्वे—द्वे
वर्षे व्रतपर्यायः । तत्राप्यस्य यः पुत्र पद्मनाभा स कामान् परित्यज्य भगवतो महावीरस्य समीपे गृहीतव्रत एकादशाङ्गधारी
भूत्वाऽत्युग्रं बहु चतुर्थपष्टाष्टमादिकं तपःकर्म कृत्वाऽतीव शरीरेण कृशीभूतश्चित्तां कृतवान्—यावदस्ति मे बलवीर्याद्विश-
क्तिस्तथायद्भगवन्तमनुशाप्य भगवदनुज्ञाया मम पादपोषणमनं कर्तुं श्रेय इति तथैवास्मीं समनुतिष्ठति, ततोऽस्मीं पञ्चवर्षव्रत-
पालनपरो मासिक्या संलेखनया कालगतः सौधर्मं देवत्वेनोत्पन्नो ह्रिसागरोपमस्थितिकस्ततश्च्युत्या महाविदेह उत्पण
सेत्स्यते(ति) इति कल्पव्रतसकोत्पन्नस्य प्रथममध्ययनम् १ । पथं सुकालसत्कमहापद्मदेव्याः पुत्रस्य महापद्मस्यापीयमेव
वक्तव्यता, स भगवत्समीपे गृहीतव्रतः पञ्चवर्षव्रतपर्यायपालनपर एकादशाङ्गधारी चतुर्थपष्टाष्टमादि बहु तपःकर्म कृत्वा
ईशानकल्पे देवः समुत्पन्नो ह्रिसागरोपमस्थितिकः सोऽपि ततश्च्युतो महाविदेहे सेत्स्यतीति द्वितीयमध्ययनम् २ । तृतीये
महाकालसत्कपुत्रवक्तव्यता, चतुर्थे कृष्णकुमारसत्कपुत्रस्य, पञ्चमे सुकृष्णसत्कपुत्रस्य वक्तव्यता इत्येवं त्रयोऽप्येते वर्षेचतु-
ष्टयव्रतपर्यायपरिपालनपरा अभूवन् । पथं तृतीयो महाकालाङ्गजश्चतुर्वर्षव्रतपर्यायः सनत्कुमारे उत्कृष्टस्थितिको देवो भूत्वा
सप्त सागरोपमाण्यायुरनुपाल्य ततश्च्युतो महाविदेहे सेत्स्यतीति (तृतीयमध्ययनम् । चतुर्थे कृष्णकुमारात्मजश्चतुर्वर्षव्रतप-
र्यायः माहेन्द्रकल्पे देवो भूत्वा सप्त सागरोपमाण्यायुरनुपाल्य ततश्च्युतो महाविदेहे सेत्स्यतीति) चतुर्थमध्ययनम् ४ ।

पंचमओ वंभलोए, छट्ठो लंतए, सत्तमओ महासुके, अट्ठमओ सहस्सारे, नवमओ पाणत्ते, दसमओ अच्चुए । सवत्थ उक्कोस-
ठिई भाणियवा, महान्निदेहे सिद्धे ॥ १० ॥

कथपवडिसियाओ संमताओ । वितितो वग्गो दस अज्झयणा ॥ २ ॥

॥ बीओ वग्गो सम्मत्तो ॥

पञ्चमः सुकृष्णसत्कपुत्रो वर्षचतुष्टयं व्रतपर्यायं परिपाल्य ब्रह्मलोके पञ्चमकल्पे दश सागरानुत्कृष्टमायुरनुपाल्य ततश्च्युतो
महाविदेहे सेत्स्यतीति पञ्चममध्ययनम् ५ । षष्ठाध्ययने महाकृष्णसत्कपुत्रस्य वक्तव्यता, सप्तमे धीरकृष्णसत्कपुत्रस्य,
अष्टमे रामकृष्णसत्कपुत्रस्य वक्तव्यता । तत्र त्रयोऽप्येते वर्षत्रयव्रतपर्यायपरिपालनपरा अभूवन् । एवं च महाकृष्णाङ्गजो
वर्षत्रयपर्यायाह्वान्तकल्पे पष्ठे उत्पथ्य चतुर्दशसागरोपमाण्युत्कृष्टस्थितिकमायुरनुपाल्य ततश्च्युत महाविदेहे सेत्स्यतीति
षष्ठमध्ययनम् ६ । धीरकृष्णाङ्गजः सप्तमः वर्षत्रयं व्रतपर्यायं परिपाल्य महाशुके सप्तमे कल्पे समुत्पथ्य सप्तदश सागरा-
ण्यायुरनुपाल्य ततश्च्युतो विदेहे सेत्स्यतीति सप्तममध्ययनम् ७ । रामकृष्णाङ्गजोऽष्टमो वर्षत्रयं व्रतपर्यायं परिपाल्य
सहस्रारेऽष्टमे कल्पेऽष्टादश सागराण्यायुरनुपाल्य ततश्च्युतो विदेहे सेत्स्यतीति अष्टममध्ययनम् ८ । पितृसेनकृष्णाङ्गजो
नवमो वर्षत्रयव्रतपर्यायपरिपालनं कृत्वा प्राणतदेवलोके दशमे उत्पथ्य एकोनविंशति सागरोपमाण्यायुरनुपाल्य ततश्च्युतो
विदेहे सेत्स्यतीति नवममध्ययनम् ९ । महासेनकृष्णाङ्गजश्च दशमो वर्षत्रयव्रतपर्यायपालनपरोऽननानादिविधिनाऽच्युते
द्वादशे देवलोके समुत्पथ्य द्वाविंशतिसागरोपमाण्यायुरनुपाल्य ततश्च्युतो महाविदेहे सेत्स्यतीति दशममध्ययनम् १० ।
इत्येवं कलपावतंसकद्देवप्रतिबद्धग्रन्थपद्धतिः कलपावतंसिकेत्युच्यते । ता यताः परिसमाप्ताः द्वितीयवर्गश्च २ ॥

पुष्पिया ३

निर्या-
॥२१॥

जति नं भंते ! समणेणं भगवया जाव संपत्तेणं उवंगणं दोचस्स कप्पवडिंसियाणं अयमट्ठे पन्नत्ते, तच्चस्स नं भंते वग्गस्स उवंगणं पुष्पियाणं के अट्ठे पणत्ते ? एवं खलु जंबू ! समणेणं जाव संपत्तेणं उवंगणं तच्चस्स वग्गस्स पुष्पियाणं दस्स अज्झयणा पन्नत्ता, तं जहा—“ चंदे सूरु सुक्के, बहुपुत्तिय पुन्नमाणिभदे य । दत्ते सिवे वलेया, अणाडिए चैव वोधे ॥ १ ॥ ” जइ नं भंते समणेणं जाव संपत्तेणं पुष्पियाणं दस्स अज्झयणा पन्नत्ता, पढमस्स नं भंते ! अज्झयणस्स पुष्पियाणं समणेणं जाव संपत्तेणं के अट्ठे पन्नत्ते ? एवं खलु जंबू ! तेणं कालेणं २ रायगिहे नामं नगरे, गुणसिलए चेइए, सेणिए राया, तेणं कालेणं २ साभी समोसट्ठे, परिहा निगया । तेणं कालेणं २ चंदे जोइसिंदे जोइसराया चंदवडिंसए विमाणे सभाए सुहम्माए चंदंसि सीहासणंसि चवडिं समाणियसाहस्सीहिं जाव विहरति । इमं च नं केवलकल्पं जंबुदीवं दीवं विउलेणं ओहिणा आभोएमाणे २ पासति, पासित्ता समणं भगवं महावीरं जहा सूरियाभे आभिओगं देवं सद्दावित्ता जाव सुरिंदाभिगमणजोगं करेत्ता तमाणत्तियं पच्चप्पिणंति । सूतरा धंटा, जाव विउवणा, नवरं (जाणयिमाणं) जोयणसहस्सविच्छिन्नं यथा ‘ एवं खलु जंबू समणेणं भगवया महावीरं अथ तृतीयवर्गोऽपि दशाध्ययनात्मकः ‘ निक्खेवओ ’ ति निगमनवाक्यं यथा ‘ एवं खलु जंबू समणेणं भगवया पुष्पिया- रेणं आइगरेणं इत्यादि जाव सिद्धिगइनामधेयं ठाणं संपाविकामेणं तइयवग्गे वग्ग(पढमअज्झ) यणस्स पुष्पिया- भिहाणस्स अयमट्ठे पन्नत्ते ’ एवमुत्तरेऽव्यध्ययनेषु सूरशुक्कहुपुत्रिकादिषु निगमनं वाच्यं तत्तदभिलापेन । ‘ केवलकल्पं ’ ति केवलः-परिपूर्णः स चासौ कल्पश्च केवलकल्पः—स्वकार्यकरणसमर्थः केवलकल्पः तं स्वगुणेन संपूर्णमित्यर्थः ।

अद्धतेवद्विजोयणसमूसियं महिदच्चत्तो पणुवीसं जोयणमूसितो सेसं जहा सूरियाभस्स जात्र आगतो नट्टविही तहेव पडि-
गतो । भंते त्ति भगवं गोयमे समणं भगवं भंते पुच्छा कूडागारसालासरीरं अणुपविद्धा पुत्तभवो एवं खल्ल गोयमा ! तेणं
कालेणं २ सावत्थी नाम नयरी होत्था, कोट्टए चेइए, तत्थ णं सावत्थीए नयरीए अंगती नामं गाहावती होत्था, अड्डे
जाव अपरिभूते । तते णं से अंगती गाहावती सावत्थीए नयरीए बहूणं नगरनिगमं जहा आणंदो । तेणं कालेणं २
पासे णं अरहा पुरिसादानीए आदिकरे जहा महावीरो नवुस्सेहे सोलसेहिं समणसाहस्सीहिं अट्ठीसा जाव कोट्ठते समो-
सहे, परिसा निगया । तते णं से अंगती गाहावती इमीसे कहाए लद्धट्टे समाणे हट्टे जहा कत्तिओ सेट्ठी तहा निगच्छति

‘कूडागारसालादिट्ठतो’ त्ति कस्मिंश्चित्तुत्सवे कस्मिंश्चिन्नगरे बहिर्भागप्रदेशे महती देशिकलोकवसनयोग्या शाला-गृह-
विशेषः समस्ति । तत्रोत्सवे रममाणस्य लोकस्य मेघवृष्टिर्भविष्यतीत्युक्तं, ततस्तद्भयेन त्रस्तबहुजनस्तस्यां शालायां प्रविष्टः,
पथमयमपि देवविरचितो लोकः प्रचुरः स्वकार्यं नाट्यकरणं तत्संहृत्यानन्तरं स्वकीयं देवशरीरमेवानुप्रविष्टः इत्ययं शा-
लाहृष्टान्तार्थः । ‘अड्डे जाव’ त्ति अड्डे दित्ते वित्ते विच्छिन्नविउलभवणसयणासणजाणवाहणाइत्ते बहुधणवहुजायरूये आ-
ओगपओगसंपउत्ते विच्छादियपउरभनपणे बहुदासीदासगोमहिसगवेलगणभूए इति यावच्छब्दसंगृहीतम् । ‘जहा आणंदो’
त्ति उपासकदशाल्लोक्तः श्रावक आनन्दनामा, स च बहूणं ईसरतलवरमांडवियकोडुंवियनगरनिगमसेट्ठिसत्थवाहाणं बहूसु
कज्जेसु य कारणेसु य मंतेसु य कुंडुंबेसु य निच्छिपसु य ववहारेसु य आपुच्छणिज्जे पडिपुच्छणिज्जे सव्वकजवट्ठावप
सयस्स वि य णं कुंडुंबस्स मेढीभूए होत्था । ‘पुरिसादानीय’ त्ति पुरैषादीयते पुरुषादानीयः । नवहस्तीच्छयः-नवह-
स्तीचः । अट्ठीसाए अज्जियासहस्सेहिं संपरिवुडे इति यावत्करणात् दृश्यम् । हट्टट्टवित्तमाणंदिप इत्यादि वाच्यम् ।

जाव पञ्जुवासति, धम्मं सोचा निसम्म जं नवरं देवाणुप्पिया ! जेह्पुत्तं कुडुंने ठावेमि । तते णं अहं देवाणुप्पियाणं जाव पव्वयामि, जहा गंगदत्तो तहा पव्वतिते जाव गुत्तवंभयारी । तते णं से अंगती अणगारे पासस्स अरहतो तहारूवाणं थेराणं अंतिए सामाइयमाइयाई एक्कारस अंगाई अहिज्जति २ वहुहिं चउत्थ जाव भावेमाणो वहुई वासाई सामन्नपरियाणं पाउणति २ अद्धमासियाए सेलेहणाए तीसं भत्ताई अणसणाए छेदिता विराहियसामन्ने कालमासे कालं किचा चंदवडिंसए विमाणे उववाते सभाते देवसयणिज्जेसिं देवदूसंतरिए चंदे जोइसिंदे जोइसिराया अहुणोवन्ने

देवाणुप्पियाणं अंतिए पव्वयामि । यथा गङ्गदत्तो भगवत्यङ्गोक्तः, स हि किपाकफलोच्चमं सुणिय विसयसोक्खं जलशुब्बु-
यसमाणं कुसग्गविंदुचंचलं जीवियं च नाऊणमधुचं चइत्ता हिरण्णं विपुलधणकणगरयणमणिमोत्तियसंखसिलप्पयालरत्तरयण-
माइयं पिच्छडइत्ता दाणं दाइयाणे परिभाइत्ता आगाराओ अणगरियं पव्वइओ जहा तहा अंगई वि गिहतावगो परिच-
इय सव्वं पव्वइओ जाओ य पंचसमिओ त्तुत्तिओ अम्मो अकिंचणो गुत्तिदिओ गुत्तवंभयारी इत्येवं यावच्छब्दात् इत्यम् ।
चउत्थच्छट्ठमदसमवुवालसमासन्नमासस्वयेहिं अप्पाणं भावेमाणे वहुई वासाई सामन्नपरियाणं पाउणइ । 'विराहियसामन्ने'
स्ति श्रामण्यं-व्रतं, तद्विराधना चात्र न मूलगुणविपया, किं तत्तरगुणाअ पिण्डविशुद्ध्यादयः, तत्र कदा-
चित् द्विचत्वारिंशोपविशुद्धादारस्य ग्रहणं न कृतं कारणं विनाऽपि, वालग्लानादिकारणेऽशुद्धमपि गृह्यन्न दोषवानिति,
पिण्डस्याशुद्धतादौ विराधितश्रमणता ईर्यादिसमित्याविशोधनेऽनावरः कृतः, अभिग्रहाश्च गृहीताः कदाचिद्ग्राभयन्तीति
शुण्ठयादिसन्निधिपरिभोगमङ्गशालनपादशालनादि च कृतयानित्यादिप्रकारेण सम्यगपालने व्रतविराधनेति, सा च नालो-
चिता गुरुसमीपे इत्यनालोचितातिचारो मृत्वा कृतानशनोऽपि ज्योतिष्केन्द्रे चन्द्ररूपतयोत्पन्नः ।

समाने पंचविहाए पज्जत्तीए पज्जत्तीभावं गच्छइ, तं जहा-आहारपज्जत्तीए, सरीरपज्जत्तीए, इंदियपज्जत्तीए, सासोसासपज्ज-
त्तीए, भासा(मण)पज्जत्तीए। चंदस्स णं भंते ! जोइसिंदस्स जोइसरन्नो केवइयं कालं ठिती पन्नत्ता ? गोयमा ! पलिओवं
वाससयसहस्सम्बहिंयं । एवं खलु गोयमा ! चंदस्स जाव जोतिसरन्नो सा दिवा देविड्ढी । चंदं णं भंते ! जोइसिंदे जोइ-
सिराया ताओ देवलोगाओ आउक्खएणं चइत्ता कहिं गच्छिहिति २ ? गोयमा ! महाविदेहे वासे सिज्जिहिति । एवं खलु
जंबू समणेणं० निक्खेवओ ॥ १ ॥

जइ णं भंते ! समणेणं भगवया जाव पुट्फियाणं पढमस्स अज्झयणस्स जाव अयमठ्ठे पन्नते, दोच्चस्स णं भंते ! अज्झय-
णस्स पुट्फियाणं समणेणं भगवता जाव संपत्तेणं के अट्ठे पन्नत्ते ? एवं खलु जंबू ! तेणं कालेणं २ रायगिहे नामं, गुणसिलए
चेइए, सेणिए राया, समोसरणं, जहा चंदो तहा सूर्रोऽवि आगओ जाव नट्ठविहिं उवदंसित्ता पडिगतो । पुवभवपुच्छा,
सावत्थी नगरी, सुपतिट्ठे नामं गाहावई होत्था, अट्ठु, जहेव अंगती जाव विहरति, पासो समोसढो, जहा अंगती तेहव
पवइए, तेहव विराहियसामन्ने जाव महाविदेहे वासे सिज्जिहिति जाव अंतं०, खलु जंबू ! समणेणं० निक्खेवओ ॥ २ ॥

जइ णं भंते ! समणेणं भगवता जाव संपत्तेणं उक्खेवओ भाणियवो, रायगिहे नगरे, गुणसिलए चेइए, सेणिए राया,

‘ निक्खेवओ ’ ति निगमनं, तच्च प्रागुपदर्शितम् ॥ तच्चे अज्झयणे शुक्रवक्तव्यताऽभिधीयते—‘ उक्खेवओ ’ ति उत्क्षेपः—
प्रारम्भवाक्यं, यथा-जइ णं भंते ! समणेणं जाव संपत्तेणं दोच्चस्स अज्झयणस्स पुट्फियाणं अयमठ्ठे पन्नत्ते, तच्चस्स णं अज्झ-
यणस्स भंते ! पुट्फियाणं समणेणं जाव संपत्तेणं के अट्ठे पन्नत्ते ? एवं खलु जंबू ! तेणं कालेणं २ रायगिहे नगरे इत्यादि ।

सामी समोसढे, परिसा निगया । तेणं कालेणं २ सुके महगहे सुकवडिसए विमाणे सुक्कांसि साहासणंसि चउहिं सामाणि-
यसाहस्सीहिं जहेव चंदो तहेव आगओ, नट्टविहिं उवदंसिचा पडिगतो, भंते ति कूडागारसाला । पुवभवुच्छा । एवं खलु
गोयमा ! तेणं कालेणं २ वाणारसी नामं नयरी होत्या । तत्य णं वाणारसीए नयरीए सोमिले नामं माहणे परिवसति,
अड्डे जाव अपरिभूते रिउवेय जाव सुपरिनिद्धिते । पासे० समोसढे । परिसा पज्जुवासति । तए णं तस्स सोमिलस्स माह-
णस्स इमीसे कहाए लद्धट्टस्स समाणस्स इमे एताख्वे अज्झस्थिए—एवं पासे अरहा पुरिसादाणीए पुवाणपुविं जाव अंवसा-
लवणे विहरति । तं गच्छामि णं पासस्स अरहतो अंतिए पाउववामि । इमाइं च णं एयाख्वाइं अट्ठाइं हेऊइं

। 'तहेवागओ' ति रायगिहे सामिसमीये । 'रिउवेय जाव' इति ऋग्वेदयजुर्वेदसामवेदाथर्वणवेदानाम् इतिहासपञ्च-
मानाम् इतिहासः—पुराणं, निर्घण्टपट्टाणां—निर्घण्टो—नामकोशः, साधोपाङ्गनाम् अङ्गानि—शिक्षादीनि उपाङ्गानि—तदुक्तप्र-
पञ्चनपराः प्रबन्धाः, सरहस्यानाम्—वेदस्पर्शयुक्तानां धारकः—प्रवर्तकः वारकः—अशुद्धपाठनिषेधकः पारगः—पारगामि पड-
ङ्गचित्, पठितन्त्रविशारदः पठितन्त्रं—कापिलीयशास्त्रं पडङ्गवेदकथमेय व्यतक्ति, सङ्ख्यानै—गणितस्कन्धे शिक्षाकल्पे-
शिक्षायामक्षरस्वरूपनिरूपके शास्त्रे कल्पे—तथाविधसमाचारप्रतिपादके व्याकरणे—शब्दलक्षणे छन्दसि—गद्यपद्यवचनलक्षण-
निरुक्तप्रतिपादके ज्योतिषामयने—ज्योतिःशास्त्रे अन्येषु च शास्त्रेषु सुपरिनिष्ठितः सोमिलनामा ब्राह्मणः स च
पार्श्वजिनागमं श्रुत्वा कुतूहलयशस्त्रिजिनसमीपं गतः सन् 'इमाइं च णं' इति इमान्—पतद्रूपान् 'अट्ठाइं' ति अर्थान् अर्थ-
मानत्वादधिगम्यमानत्वादित्यर्थः । 'हेऊइं' ति हेतून् अन्तर्वर्तिन्यास्तदीयज्ञानसंपदो गमकान्, 'पसिणाइं' ति यात्रायाप-
नीयादीन् प्रश्नान् पृच्छयमानत्वात्, 'कारणाइं' ति कारणानि—धिवक्षितार्थनिश्चयजनकानि व्याकरणानि—प्रत्युत्तरतया
व्याक्रियमाणत्वादेवाभिप्रेति, 'पुच्छिस्सामि' ति प्रश्नयिष्ये इति कृत्या ।

जहा पण्णत्तीए । सोमिलो निगगतो खंडियविहुणो जाव एवं क्यासि-जत्ता ते भंते ! जवणिज्जं चं ते ! पुच्छा सरिसवया मासा कुलत्था एगे भवं जाव संबुद्धे सावगधम्मं पडिवज्जित्ता पडिगते । तते णं पासे णं अरहा अणया कदायि वाणार-
निर्गतः । 'खंडियविहुणो' ति छात्ररहितः, गत्वा च भगवत्समीप पवमवादीत्- 'जत्ता ते भंते ! जवणिज्जं चं ते !' इति प्रश्नः, तथा सरिसवया मासा कुलत्था पते भोजण एगे भवं दुवे भवं इति च पतेषां च यात्रादिपदानामागमिकगम्भीराथत्वेन भगवति तदर्थपरिज्ञानमसंभावयताऽपत्राजनार्थं प्रश्नः कृत इति 'सरिसवय' ति एकत्र सहस्रवयसः अन्यत्र सर्वपाः-सिद्धार्थकाः, 'मास' ति एकत्र मासो-दशार्थगुञ्जमानः सुवर्णादिविषयः अन्यत्र मासो-धान्यविशेषः उडद इति लोके रूढः, 'कुलत्थ' ति एकत्र कुले तिष्ठन्ति इति कुलस्थाः, अन्यत्र कुलस्था-धान्यविशेषः । सरिसवयादिपदप्रश्नश्च च्छलग्रहणेनोपहासार्थं कृतः इति, 'एगे भवं' ति एको भवान् इत्येकत्वाभ्युपगमे आत्मनः कृते भगवता श्रोत्रादिविज्ञानानामवयवानां चात्मनोऽनेकश उपलब्ध्या एकत्वं दूषयिष्यामीति बुद्ध्या पर्यनुयोगो द्विजेन कृतः यावच्छब्दात् 'दुवे भवं' ति गृह्यते द्वौ भवान् इति च द्वित्वाभ्युपगमेऽहमेकत्वविशिष्टस्यार्थस्य द्वित्वचिरोधेन द्वित्वं दूषयिष्यामीति बुद्ध्या पर्यनुयोगो विहितः । अत्र भगवान् स्याद्वादपक्षं निखिल दोषगोचरातिक्रान्तमवलम्ब्योत्तरमदायि (मदित)-एकोऽप्यहं, कथं ? द्रव्यार्थतया जीवद्रव्यस्यैकत्वात् न तु प्रदेशार्थतया (प्रदेशार्थतया) शनैकत्वात्, ममेत्यवादीनामेकत्वोपलंभो न बाधकः, ज्ञानदर्शनार्थतया कदाचित् द्वित्वमपि न विरुद्धमित्यत उक्तं द्वावप्यहं, किं चैकस्यापि स्वभावभेदेनानेकधात्वं दृश्यते, तथाहि-एको हि देवदत्तादि पुरुष एकदेव तत्तदपेक्षया पितृत्व पुत्रत्वत्रातृव्यत्वमातुलत्वभागिनेयत्वादीननेकान् स्वभावान् लभते । 'तद्वा अक्खप अक्खप निस्से अवट्ठिप आय' ति यथा जीवद्रव्यस्यैकत्वादेकस्तथा प्रदेशार्थतयाऽसंख्येयप्रदेशतामाश्रित्याक्षयः, सर्वथा प्रदेशानां क्षयाभावात्, तथाऽन्ययः कियतामपि न्ययत्वाभावात्, असंख्येयप्रदेशता हि न कदाचनानाप्यपैति, अतो व्यवस्थितत्वावित्यताऽभ्युपगमेऽपि न कश्चिदोषः, इत्येवं भगवताऽभिहिते तेनापृष्टेऽप्यात्मस्वरूपे तन्नोधार्यं, व्यवच्छिन्नसंशयः संजातसाम्यकत्वः, 'दुवालसविहं सावगधम्मं पडिवज्जित्ता

सीओ नगरीओ अंवसालवणातो चेइयाओ पडिनिक्खमति २ वहिया जणवयविहारं विहरति । तते णं से सोमिले माहणे अण्णदाकंदायि असाहुंदंसणेण य अपज्जुवासणताए य मिच्छत्तपज्जवेहिं परिवद्दमाणेहिं २ सम्मत्तपज्जवेहिं परिहायमाणेहिं मिच्छत्तं च पडिबन्ने । तते णं तस्स सोमिलस्स माहणस्स अण्णदा कदायि पुव्वरत्तावरत्तकालसमयंसि कुंडवजागरियं जागरमाणस्स अयमेयारूवे अज्झत्थिए जाव समुत्थज्जित्था-एवं खलु अहं वाणारसीए नयरीए सोमिले नामं माहणे अच्चंतमाहणकुलपसूए । तते णं मए वयाइं चिण्णाइं वेदा य अहीया दारा आहूया पुत्ता जणित्ता इड्ढीओ संमाणीओ पसुवधा कया जन्ना जेद्धा दक्खिणा दिन्ना अतिही पूजित्ता अग्गीहूया जूया निक्खित्ता, तं सेयं खलु ममं इदाणि कल्लं जाव जलंते वाणारसीए नयरीए वहिे अंवारामा रोवावित्ताए, एवं माडलिंगा विल्ला कविद्धा चिंचा पुष्फारामा रोवावित्ताए, एवं संपेहेति संपेहिच्चा कल्लं जाव जलंते वाणारसीए नयरीए वहिया अंवारागे य जाव पुष्फारामे य रोवावेति । तते णं

सट्ठाणमुवगओ सोमिलमाहणो, 'असाहुदंसणेण' ति असाधवः-कुदर्शनिनो भागवततापसादयः तद्दर्शनेन साधूनां च-सुश्रमणानामदर्शनेन तत्र तेषां देशान्तरविहरणेनादर्शनतः, अत एवापर्युपासनतस्तदभावात्, अतो मिथ्यात्वपुद्गलास्तस्य प्रवर्धमानतां गताः सम्यक्त्वपुद्गलाश्चापचीयमानास्त एवैभिः कारणैर्मिथ्यात्वं गतः, तदुक्तम्-“मइमेया पुब्बो-गाहंसंसगीए य अभिनिवेसेणं चउद्धा खलु मिच्छत्तं, साहूणंदंसणेणहवा ॥ १ ॥” अतो अत्र असाहुदंसणेणं इत्युक्तम् । ‘अज्झत्थिए जाव’ ति आध्यात्मिकः-आत्मविषयः चिन्तितः-स्मरणरूपः प्रार्थितः-लघुमाशंसितः मनोगतो-मनस्येव वर्तते, यो न वहिः प्रकाशितः सङ्कुल्पो-विकल्पः समुत्पन्नः-प्रादुर्भूतः, तमेवाह-एवमित्यादि ‘वयाइं चिण्णाइं’ व्रतानि-नियमास्ते च शौचसंतोषतपःस्वाध्यायादीनां प्रणिधानानि वेदाध्ययनादि कृतं च, ततो ममेवानीं लौकिकधर्मस्थानाचरणयाऽरामारोपणं कर्तुं श्रेयः तेन वृक्षारोपणमिति, अत एवाह-‘अंवारामे य’ इत्यादि ।

वहवे अंवाराभा य जाव पुष्फारामा य अणुपुवेणं सारविखज्जमाणा संगोविज्जमाणा संवड्डिज्जमाणा आरामा जाता किंहा किण्हाभासा जाव रम्मा महामेहनिक्खुरंभूता पत्तिया पुप्फिया फलिया हरियगरेरिज्जमाणसिरिया अतीव २ उवसोभेमाणा २ चिद्धंति । तते णं तस्स सोमिलस्स माहणस्स अण्णदा कदापि पुद्घरत्तावरत्तकालसमयंसि कुडुंबजागरियं जागरमाणस्स अयमेयाख्वे अज्झत्थिए जाव समुप्पज्जित्था-एवं खलु अहं वाणारसीए णयरीए सोमिले नामं माहणे अच्चंतमाहणकुलप्पसूते, तते णं मए वयाइं चिण्णाइं जाव जूवा णिविखत्ता, तते णं मए वाणारसीए नयरीए वहिया वहवे अंवाराभा जाव पुष्फारामा य रोवाविया, तं सेयं खलु मर्म इदाणि कल्लं जाव जल्लं सुवहुं लोहकडाहकडुच्छुयं तंविं तावसभंडं घडावित्ता विडलं असणं पाणं खाइमं साइमं भित्तनाइ० आमंतित्ता तं भित्तनाइणियग० विडलेणं असण जाव सम्माणित्ता तस्सेव भित्त जाव जेद्वुत्तं कुडुंबे ठावेत्ता तं भित्तनाइ जाव आपुच्छित्ता सुवहुं लोहकडाहकडुच्छुयं तंविं तावसभंडगं गहाय जे इमे गंगाकूला वाणपत्था तावसा भवंति, तं जहा-होत्तिया पोत्तिया कोत्तिया जंनती सड्ढती घालती हुंवउट्टा दंतुक्खलिया उम्मज्जगा संमज्जगा

कल्लं पाउप्पभायाए रयणीए जल्लंते सूरिए इत्थावि वाच्यम् । “ भित्तनाइनियगसंवंधिपरियणं पि य आमंतित्ता विडलेणं असणपाणखाइमसाइमेणं भोयावित्ता सम्माणित्ता ” इति अत्र मित्राणि-सुद्धवः ज्ञातयः-समानजातयः निजकाः-पितृन्यादयः संबन्धिनः-श्वशुरपुत्रादयः परिजनो-दासीदासादिः तमामंज्य विपुलेन भोजनादिना भोजयित्वा सत्कारयित्वा वस्त्रादिभिः संमानयित्वा गुणोत्कीर्तनतः ज्येष्ठपुत्रं कुटुम्बे स्थापयित्वाऽधिपतित्वेन गृहीतलोहकडाहाथुपकरणः । ‘वाणपत्थ’ इति वने भवा वानी प्रस्थानं प्रस्था-अवस्थितिः वानी प्रस्था येषां ते वानप्रस्थाः अथवा ‘ब्रह्मचारी गृहस्थश्च, वानप्रस्थो यतिस्तथा ।’ इति चत्वारो लोकप्रतीता आश्रमाः, पतेपां च तृतीयाश्रमवर्तिनो वानप्रस्थाः, ‘होत्तिय’ इति अग्निहोतृकाः, ‘पोत्तिय’ इति वस्त्रधारिणः, कोत्तिया जन्नइं सड्ढइं घालइं हुंवउट्टा दंतुक्खलिया उम्मज्जगा संमज्जगा

निमज्जगा संपक्खालगा दक्खिणकूला उत्तरकूला संखधमा कूलधमा मियलुद्धया हत्थितावसा उइंङा दिसापोक्खिणो वक्क-
वासिणो विलवासिणो जलवासिणो रुक्खमूलिया अंबुभक्खिणो वायुभक्खिणो सेवालभक्खिणो मूलाहारा कंदाहारा तथाहारा
पत्ताहारा पुप्फाहारा फलाहारा वीयाहारा परिसडियकंदमूलतयपत्तपुप्फफलाहारा जलाभिसेयकठिणगायभूता आयावणाहि

निमज्जगा संपक्खालगा दक्खिणकूला उत्तरकूला संगधमा कूलधमा मियलुद्धया हत्थितावसा उइंङा दिसापो-
क्खिणो वक्कवासिणो विलवासिणो जलवासिणो रुक्खमूलिया अंबुभक्खिणो वायुभक्खिणो सेवालभक्खिणो मूलाहारा कंदाहारा
तथाहारा पत्ताहारा पुप्फाहारा फलाहारा वीयाहारा परिसडियकंदमूलतयपत्तपुप्फफलाहारा जलाभिसेयकठिणगाय आया-
वणेहि पंचगीतावेहि इंगाल्लोहियं कंडुसोहियं । तत्र 'कोत्तिय' ति भूमिआयिनः, 'जन्नइ' ति यश्याजिनः, 'सद्धइ' ति भ्राज्जाः
'घालइ' ति गृहीतभाण्डाः, 'हुंयउट्ट' ति हुंडिकाश्रमणाः, 'दंतुयवल्लिय' ति फलभोजिनः 'उम्मज्जग' ति उन्मज्जनमात्रेण ये
स्नान्ति 'सम्मज्जग' ति उन्मज्जनस्यैवाप्तकृत्करणेन ये स्नान्ति, 'निमज्जग' ति स्नानार्थं ये निमगा एव क्षणं तिष्ठन्ति. 'सं-
पक्खालगा' ति मृत्तिकावर्णपूर्वकं येऽहं श्लाघयन्ति, 'दक्खिणकूलग' ति गैरङ्गवक्षिणकूल एव यस्ताव्यम्, 'उत्तरकूलग' ति
उत्तविपरीताः, 'संखधम' ति शङ्खं धमान्या ये जेमन्ति यमन्यः कोऽपि नागच्छति, 'कूलधमग' ति ये कुले स्थित्वा शब्दं
कृत्वा भुञ्जते, 'मियलुद्धय' ति प्रतीता एव, 'हत्थितावस' ति ये तस्तिनं मारयित्वा तेनैव बहुकालं भोजनतो यापयन्ति.
'उइंङग' ति ऊर्ध्वकृतदण्डा ये संचरन्ति, 'दिसापोक्खिणो' ति उदकेन विशः प्रोक्ष्य ये फलपुष्पादि समुच्चिन्यन्ति, 'वक्क-
वासिणो' ति वल्कलश्रामसः, 'विलवासिणो' ति व्यक्तम्, पाठान्तरे 'वेलवासिणो' ति समुद्रवेलवासिनः, 'जलवासिणो' ति
ये जलनिपण्णा एवास्ते, शेषाः प्रतीताः नवरं, 'जलाभिसेयकठिणगाय' ति ये स्नात्वा न भुञ्जते स्नात्वा पाण्डु-
रीभूतगात्रा इति बुद्ध्याः क्वचित् 'जलाभिसेयकठिणगायभूय' ति हस्यते तत्र जलाभिसेयकठिणगात्रभूताः प्राप्ता ये ते तथा;

पंचगीतावेहिं इंगालसोल्लियं कंदुसोल्लियं पिव अपाणं करेमाणा विहरंति । तत्थ णं जे ते दिसापोकखिया तावसा तेसिं अंतिए दिसापोकखियत्ताए पवइत्तए पवयिते वि य णं समाणे इमं एयारूवं अभिगहं अभिगिन्निहस्सामि-कप्पति मे जावज्जीवाए छट्ठं छट्ठे णं अणिकखत्तेणं दिसाचक्खालेणं तवोकम्मणेणं उडुं बाहातो पगिज्झिय २ सूराम्भिमुहस्स आतावण-भूमीए आतावेमाणस्स विहरत्तए ति कट्ठु एवं संपेहेइ २ कल्ले जाव जलंते सुवहुं लोह जाव दिसापोकखियतावसत्ताए पवइए २ वि य णं समाणे इमं एयारूवं अभिगहं जाव अभिगिन्निहत्ता पढमं छट्ठक्खमणं उवसंपज्जित्ता णं विहरति । तते णं सोमिले माहणे रिसी पढमछट्ठक्खमणपारणंसि आयावणभूमीए पबोरुहति २ वागलवत्थनियत्थे जेणेव सए उडए तेणेव उवा० २ किंढिणसंकाइयं गेहति २ पुरच्छिं दिंसि पुक्खेति, पुरच्छिमाए दिसाए सोमे महाराया पत्थाणे पत्थियं अभिरक्खउ सोमिलमाहणरिसिं अभि० २ जाणि य तत्थ कंदाणि य मूलाणि य तयाणि य पत्ताणि य पुफाणि य

‘इंगालसोल्लियं’ ति अङ्गारैरिव पक्कम्, ‘कंदुसोल्लियं’ ति कन्दुपक्कवमिवेति । ‘दिसाचक्खवालपणं तवोकम्मणेणं’ ति एकत्र पारणके पूर्वस्यां दिशि यानि फलादीनि तान्याहृत्य भुङ्क्ते, द्वितीये तु दक्षिणस्यामित्येवं दिक्चक्रवालेन तत्र तपःकर्मणि पारणककरणं तत्तपःकर्म दिक्चक्रवालमुच्यतेतेन तपःकर्मणेति । ‘वागलवत्थनियत्थे’ ति बलकलं-बल्कः तस्येदं बालकलं तद्वत्त्वं निवसितं येन स बालकलवत्त्रनिवसितः । ‘उडए’ ति उटजः-तापसाश्रमगृहम् । ‘किंढिण’ ति वंशमयस्तापसभाजनविशेषः ततश्च तयोः सांकायिकं-भारोद्धहनयन्त्रं किंढिणसांकायिकम् । ‘महाराय’ ति लोकपालः । ‘पत्थाणे पत्थियं’ ति प्रस्थाने परलोकसाधनमार्गे प्रस्थितं-प्रवृत्तं फलाद्याहरणार्थं, गमने वा प्रवृत्तम् । सोमिलद्विजऋषिम् ।

फलाणि य वीयाणि य हरियाणि ताणि अणुजाणव चि कटु पुरच्छिभं दिसं पसरति २ जाणि य तत्थ कंदाणि य जाव हरियाणि य ताई गेण्हति किट्ठिणसंकाइयं भरेति २ दब्भे य कुसे य पत्तामोडं च समिहा कट्ठाणि य गेण्हति २ जेणेव सए उडए तेणेव उवा० २ किट्ठिणसंकाइयगं ठवेति २ वेदिं वड्ढेति २ उवलेणसंमज्जणं करेति २ दब्भकलसहत्थगते जेणेव गंगा महानदी तेणेव उवा० २ गंगं महानदीं ओगाहति २ जलमज्जणं करेति २ जलकिटुं करेति २ जलाभिसेयं करेति २ आयंते चोक्खे परमसुइभूए देवपिउकयकज्जे दब्भकलसहत्थगते गंगानो महानदीओ पच्चुत्तरति जेणेव सते उडए तेणेव उवा० २ दब्भे य कुसे य वालुयाए य वेदिं रएति २ सरयं करेति २ अरणिं करेति २ सरएणं अरणिं महेति २ अणि पाडेति २ अणि संघुक्केति २ समिहा कट्ठाणि पविखवति २ अणि उज्जालेति २ “अगिस्स दाहिणे पासे सत्तंगाई समादहे ।”

‘दब्भे य’ चि समूलान् ‘कुसे य’ दभनिय निर्मूलान् । ‘पत्तामोडं च’ चि तरुशागामोदितपत्राणि । ‘समिहाड’ चि, समिधः काष्ठिकाः, येइ वड्ढेइ’ चि वेदिकां देवाचनस्थानं वर्धनी-बहुकारिका तां प्रयुक्ते इति वर्धयति-प्रमार्जयतीत्यर्थः । ‘उवलेणसंमज्जणं’ तु (ति) जलेन संमार्जनं वा शोधनम् । ‘दब्भकलसहत्थगए’ चि दभश्च कलशकषा हस्ते गता यस्य स तथा, ‘दब्भकलसा हत्थगए’ चि क्वचित्पाठः तत्र दभेण मागतो यः कलशकः स हस्तगतो यस्य स तथा । ‘जलमज्जणं’ चि जलेन वक्तिः शुद्धिमात्रम् । ‘जलकीडं’ चि वेतशुद्धायपि जलेनाभिरतिम् । ‘जलाभिसेयं’ चि जलश्रालनम् । ‘आयंते’ चि जलस्पशति । ‘चोक्खे’ चि अशुचिद्रव्यापगमात् किमुक्तं भयति ? ‘परमसुइभूए’ चि । देवपिउकयकज्जे’ चि । देवानां पितॄणां च कृतं कार्यं जलाश्रुलिदानं येन स तथा । ‘सरएणं अरणिं महेइ’ चि शरकेण-निर्मन्यकापुन अरणि-निर्मन्यनीयकापुं मथ्नाति-गर्णयति । अगिस्स दाहिणे इत्यादि सार्धश्लोकः तद्यथाशब्दयुजं, तत्र च ‘सत्तंगाई समादहे’ चि सत्ताङ्गानि समादधाति-सन्निधापयति

१ देवपिउकयकज्जे चि प्र०

तं जहा—“सकथं वक्कलं ठाणं सिज्झं भंडं कमंडलुं । दंडदारं तहप्पणं अह तां समादहे ॥” मधुणाय घएण य तंदुलेहि य अर्गि हुणइ, चरं साधेति २ बल वइस्सदेवं करेति २ अतिहिपूयं करेति २ तओ पच्छा अप्पणा आहारं आहारेति । तते णं सोमिले माहणरिसी दोच्चं छट्ठवखमणपारणंसि तं चैव सवं भाणियवं जाव आहारं आहारेति, नवरं इमं नाणत्तं—दाहिणाए दिसाए जमे महाराया पत्थणे पत्थियं अभिरवखल सोमिलं माहणरिसिं जाणि य तत्थ कंदाणि य जाव अणुजाणउ त्ति कहु दाहिणं दिसिं पसरति । एवं पच्चत्थिमे णं वरुणे महाराया जाव पच्चत्थिमं दिसिं पसरति । उत्तरे णं वेसमणे महाराया जाव उत्तरं दिसिं पसरति । पुव्वदिसागमेणं चत्तारि वि दिसाओ भाणियत्ताओ जाव आहारं आहारेति । तते णं तस्स सोमिलमाहणरिसिस्स अणया कयायि पुव्वत्तावरत्तकालसमयंसि अणिच्च जागरियं जागरमाणस्स अयमेयारूवे अज्झत्थिए जाव समुत्पजित्था—एवं खलु अहं वाणास्सीए नगरीए सोमिले नामं माहणरिसी अच्चंतमाहणकुलपसूए, तते णं मए वयाइं चिण्णाइं जाव जूवा निविखत्ता । तते णं मम वाणारसीए जाव पुफारामा य जाव रोविता । तते णं मए सुवहुलोह जाव घडावित्ता जाव जेट्ठपुत्तं ठावित्ता जाव जेट्ठपुत्तं आपुच्छित्ता सुवहुलोह जाव गहाय सुंढे जाव पवइए वि य णं समाणे छट्ठछेट्ठेणं

सकथं १ बलकलं २ स्थानं ३ शय्याभाण्डं ४ कमण्डलुं ५ दण्डदारं ६ तथात्मानमिति ७ । तत्र सकथं—तत्समयप्रसिद्ध उपकरणविशेषः, स्थानं—ज्योतिःस्थानम् पात्रस्थानं वा, शय्याभाण्डं—शय्योपकरणं, कमण्डलुः—कुण्डिका, दण्डदार—दण्डकः, आत्मा प्रतीतः । ‘चरं साधेति’ त्ति चरुः—भाजनविशेषः तत्र पच्यमानं द्रव्यमपि चररेव तं चरं बलमित्यर्थः साधयति—रन्धयति । ‘बलिं वइस्सदेवं करेइ’ त्ति बलिना वैश्वानरं पूजयतीत्यर्थः । ‘अतिहिपूयं करेइ’ त्ति अतिथेः—आगन्तुकस्य पूजां करोतीति ‘जाव गहा’ कडुच्छुयतं विभभायणं गहाय विसापोकविखयतावसत्तए पव्वइए प्रैव्रजितेऽपि षष्ठादितपःकरणेन दिशः प्रे-

जाव विहरति । तं सेयं खलु ममं इयाणिं कल्लं पादु जाव जलंते बहवे तावसे दिट्ठा भट्टे य पुवसंगतिए य परियायसंगतिए अ आपुच्छिता आसमंससियाणि य बहूइं सत्तसयाई अणुमाणइत्ता वागलवत्थनियत्थस्स कट्ठिणसंकाइयगहितसभंडोवकरणस्स कट्ठमुदाए मुहं वंधित्ता उत्तरदिसाएऽउत्तराभिमुहस्स महपत्थाणं पत्थावेइत्तए एवं संपेहेति २ कल्लं जाव जलंते बहवे तावसे य दिट्ठा भट्टे य पुवसंगतिते य तं चेव जाव कट्ठमुदाए मुहं वंधति, वंधित्ता अयमेतारूवं अभिगहं अभिगहति जत्थेव णं अम्हं जलंसि वा एवं थलंसि वा दुगंसि वा निन्नंसि वा पवतंसि वा विसमंसि वा गट्ठाए वा दरीए वा पक्खलिज्ज वा पवडिज्ज वा नो खलु मे कण्णति पच्चुट्ठित्तए त्ति कट्ठु अयमेतारूवं अभिगहं अभिगहति, उत्तराए दिसाए उत्तराभिमुह पत्थाणं (महपत्थाणं) पत्थिए से सोमिले माहणरिसी पुवावरण्हकालसमयंसि जेणेव असोगवरपायवे तेणेव उवागते, असोगवरपायवस्स अहे कट्ठिणसंकाइयं ठवेति २ वेदिं वडूइ २ उवलेवणसंमज्जणं करेति २ दब्बकलसहत्थगते जेणेव गंगा महानई जहा सियो जाव गंगातो महानईओ पच्चुत्तरइ, जेणेव असोगवरपायवे तेणेव उवा० २ दब्बेहि य कुसेहि य वालुयाए वेदि रतेति, रतित्ता सरगं करेति २

क्षित्त्यादिधिधि च कृत्वा पारणादिकमाचरितवान् । इदानीं च इदं मम श्रेयः कर्तुं, तदेवाह - 'जाव जलंते' स्वरिप हृष्टान् आभापितान् आपृच्छथ, बहूनि सखशतानि समनुमान्य संभाव्य, गृहीतनिजभाण्डोपकरणस्योत्तरदिग्भिमुखं गन्तुं मम युज्यते इति संश्रयते चेत्तसि । 'कट्ठमुदाए मुहं वंधित्ता' यथा काष्ठं काष्ठमयः पुत्तलको न भापते एवं सोऽपि मौनावलम्बी जातः यद्वा मुखरन्ध्राच्छादकं काष्ठखण्डमुभयपार्श्वेच्छिन्नद्वयप्रेषितदवरकान्वितं मुखबन्धनं काष्ठमुप्रा तथा मुखं बध्नाति । जलस्थलादीनि सुगमानि, पतेषु स्थानेषु स्वलितस्य प्रतिपतितस्य वा न तत उत्थातुं मम कल्पते । महाप्रस्थानं पदं ति मरणकालभावि कर्तुं ततः प्रस्थितः-कर्तुमारब्धः । 'पुवावरण्हकालसमयंसि' ति पाम्नात्यापराण्हकालसमयः-दिनस्य चतुर्थप्रहरलक्षणः ।

जाव बलि वइस्सदेवं करेति २ कट्टमुद्दाए सुहं बंधति तुसिणीए संचिद्धति । तते णं तस्स सोमिलमाहणरिसिस्स पुव्वरत्ता-
वरत्तकालसमयंसि एगे देवे अंतियं पाउब्भूते । तते णं से देवे सोमिलं माहणं एवं वयासि-हं भो सोमिलमाहणा ! पवइया
दुपच्चइतं ते । तते णं से सोमिले तस्स देवस्स दोच्चं पि तच्चं पि एयमदं नो आढाति नो परिजाणइ जाव तुसिणीए सं-
चिद्धति । तते णं से देवे सोमिलेणं माहणरिसिणा अणाढाइज्जमाणे जामेव दिसि पाउब्भूते तामेव जाव पडिगते । तते णं
से सोमिले कल्लं जाव जलंते वागलवत्थनियत्थे कढिणसंकाइयं गहियगिहोत्तभंडोवकरणे कट्टमुद्दाए सुहं बंधति २ उत्तराभि-
मुहे संपत्थिते । तते णं से सोमिले बितियदिवसम्मि पुवावरण्हकालसमयंसि जेणेव सत्तिवन्ने अहे कढिणसंकाइयं ठवेति
२ वेतिं वड्डति २ जहा असोगवरपायवे जाव अग्गिं हुणति, कट्टमुद्दाए सुहं बंधति, तुसिणीए संचिद्धति । तते णं तस्स
सोमिलस्स पुव्वरत्तावरत्तकालसमयंसि एगे देवे अंतियं पाउब्भूए । तते णं से देवे अंतिलिक्खपडिवन्ने जहा असोगवरपायवे
जाव पडिगते । तते णं से सोमिले कल्लं जाव जलंते वागलवत्थनियत्थे कढिणसंकाइयं गेहति २ कट्टमुद्दाए सुहं बंधति २
उत्तरदिसाए उत्तराभिमुहे संपत्थिते । तते णं से सोमिले ततियदिवसम्मि पुवावरण्हकालसमयंसि जेणेव असोगवरपायवे
तेणेव उवा० २ असोगवरपायवस्स अहे कढिणसंकाइयं ठवेति, वेतिं वड्डति जाव गंगं महानइं पच्चुत्तरति २ जेणेव असो-
गवरपायवे तेणेव उवा० २ वेतिं रएति २ कट्टमुद्दाए सुहं बंधति २ तुसिणीए संचिद्धति । तते णं तस्स सोमिलस्स पुव्वर-
त्तावरत्तकाले एगे देवे अंतियं पाउ० तं चेव भणति जाव पडिगते । तते णं से सोमिले जाव जलंते वागलवत्थनियत्थे

‘पुव्वरत्तावरत्तकालसमयंसि’ ति पूर्वरात्रो-रात्रेः पूर्वभागः, अपररात्रो-रात्रेः पश्चिमभागः तल्लक्षणो यः कालसमयः-काल-
रूपसमयः स तथा तत्र रात्रिमध्यान्हे (मध्यरात्रे) इत्यर्थः । अन्तिकं-समीपं, प्रादुर्भूतः । इत ऊर्ध्वं सर्वं निगदसिद्धं जाव

कठिणसंकाइयं जात्र कट्टमुद्दाए सुहं वंधति २ उत्तराए दिसाए उत्तराए संपत्तिए । तते णं से सोमिले चउत्थदिवसपुद्दाव-
रण्हकालसमयंसि जेणेव वडपायवे तेणेव उवागते वडपायवरस अहे किठिणं संवेति २ वेइं वड्ढेति उवलेवणसंमज्जनं करेति
जात्र कट्टमुद्दाए सुहं वंधति, तुसिणीए संचिद्धति । तते णं तरस सोमिलस पुद्धारत्तावरत्तकाले एगे देवे अंतियं पाउ० तं
चेव भणति जात्र पडिगते । तते णं से सोमिले जात्र जलंते वागलवत्थनियत्ये किठिणसंकायियं जात्र कट्टमुद्दाए सुहं
बंधति, उत्तराए उत्तराभिमुहे संपत्तिथे । तते णं से सोमिले पंचमदिवसमि पुदावरण्हकालसमयंसि जेणेव उंवरपायवे उंवर-
पायवरस अहे किठिणसंकाइयं ठवेति, वेइं वड्ढेति जात्र कट्टमुद्दाए सुहं वंधति जात्र तुसिणीए संचिद्धति । तते णं तस्स
सोमिलमाहणस्स पुद्धारत्तावरत्तकाले एगे देवे जात्र एवं वयासि-हं भो सोमिला ! पढइया दुप्पवइयं ते पढमं भणति तहेव
तुसिणीए संचिद्धति, देवो दोच्चं पि तच्चं पि वदति सोमिला ! पढइया दुप्पवइयं ते । तए णं से सोमिले तेणं देवेणं दोच्चं
पि तच्चं पि एवं युत्ते समाणे तं देवं एवं वयासि-कहणं देवाणुप्पिया ! मम दुप्पवइयं ? । तते णं से देवे सोमिलं माहणं एवं
वयासि-एवं खलु देवाणुप्पिया ! तुमं पातस्स अरहओ पुरिसादोणियस अंतियं पंचाणुए सत्त भिक्खावए दुवालसविहे
सावगधम्मे पडिवन्ने, तए णं तव अण्णदा कदाइ पुद्धारत्त० कुंडुव० जात्र पुच्चचित्तं देवो उच्चारति जात्र जेणेव असोगवरपा-
यने तेणेव उवा० २ कठिणसंकाइयं जात्र तुसिणीए संचिठसि । तते णं पुद्धारत्तावरत्तकाले तव अंतियं पाउब्भयामि हं भो
सोमिला ! पढइया दुप्पवत्तियं ते तह चेव देवो नियवयणं भणति जात्र पंचमदिवसमि पुद्दावरण्हकालसमयंसि जेणेव
उंवरवरपायवे तेणेव उवागते किठिणसंकाइयं ठवेहि वेदिं वड्ढेति उवलेवणं संमज्जनं करेति २ कट्टमुद्दाए सुहं वंधति, वंधित्ता

तुसणीए संचिठसि, तं एवं खलु देवाणुप्पिया ! तव दुप्पवयितं । तते णं से सोमिले ते देवं वयासि—(कहणं देवाणुप्पिया ! मम सुप्पवइतं ? तते णं से देवे सोमिलं एवं वयासि)—जइ णं तुमं देवाणुप्पिया ! इयाणिं पुव्वपडिवण्णाइं पंच अणुवयाइं सयमेव उवसंपज्जित्तां णं विहरसि, तो णं तुज्झ इदाणिं सुप्पवइयं भविज्जा । तते णं से देवे सोमिलं वंदति नमंसति २ जामेव दिस्सिं पाउभूते जाव पडिगते । तते णं सोमिले माहणरिसी तेणं देवेणं एवं बुत्ते समाने पुव्वपडिवन्नाइं पंच अणुवयाइं सयमेव उवसंपज्जित्ता णं विहरति । तते णं से सोमिले बहूहिं चउत्थल्लड्डमजावमासद्धमासखमणेहिं विचिचेहिं तवोवहाणेहिं अप्पाणं भावेमाणे बहूइं वासाइं समणोवासगपरियागं पाउणति २ अद्धमासियाए संलेहणाए अत्ताणं झूसेति २ तीसं भत्ताइं अणसणाए छेदेति २ ता तस्स ठाणस्स अणालोइयपडिक्कंते विराहियसमत्ते कालमासे कालं किच्चा सुक्खवडिसए विमाणं उववातसभाए देवसयणिज्जंसि जाव तोगाहणाए सुक्खमहग्गहत्ताए उववन्ने । तते णं से सुक्के महग्गहे अहुणोववन्ने समाने जाव भासामणपज्ज-चीए । एवं खलु गीयमा । सुक्केणं महग्गहेणं सा दिवा जाव अभिसमन्नागए एगं पलिओवमडिती । सुक्के णं भंते महग्गहे ततो देवलोगाओ आउक्खए कहिं ग० १ गीयमा ! महाविदेहे वासे सिज्झिहति । एवं खलु जंबू ! समणेणं० निक्खेवओ ॥ ३ ॥

बहुपुत्तिकाज्झयणं ४—जइ णं भंते उक्खेवओ एवं खलु जंबू ! तेणं कालेणं २ रायगिहे नामं नगरे, गुणसिलए चेइए, सेणिए राया, सामी समोसढे, परिसा निगया । तेणं कालेणं २ वंहुपुत्तिया देवी सोहम्मो कप्पे बहुपुत्तिए विभाणे सभाए सुहम्माए

निक्खेवओ ति । नवरं विराधितसम्यक्कथः । अनालोचिताप्रतिक्रान्तः । शुक्रग्रहदेवतया उत्पन्नः ॥

बहुपुत्तियाध्ययने ' उक्खेवओ ' ति उत्क्षेपः—प्रारंभयाक्यं, यथा—जइ णं भंते समणेणं सिद्धिगइनामधेयं ठाणं संपाविड-कामेणं तच्चवग्गस्स पुट्ठिफयाणं तइयज्झयणस्स अयमढ्ठे पन्नत्ते, चउत्थस्स णं अज्झयणस्स पुट्ठिफयाणं के अढ्ठे पण्णत्ते ?

बहुपुत्तियंसि सीहासणंसि चउहिं सामाणियसाहस्सीहिं चउहिं महत्तरियाहिं जहा सुवरियाभे जाव शुंजमाणी विहरइ, इमं चणं केवलकप्पं जंबुद्वीवं दीवं विलेणं ओहिणा आभोएमाणी २ पासति २ समणं भगवं महावीरं जहा सुवरियाभो जाव णमंसित्ता सीहासणवरंसि पुरच्छाभिमुहा सन्निसन्ना। आभियोगा जहा सुवरियाभस्स, सुसरा घंटा, आभियोगियं देवं सद्दवेइ, जाणविमाणं जोयणसहस्सविच्छिण्णं, जाणविमाणवणओ, जाव उत्तरिल्लेणं निज्जाणमग्गेणं जोयणसाहस्सिएहिं विंग्गेहिं आगता जहा सुवरियाभे, धम्मकहा सम्भत्ता। ततेणं सा बहुपुत्तिया देवी दाहिणं शुयं पसारेइ देवकुमाराणं अट्टसयं, देवकुमारियाण य वांभाओ शुयाओ १०८, तयाणंतरं च णं बहवे दारगा य दारियाओ य डिंभए य डिंभियाओ य विउवइ, नट्टविहिं जहा सुवरियाभो उवदं-सित्ता पडिगतं। भंते त्ति भयवं गोयमे समणं भगवं महावीरं वंदइ नमंसति कूडागारसाला बहुपुत्तियाए णं भंते देवीए सा दिव्वा देविड्डी पुच्छा जाव अभिसमणागता। एवं खलु गोयमा ! तेणं कालेणं २ वाणारसी नामं नगरी, अवंसालवणे चेइए। तत्थ णं वाणारसीए नगरीए भदे नामं सत्थवाहे होत्था, अट्ठु अपरिभूते। तस्स णं भदस्स य सुभद्दा नामं भारिया सुकुमाला वंझा

एतस्स 'दिग्घा देविड्डी पुच्छ' त्ति, किण्हं लद्धा-केन हेतुनोपाजिता ? किण्णा पत्ता-केन हेतुना प्राप्ता उपाजिता सती प्राप्तिमुपगता ? किण्णा भिसमणागय' त्ति प्राप्ताऽपि सती केन हेतुनाऽऽभिमुख्येन सांगत्येन च उपाजितस्य च पञ्चा-झोग्यतामुपगतेति ? एवं पृष्टे सत्याह- 'एवं खलु' इत्यादि। वाणारस्यां भद्रनामा सार्थवाहोऽभूत्। 'अट्ठु' इत्यादि अट्ठु-दित्ते वित्ते विच्छिण्णविउलभयणसयणासणजाणवाहणाइण्णे - बहुधणजाइ आययणआओगपओगसंपउत्ते 'विच्छिड्डियपउर'-भत्तपाणे बहुदासीदासगोमदिसगवेलकप्पमूए बहुजणस्स अपरिभूए, सुगमान्येतानि, नवरं आढथः-ऋद्धया परिपूर्णः, हतः-दर्पवान्, वित्तो-विख्यातः। भद्रसार्थवाहस्य भार्या सुभद्रा सुकुमाला। 'वंझ' त्ति अपत्यफलापेक्षया निष्फला,

अवियाउरी जाणुकोपरमाता याविहोत्था । तते णंतीसे सुभद्दाए सत्थवाहीए अन्नया कथाइ पुव्वरत्तावरत्तकाले कुटुंबजागरियं इमेयारूवे जाव संकप्पे समुप्पज्जित्था-एवं खलु अहं भद्देणं सत्थवाहेणं सद्धिं विउलाइं भोगभोगाइं भुंजमाणी विहरामि, नो चैव णं अहं दारणं वा दारियं वा पयामि, तं घन्नाओ णं ताओ अरमगाओ जाव सुलद्धे णं तासिं अम्मगाणं मणुयजम्मजी वितफले, जासिं मन्ने नियकुच्छिसंभूयगाइं थणदुद्धुद्धुगाइं महुरसमुल्लावगाणि मंजुल(मम्मण)प्पजंपिताणि थणमूलकक्खदेसभागं अभिसरमाणगाणि पण्हयंति, पुणो य कोमलकमलोवमेहिं हत्थेहिं गिण्हिऊणं उच्छं गनिवेसियाणि देति, समुल्लावए सुसुहुरे पुणो मम्मण (मंजुल)

‘अवियाउरि’ ति प्रसवानन्तरमपत्यमरणेनापि फलतो वन्ध्या भवति अत उच्यते-अवियाउरि ति अविजननशीलाऽप-
त्यानाम्, अत पद्याह-जानु कूर्पराणामेव माता-जननी जानुकूर्परमाता, पतान्येव शरीरांशभूतानि तस्याः स्तनौ स्पृशन्ति
नापत्यमित्यर्थः, अथवा जानु कूर्पराण्येव मात्रा परप्राणादिसाहाय्यसमर्थः उत्सङ्गनिवेशनीयो वा परिकरो यस्याः न पुत्रलक्षणः
स जानुकूर्परमात्रः । ‘इमे यारूवे’ ति इहैवं दृश्यं-“अयमेयारूवे अज्झत्थिए चित्तए पत्थिए मणेगए संकप्पे समुप्पज्जित्था”
तत्रायम् पतद्रूपः आध्यात्मिकः-आत्माश्रितः चिन्तितः-स्मरणरूपः मनोगतो-मनोविकाररूपः संकल्पो-विकल्पः समुत्पन्नः ।
‘घन्नाओ णं ताओ’ इत्यादि धन्या-धनमर्हन्ति लप्स्यन्ते वा यास्ता धन्याः इति यासामित्यपेक्षया, अग्न्याः-क्षियः पुण्याः-पवित्राः
कृतपुण्याः-कृतसुकृताः कृतार्थाः-कृतप्रयोजनाः कृतलक्षणाः-सफलीकृतलक्षणाः । ‘सुलद्धे णं तासिं अम्मगाणं मणुयजम्मजी विय-
फले’ सुलब्धं च तासां मनुजजन्म जीवितफलं च । ‘जासिं’ ति यासां मन्ये इति वितकार्थो निपातः । निजकुक्षिसंभूतानि डिम्भ-
रूपाणीत्यर्थः । स्तनदुग्धे लुब्धानि यानि तानि तथा । मधुराः समुल्लापा येषां तानि तथा । मन्मनम्-अव्यक्तमीपल्लितं ‘प्रज-
ल्लितं’ येषां तानि तथा । स्तनमूलात् कक्षादेशभागमभिसरन्ति मुग्धकानि-अव्यक्तविज्ञानानि भवन्ति । पण्हयंति-बुग्धं पिबन्ति ।
‘पुनरपि’ कोमलकमलोपमाम्यां दृष्टाभ्यां उत्सङ्गे निवेशितानि सन्ति । वदति समुल्लापकान्, पुनः पुनः मज्जुल-

पुष्पभणि ए अहं णं अघण्णा अपुण्णा अकयपुण्णा एत्तो एगमवि न पत्ता ओहय० जाव क्षियाइ । तेणं कालेणं २ सुवृत्तातो णं अज्जातो इरियासमितातो भासा समितातो एसणासमितातो आयाणभंडमत्तनिकेवेणासमितातो उच्चारपासवणखेलजल्लसिंघाणपारिद्धावणासमियातो मणगुत्तीओ वयगुत्तीओ कायगुत्तीओ गुत्तिंदियाओ गुत्तवंभयारिणीओ बहुस्सुयाओ बहुपरियारातो पुद्वाणुपुर्वि चरमाणीओ गामाणुगामं दूइज्जमाणीओ जेणेव वाणारसी नगरी तेणेव उवागयात्ता, उवागच्छित्ता अहापडिख्वं उगगं २ संजमेणं तवसा विहरति । तते णं तासिं सुव्वयाणं अज्जाणं एगे संचाडए वाणारसीनगरीए उच्चनीयमज्झिमाइं कुलाइं घरसमुदाणस्स भिक्खायरियाए अडमाणे भद्दस्स सत्थवाहस्स गिहं अणुपविट्ठ । तते णं सुभद्द । सत्थवाहीतातो अज्जातो एज्जमाणीओ पासति २ द्दट्ठ० खिप्पामेव आसणाओ अब्बुट्ठेति २ सत्तट्ठपयाइं अणुगच्छइ २ वंदइ नमंसइ, वंदित्ता नमंसित्ता विउलेणं असणपाणखाइम-साइमेणं पडिलाभित्ता एवं वयासि-एवं खलु अहं अज्जाओ । भद्देणं सत्थवाहेणं सद्धिं विउलाइं भोगभोगाइं भुंजमाणी विहरामि, प्रभणितान् मज्जुलं-मधुरं प्रभणितं-भणतिर्येपु ते तथा तान्, इह सुमधुरानित्यभिधाय यन्मज्जुलप्रभणितानित्युक्तं तत्पुनरुक्तमपि न दुष्टं संप्रमभणितत्वादस्येति । 'पत्तो' ति चिभक्तिपरिणामादेपाम्-उक्तविशेषणवतां डिम्भानां मध्यादेकतरमपि अन्यतरविशेषणमपि डिम्भं न प्राप्ता इत्युपहतमनःसङ्कल्पा भूमिगतदृष्टिका करतलपर्यस्तितमुखी ध्यायति । अयानन्तरं यत्संपन्नं तदाह- 'तेणं कालेण'मित्यादि । गृहेषु समुदानं-भिक्षाटनं गृहसमुदानं भैक्षं, तन्निमित्तमटनम् । साध्वीसंवादको भद्रसार्थवाद्यगृहमनुप्रविष्टः । तद्वार्यां चेतसि चिन्तितवती (पवं वयासि) यथा-विपुलान्-समृद्धान् भागान् भोगभोगान्-अतिशयवतः शब्दादीन् उपभुञ्जाना विहरामि-तिष्ठाभि

नो चेव णं अहं दारणं वा दारियं वा पयामि, तं घन्नाओ णं ताओ अम्मगाओ जाव एत्तो एगमवि न पत्ता, तं तुन्ने अज्जाओ ! बहुणा-
यातो बहुपडियातो बहूणि गामागरनगर जाव सण्णिवेसाइं आहिंदह, बहूणं राईसरतलवर जाव सत्थवाहूप्पभित्तिणं गिहाइं अणु-
पविसह, अत्थि से केति कहिं चि विज्जापओए वा मंतपओए वा वमणं वा विरेयणं वा बत्थिकम्मं वा ओसहे वा भेसज्जे वा उवलद्धे
जेणं अहं दारणं वा दारियं वा पयाएज्जा ? तते णं ताओ अज्जाओ सुभदं सत्थवाहिं एवं वयासी—अम्हे णं देवाणुप्पिए ! समणी-
ओ निगंथीओ इरियासमियाओ जाव गुत्तवंभचारीओ, नो खलु कप्पति अम्हं एयमट्ठं कण्णेहिं विणिसामित्तए, किमंग पुण
उच्चिसित्तए वा समायरित्तए वा अम्हे णं देवाणुप्पिए ! णवरं तव विचित्तं केवल्लिपणत्तं धम्मं परिकहेमो ! तते णं सुभद्दा सत्थ-
वाही तासिं अज्जाणं अंतिए धम्मं सोच्चा निसम्म हट्ठुट्ठा तातो अज्जातो तिसुत्तो वंदति नमंसति एवं वदासी—सदहामि णं अ-
ज्जाओ ! निगंथे पावयणं पत्तियामि रोएमि णं अज्जाओ निगंथीओ ! एवमेयं तहमेयं अवितहमेयं जाव सावगधम्मं पडिवज्जए ।

केवलं तथापि डिम्भादिकं न प्रजन्ये—न जनितवती अहं, केवलं ता एव स्त्रियो धन्या यासां पुत्रादि संपद्यत इति खेदपरायणा
' हवति ' (उहं घर्ते) । तदत्रार्थे यूर्यं किमपि जानीच्चे न वेति ? यद्विषये परिज्ञानं संभावयति तदेव विद्यामन्त्रप्रयोगादिकं वक्तु-
माह । केवल्लिप्रज्ञासधर्मश्च—“ जीवदय सच्चवयणं, परधणपरिवज्जणं सुसीलं च । खंती पंचिदियनिगहो य धम्मस्स मूलाइं ॥१॥ ”
इत्यादिकः । ' एवमेयं ' ति एवमेतदिति साध्वीचवने प्रत्या (त्यया) विष्करणम् । पतदेव स्फुटयति—' तहमेयं भंते ! ' तथैवेतद्यथा
भगवत्यः प्रतिपादयन्ति यदेतथूर्यं वदथ तथैवेतत् । ' अवितहमेयं ' ति सत्यमेतदित्यर्थः । ' असंदिग्धमेयं ' ति संदेहव-
र्जितमेतत् । एतान्येकार्थान्येत्यादरप्रदर्शनायोक्तानि सत्योऽयमर्थो यथूर्यं वदथ इत्युक्त्वा वदन्ते—वाग्भिः स्तौति, नमस्यति
कायेन प्रणमति, वंदित्ता नमसित्ता सावगधम्मं पडिवज्जइ देवगुरुधर्मप्रतिपत्तिं कुरुते ।

अहासुहं देवा० ! मा पडिबंढं । तते नं सा सुभद्दा सत्य० तसि अज्जाणं अंति ए जाव पडिवज्जति २ तातो अज्जातो वंदइ नमंसइ पडिविसज्जति । तते नं सुभद्दा सत्य० समणोवासिसिया जाया जाव विहरति । तते नं तीसे सुभद्दाए समणोवासिसियाए अण्णदा कदायि पुव्वरत्त० कुटुंब० अयमेया० जाव समुप्पज्जित्या-एवं खलु अहं [सु] भवेणं सत्य० विजलाइं भोगभोगाईं जाव विहरामि, नो चेव नं अहं दारगं वा २, तं सेयं खलु मभं कल्लं पा० जाव जलंते भद्दस्स आपुच्छित्ता सुवयाणं अज्जाणं अंति ए अज्जा भवित्ता अगाराओ जाव पवइत्तए, एवं संपेहेति २ ता कल्ले जेणेव भद्दे सत्यवाहे तेणेव उवागते, कत्तल० एवं वयासी-एवं खलु अहं देवाणुप्पिया ! तुब्भेहिं सद्धिं वहुइं वासाईं विजलाइं भोग जाव विहरामि, नो चेव नं दारगं वा दारियं वा पयामि, तं इच्छामि नं देवाणुप्पिया ! तुब्भेहिं अणुणाया समाणी सुवयाणं अज्जाणं जाव पवइत्तए । तते नं से भद्दे सत्यवाहे सुभद्दं सत्य० एवं वदासी-मा नं तुमं देवाणुप्पिया ! इदाणि मुंडा जाव पवयाहि, भुंजाहि ताव देवाणुप्पिए ! मए सद्धिं विजलाइं भोगभोगाईं, ततो पच्छा भुत्तभोईं सुवयाणं अज्जाणं जाव पवयाहि । तते नं सुभद्दा सत्य० भद्दस्स एयमट्ठं नो आढाति नो परिजाणति दुच्चं पित्तं पि भद्दा सत्य० एवं वदासी-इच्छामि नं देवाणुप्पिया ! तुब्भेहिं अब्भणुणाया समाणी जाव पवइत्तए । तते नं से भद्दे स० जाहे नो संचाएति वहुहिं आघवणाहि य एवं पन्नवणाहि य सणवणा० विण्णवणाहि य

ययासुखं देवानुप्पिये ! अत्रार्थे मा प्रतियन्ध-प्रतिघातरूपं प्रमादं मो कृथाः । 'आगवणाहि य' ति आख्यापनाभिध्न-सामान्यतः प्रतिपादनेः । 'पणवणाहि य' ति प्रज्ञापनाभिध्न-विशेषतः कथनेः । 'सणवणाहि य' ति संज्ञापनाभिध्न-संशोधनाभिः । 'विन्नवणाहि य' ति विज्ञापनाभिध्न-चिह्नसिद्धाभिः सप्रणयप्रार्थनेः । चकाराः समुच्चयार्थाः ।

आघवित्तए वा जाव विण्णवित्तए वा ताहे अकामते चेव सुभद्दाए निक्खमणं अणुमणित्था । तते णं से भद्दे स० विउलं
 असणं ४ उक्खवडावेति, भित्तनाति० ततो पच्छा भोयणवेलाए जाव भित्तनाति० सक्कारेति सम्माणेति, सुभद्दं सत्य०
 ण्हायं जाव पायच्छित्तं सवालंकारविभूसियं पुरिससहस्रवाहिणिं सीयं दुरुहेति । ततो सा सुभद्दा सत्य० भित्तनाइ
 जाव संवधिसंपरिवुडा सविड्डीए जाव रवेणं वाणारसीनगरीए मज्झं मज्झेणं जेणेव सुवयाणं अज्जाणं उवस्सए तेणेव
 उवा० २ पुरिससहस्रवाहिणिं सीयं ठवेति, सुभद्दं सत्यवाहिं सीयातो पच्चोहेति । तते णं भद्दे सत्यवाहे सुभद्दं
 सत्यवाहिं पुरतो काउं जेणेव सुवया अज्जा तेणेव उवा २ सुवयाओ अज्जाओ वंदति नमंसति २ एवं वदासी-
 एवं खलु देवाणुप्पिया सुभद्दा सत्यवाही मम भारिया इद्दा कंता जाव मा णं वातिता पित्तिया सिंभिया सन्निवातिता
 विविहा रोयातंका फुसंतु, एस णं देवाणुप्पिया । संसारभउव्विगा भीया जम्मणमरणं, देवाणुप्पियाणं अंतिए गुंडा भविता
 जाव पवयाति, तं एयं अहं देवाणुप्पियाणं सीसिणिभिकखं दलयामि, पडिच्छंतु णं देवाणुप्पिया ! सीसिणीभिकखं ।
 अहासुहं देवाणुप्पिया ! मा पडिबंघं । तते णं सा सुभद्दा स० सुवयाहिं अज्जाहिं एवं वुत्ता समाणी इद्दा २ सयमेव
 आभरणमल्लालंकारं ओसुयइ २ सयमेव पंचसुद्धियं लेयं करेति २ जेणेव सुवयातो अज्जाओ तेणेव उवा २ सुवयाओ

' आघवित्तए ' ति आख्यातुं वा प्रज्ञापयितुं वा विज्ञापयितुं वा न शक्नोतीति प्रक्रमः सुभद्रां भार्या व्रतग्रहणा-
 न्निषेधयितुं ' ताहे ' इति तदा ' अकामए चेव ' अनिच्छन्नेव सार्थवाहो निष्क्रमणं-व्रतग्रहणोत्सवं अनुमनितवान् (अनु-
 मतवान्) इति । किं बहुना ? गुंडा भविता अगाराओ अणगरियं पव्वइति । इत उद्धर्षं सुगमम् ।

अज्जाओ तिव्वुत्तो आयाहिणपयाहिणेणं वंदइ नमंसइ २ एवं वदासी-आलिच्चे णं भंते । जहा देवाणंदा तथा पवइता जाव अज्जा जाया जाव गुत्तवंभयारिणी । तते णं सा सुभद्दा अज्जा अन्नदा कदायि बहुजणस्स चेडख्वे संमुच्छित्ता जाव अज्झोववणा अब्भंगणं च उन्वट्ठणं च फासुंयपाणं च अलत्तगं च कंकणाणि य अंजणं च वण्णगं च चुण्णगं च खेच्छगाणि य खज्जल्लगाणि य खीरं च पुप्फाणि य गवेसति, गवेसित्ता बहुजणस्स दारए वा दारिया वा २ कुमारे य कुमारियाते य २ डिंभए य डिंभियाओ य अप्पेगितियाओ अब्भंगेति, अप्पेगइयाओ उन्वट्ठेति, एवं अप्पे० फासुंयपाणएणं ण्हावेति, अप्पे० पाए रयति, अप्पे० उट्ठे रयति, अप्पे० अच्छीणि अंजेति, अप्पे० उमुए करेति, अप्पे० तिलए करेति, अप्पे० दिग्गिदलए करेति अप्पे० पंतियाओ करेति अप्पे० छिज्जाइ करेति अप्पेगइया वन्नएणं समालभइ अप्पे० चुन्नाएणं समालभइ अप्पे० खेच्छणगाइं दलयति अप्पे० खज्जल्लगाइं दलयति अप्पे० खीरभोगं भुंजावेति अप्पे० पुप्फाइं ओमुयइ अप्पे० पादेसु ठवेति अप्पे० जंघासु करेइ एवं ऊरुसु उच्छंगे कडीए पिट्ठे उरसि खंधे सीसे अ करतलपुट्ठेणं गहाय हलउलेमाणी २ आगयमाणी २ परिहायमाणी २ पुत्तपिवासं च धूयपिवासं च नत्तिपिवासं च पच्चणुब्भवमाणी विहरति । तते णं तातो सुवयातो अज्जाओ सुभइं अज्जं एवं वयासी-अम्हे णं देवाणुप्पिए । समणीओ निगंधीओ इरियासमियातो जाव गुत्तवंभवा रिणीओ नो खल्लु अम्हं कप्पति जातककम्मं करि त्तए, तुमं च णं देवाणु० बहुजणस्स चेडख्वेसु मुच्छित्ता जाव अज्झोववणा अब्भंगणं जाव नत्तिपिवासं वा पच्चणुब्भवमाणी विहरसि, तं णं तुमं देवाणुप्पिया एयस्स ठाणस्स आलोएहि जाव पच्छित्तं पडिवज्जाहि । तते णं सा सुभद्दा अज्जा सुवयाणं अज्जाणं एयमट्ठं नो आढाति नो परिजाणति, अणाढायमाणी अपरि-

जाणमाणी विहरति । तते णं तातो समणीओ निगंथीओ सुभद्धं अज्जं हीलेंति निंदंति खिंसंति गरहंति अभिक्खणं २ एयमट्ठं निवारेंति । तते णं तीसे सुभद्धाए अज्जाए समणीहिं निगंथीहिं हील्लिज्जमाणीए जाव अभिक्खणं २ एयमट्ठं निवारिज्जमाणीए अयमेयारूवे अज्झत्थिए जाव समुप्पज्जित्था-जया णं अहं अगारवासं वसामि तया णं अहं अप्पवसा, जप्पभिइं च णं अहं मुंडा भवित्ता आगाराओ अणगारियं पवइत्ता तपभिइं च णं अहं परवसा, पुविं च समणीओ निगंथीओ आहेंति परिजाणेंति, इयाणिं नो आढाइंति नो परिजाणंति, तं सेयं खल्ल मे कल्लं जाव जलंते सुवयाणं अज्जाणं अंतियाओ पडिनिक्खमिच्चा पाडियकं उवस्सयं उवसंपज्जित्ता णं विहरित्ताए, एवं संपेहेति २ कल्लं जाव जलंते सुवयाणं अज्जाणं अंतियातो पडिनिक्खमेति २ पाडियकं उवस्सयं उवसंपज्जित्ता णं विहरति । तते णं सा सुभद्धा अज्जा अज्जाहिं अणोहट्ठिया अणिवारिता सच्छंदमती बहुजणस्स चेडरूवेसु मुच्छिता जाव अब्भंगणं च जाव नत्तिपिवासं च पच्चणुब्भवमाणी विहरति । तते णं सा सुभद्धा अज्जा पासत्था पासत्था पासत्थविहारी एवं ओसण्णा० कुसीला० संसत्ता संसत्तविहारी अहाच्छंदा अहाच्छंदविहारी वहूइं वासाइं. सामन्नपरियागं पाउणति २ अद्धमार्सियाए संलेहणाए अत्ताणं तीसं भत्ताइं २ अणसणे छेदित्ता २ तस्स ठाणस्स अ णालोइयपडिक्कंता कालमासे कालं किच्चा सोहमे कपे बहुपुत्तियाविमाणे उववायसभाए देवसय-णिज्जं सि देवदूसंतरिया अंगुलस्स असंखेज्जभाग्येत्ताए ओगाहणाए बहुपुत्तियदेवित्ताए उववण्णा, तेणं सा बहुपुत्तिया देवी

‘जाव पाडियकं उवस्सयं’ ति सुव्रतार्यिकोपाश्रयात् पृथक् विभिन्नमुपाश्रयं प्रतिपद्य विचरति-आस्ते । ‘अज्जाहिं अणोहट्ठिय’ ति यो बलाद्धस्तादौ गृहीत्वा प्रवर्तमानं निचारयति सोऽपघट्टिकः तदभावादनपघट्टिका, अनिवारिता-निषेधकरहित्वा, अतएव स्वच्छन्दमतिक्रान्ति । ज्ञानादीनां पार्ष्वे तिष्ठतीति पार्ष्वस्था इत्यादि सुप्रतीतम् ।

अहुणोववन्नमित्ता समानी पंचविहाए पज्जत्तीए जाव भासामणपज्जत्तीए । एवं खलु गोयमा ! बहुपुत्तियाए देवीए सा दिवा देविद्धी जाव अभिसमणगता । से केणट्ठेणं भंते ! एवं बुच्चइ बहुपुत्तिया देवी २ ? गोयमा ! बहुपुत्तिया णं देवी णं जाहे जाहे सक्कस्स देविदस्स देवरण्णो उवत्थाणियणं करेइ ताहे २ बहवे दारए य दारियाए य डिम्भए य डिम्भियातो य विउ-एइ २ जेणेव सक्के देविदे देवराया तेणेव उया० २ सक्कस्स देविदस्स देवरण्णो दिव्वं देविद्धिं दिव्वं देवज्जुइ दिव्वं देवाणुभागं उवदंसेति, से तेणट्ठेणं गोयमा ! एवं बुच्चति बहुपुत्तिया देवी २ । बहुपुत्तियाणं भंते ! देवीणं केवइयं कालं ठितं पणत्ता ? गोयमा ! चत्तारि पलिओवमाइं ठिई पणत्ता । बहुपुत्तिया णं भंते ! देवी तातो देवलोगाओ आउवखएणं ठितिक्खएणं भ-वक्खएणं अणंतरं चयं चइत्ता कहिं गच्छहिंति ? कहिं उववडिजहिंति ? गोयमा ! इहेव जंबुद्वीवे दीवे भारहे वासे विज्झगि-रिपायमूले विभेलसंनिवेशे माहणकुलंसि दारियाए पच्चायाहिंति । तते णं तीसे दारियाए अम्मापियरो एक्कारसमे दिवसे वि-तिक्कंते जाव वारसेहिं दिवसेहिं वित्तिक्कंतेहिं अयमेयाख्वं नामधिज्जं करेति-होऊ णं अमहं इमीसे दारियाए नामधिज्जं सोमा । तते णं सोमा उम्मुक्खालभावा विण्णतपरिणयमेत्ता जोवणगमणुपत्ता ख्वेण य जोवणेण य लावणेण य उक्किट्ठा उक्किट्ठसरीरा जाव भविस्सति । तते णं तं सोमं दारियं अम्मापियरो उम्मुक्खालभावं विण्णय परिणयमित्ते जोवणगमणुपत्ता पडिक्खविणं सुक्केणं

‘उवत्थाणियं करेइ’ त्तिउपस्थानं-प्रत्यासत्तिगमनं तत्र प्रेक्षणककरणाय यदाविधत्ते । ‘दिव्वं देविद्धिं’ ति देवद्विः-परिवा-रादिसंपत्, देवद्युतिः-शरीराभरणादीनां दीप्तियोगः, देवानुभागः-अद्भुतवैक्रियशरीरादिशक्तियोगः, तदेतत्सर्वं दर्शयति-‘विद्ययपरिणयमेत्त’ ति विज्ञका परिणतमात्रोपभोगेषु अत एव यौवनोद्गममनुप्राप्ता । ‘ख्वेण य’ ति रूपम्-आकृतिः यौवनं-तारुण्यं लावण्यं चेह स्पृहणीयता, चकारात् गुणग्रहः गुणाश्च मृदुत्वौदार्यादयः, पतैरुत्कृष्टा-उत्कर्षवती शेषस्त्रीभ्यः, अत एव उत्कृष्टमनोहरशरीरा चापि भविष्यति । ‘विद्ययपरिणयमित्ते पडिक्खविणं सुक्केणं’ ति प्रतिकुजितं-प्रतिभाषितं

पडिरूवएणं नियगस्स भायणिज्जस्स रट्ठकूडयस्स भारियत्ताए दलयिस्ससति । सा णं तस्स भारिया भविस्ससति इट्ठा कंता जाव भंडकरंडगसमाणा तिल्लकेला इव सुसंगोविआ चेलपेला(डा) इव सुसंपरिहिता रयणकरंडगतो विव सुसारक्खिया सुसंगोविता माणंसीयं जाव विविहा रोयातंका फुसंतु । तते णं सा सोमा माहणी रट्ठकूडेणं सद्धिं विउलाइं भोग-भोगाइं भुंजमाणी संवच्छरे २ जुयलगं पयायमाणी सोलसेहिं संवच्छरेहिं वत्तीसं दारगरूवे पयाति । तते णं सा सोमा माहणी तेहिं बहूहिं दारगेहि य दारियाहि य कुमारएहि य डिंभियाहि य अप्पेगइएहि उत्ताण-सेज्जएहि य अप्पेगइएहि य थणियाएहि य अप्पेगइएहि पीहगपाएहिं अप्पे० परंगणएहिं अप्पेगइएहिं परक्कममाणेहिं अप्पेगइएहिं पक्खोलणएहिं अप्पे० थणं मगममाणेहिं अप्पे० खीरं मगममाणेहिं अप्पे० खिल्लणयं मगममाणेहिं अप्पेगइएहिं खल्लंगं मगममाणेहिं अप्पे० कूरं मगममाणेहिं पाणियं मगममाणेहिं हसमाणेहिं रुसमाणेहिं अक्कोसमाणेहिं हणमाणेहिं हम्ममाणेहिं

यत्त शुक्कलं ब्रव्यं तेन कृत्वा प्रभूतमपि वाञ्छितं देयब्रव्यं दत्त्वा प्रभूताभरणादिमूर्पितं कृत्वाऽनुकूलेन चिनयेन प्रियभाषण-तया भवयोग्येयमित्यादिना 'इट्ठा' बल्लभा, 'कंता' कमनीयत्वात्, 'पिया' सदा प्रेमविषयत्वात्, 'मणुणा' सुन्दरत्वात्, एवं 'संमया अणुमया' इत्यादि हृश्यम् । आभरणकरण्डकसमानोपादेयत्वादिना । तैलकेला सौराष्ट्रप्रसिद्धो मृन्मयस्तैलस्य भाजनविशेषः, स च भङ्गभयाहोतनभयाच्च सुष्ठु संगोप्यते एवं साऽपि तथोच्यते । 'चेलपेडा इवे' ति बलमञ्जूपेदेत्यर्थः । 'रयणकरंडग' इति इन्द्रनीलादिरत्नाश्रयः सुसंरक्षितः सुसंगोपितश्च क्रियते । 'जुयलगं' दारकदारिकारिकादिरूपं प्रजनितवती । पुत्रकैः पुत्रिकाभिश्च वर्षेदशकादिप्रमाणतः कुमारकुमारिकादिव्यपदेशभाक्तत्वं डिम्मडिम्भिकाश्च लघुतरतया प्रोच्यन्ते । अप्येके केचन 'परंगणेहिं' ति नृत्यद्भिः । 'परक्कममाणेहिं' ति उल्लयद्भिः । 'पक्खोलणपहिं' ति प्रक्खलद्भिः । दसद्भिः, वण्यद्भिः,

विष्पलायमाणेहिं अणुगम्ममाणेहिं रोवमाणेहिं कंदमाणेहिं विलवमाणेहिं कुवमाणेहिं उक्कवमाणेहिं निदायमाणेहिं पलवमा-
णेहिं दंढमाणेहिं वममाणेहिं छेरमाणेहिं सुत्तमाणेहिं मुत्तपुरीसवमियसुलित्तोवलित्ता मइलवसणपुवढ (दुब्बला) जाव अइसु-
वीभच्छा परमदुगंधा नो संचाएइ रट्कूडेणं सद्धिं विउलाइं भोगभोगाइं भुंजमाणी विहरित्तए । तते णं से सोमाए माहणीए
अणया कयाइ पुवरत्तावरत्तकालसमयंसि कुडुवजागरियं जागरमाणीए अयमेयारुवे जाव समुपपज्जित्था-एवं खलु अहं इमेहिं
वहूहिं दारगेहिं य जाव डिंभियाहिं य अप्पेगइएहिं उत्ताणसेज्जएहिं य जाव अप्पेगइएहिं सुत्तमाणेहिं दुज्जाएहिं दुज्जम्मएहिं हय-
विप्पहयभणेहिं एगप्पहारपडिएहिं जेणं मुत्तपुरीसवमियसुलित्तोवलित्ता जाव परमदुग्धिगंधा नो संचाएमि रट्कूडेण सद्धिं जाव
भुंजमाणी विहरित्तए । तं धन्नाओ णं ताओ अमयाओ जाव जीवियफले जाओ णं वंझाओ अवियाउरीओ जाणुकोप्परमायाओ
सुरभिमुगंधगंधियाओ विउलाइं माणुरसगाइं भोगभोगाइं भुंजमाणीओ विहरंति, अहं णं अधन्ना अपुणा अकयपुण्णा नो
संचाएमि रट्कूडेण सद्धिं विउलाइं जाव विहरित्तए । तेणं कालेणं २ सुवयाओ इरियासमियाओ जाव बहुपरि-
वाराओ पुवाणुपुविं जेणेव विभेले संनिदेसे अहापडिरुव ओगहं जाव विहरति । तते णं तासिं सुवयाणं अज्जाणं एगे संघाडए
विभेले सन्निवेसे उच्चनीय जाव अडमाणे रट्कूडस्स गिहं अणुपविट्ठे । तते णं सा सोमा माहणी ताओ अज्जाओ एज्जमाणीओ

‘उक्कवमाणेहिं’ ति वृहच्छब्दः पूरुर्वद्भिः । ‘पुण्वढ (दुब्बल)’ ति दुर्बला । ‘पुण्वरत्तावरत्तकालसमयंसि’ ति पूर्व-
रात्राश्चासावपररात्रश्चेति पूर्वरात्रापररात्रः स एव कालसमयः कालविशेषस्तस्मिन् रात्रेः पश्चिमे भाग इत्यर्थः । अयमेतद्रूपः
आध्यात्मिकः-आत्माश्रितः, चिन्तितः-स्मरणरूपः, प्रार्थितः-अभिलाषरूपः मनोविकाररूपः संकल्पो-विकल्पः समुत्पन्नः ।

१ दवमाणेहिं अ, हममाणेहिं क, हदमाणेहिं. च । २ सुत्तमाणेहिं. प्र०

पासति २ हृदं खिप्पामेव आसणाओ अब्भुट्ठेति २ सत्तट्ठपयाइं अणुगच्छति २ वंदइ, नमंसइ, विउलेणं असण ४ पडि-
 लाभित्ता एवं वयासी-एवं खलु अहं अज्जाओ रट्ठकूडेणं सद्धिं विउलाइं जाव संवच्छरे २ जुगलं पयामि, सोलसहिं संवच्छ-
 रेहिं वत्तीसं दारगरूवे पयाया, तते णं अहं तेहिं बहूहिं दारएहिं जाव डिभियाहिं य अप्पेगतिएहिं उत्ताणसिज्जाएहिं जाव
 सुत्तमाणेहिं दुज्जातेहिं जाव नो संचाएमि विहरत्तए, तमिच्छाणि णं अज्जाओ तुमहं अंतिए धम्मं निसामिच्चए । तते णं तातो
 अज्जातो सोमाते माहणीए विचित्तं जाव केवलपणत्तं धम्मं परिकहेति । तते णं सा सोमा माहणी तासिं अज्जाणं अंतिए
 धम्मं सोच्चा निसम्म हट्ठ जाव हिया तातो अज्जाओ वंदइ नमंसइ २ ता एवं वयासी-सद्धामि णं अज्जाओ ! निगंथं
 पावयणं जाव अब्भुट्ठेमि णं अज्जातो निगंथं पावयणं एवमेयं अज्जातो जाव से जहेयं तुम्भे वयह जं नवरं अज्जातो !
 रट्ठकूडं आपुच्छामि । तते णं अहं देवाणुप्पियाणं अंतिए मुंडा जाव पवयामि । अहासुहं देवाणुप्पिए ! मा पडिवंधं । तते
 णं सा सोमा माहणी तातो अज्जातो वंदइ नमंसइ २ ता पडिविसज्जेति । तते णं सा सोमा माहणो जेणेव रट्ठकूडे तेणेव
 उवागता करतल एवं वयासी-एवं खलु मए देवाणुप्पिया ! अज्जाणं अंतिए धम्मं निसंते से वि य णं धम्मं इच्छिते
 जाव अभिरुचिते, तते णं अहं देवाणुप्पिया ! तुम्भेहिं अब्भणुन्नाया सुवयाणं अज्जाणं जाव पवइत्तए । तते णं से रट्ठकूडे
 सोमं माहणि एवं वयासी-मा णं तुमं देवाणुप्पिए ! इदाणि मुंडा भवित्ता जाव पवयाहि, मुंजाहि ताव देवाणुप्पिए ! मए
 सद्धिं विउलाइं भोगभोगाइं, ततो पच्छा भुत्तभोइं सुवयाणं अज्जाणं अंतिए मुंडा जाव पवयाहि । तते णं सा सोमा मा-
 हणी रट्ठकूडस्स एयमहं पडिसुणेति । तते णं सा सोमा माहणी ण्हाया जाव सरीरा चेडियाचक्कालपरिकिणा साओ गि-
 हाओ पडिनिक्खमति २ विभेलं संनिवेसं मज्झं मज्झेणं जेणेव सुवयाणं अज्जाणं उवस्सए तेणेव उवा ० २ सुवयाओ अज्जाओ

वंदइ नमंसइ पज्जुवासइ । तते णं ताओ मुवयाओ अज्जाओ सोमाए माहणीए विचित्तं केवलपणत्तं धम्मं परिकहेति जहा जीवा वज्झंति । तते णं सा सोमा माहणी मुवयाणं अज्जाणं अंतिए जाव दुवालसविहं सावगधम्मं पडिवज्जइ २ मुवयाओ अज्जाओ वंदइ नमंसइ २ ता जामेव दिमि पाउब्भूआ तामेव दिसं पडिगता । तते णं सा सोमा माहणी समणोवासिया जाया अगिगत जाव अप्पाणं भावेमाणी निहरति । तते णं ताओ मुवयाओ अज्जाओ अण्णदा कदायि पुष्पाणु० जाव विहरंति । पडिनियखभंति, चहिया जणवयविहारं विहरंति । तते णं ताओ मुवयाओ अज्जाओ अण्णदा कदायि पुष्पाणु० जाव विहरंति । तते णं सा सोमा माहणी इमीसे क्काए लज्झा समाणी इहा ष्हाया तह्य निगया जाव वंदइ नमंसइ २ धम्मं सोमा जाव नवरं रट्ठइं आपुच्छामि, तते णं पदयामि । अहामुहं० । तते णं सा सोमा माहणी मुवयं अज्जं वंदइ नमंसइ २ मुवयाणं अंतियाओ पडिनियखमइ २ जेणेव सए गिहे जेणेव रट्ठइं तेणेव उवा० २ करतलपरिगह० तहेव आपुच्छइ जाव पघइत्तए । अहामुहं देवाणुप्पिण् ! मा पडिवंधं । तते णं रट्ठइं निउलं असणं तहेव जाव पुगभे नुभवा जाव अज्जा जाता, इरियासमिता जाव गुत्तचंभयारीणी । तते णं सा सोमा अज्जा मुवयाणं अज्जाणं अंतिए सामाइयमाइयाइं एकारस-अंगाइं अहिज्जइ २ चहदि छट्ठम(दसम)दुवालस जाव भावेमाणी वहुइं वासाइं सामणपरियागं पाउणनि २ मासियाए संलेहणाए सट्ठि भत्ताइं अणसणाए छेदिता आलोइयपडिक्कता समाहिपत्ता कालमासे कालं किना साःस्स देविदस्स देवरणो मामाणियदेवत्ताए उववज्जिहिति, तत्थ णं अत्येगइयाणं देवाणं दोसागरोवमाइं छिई पणत्ता, तत्थ णं सोमस्सा यि देवस्स दोसागरोवमाइं छिई पणत्ता । से णं भंते सोमे देवे ततो देवलोमाओ आउखणं जाव चयं चत्ता कहिं गच्छिहिति ? कहिं उववज्जिहिति ? गोयमा ! महा-विदेहे वासे जाव अंतं काहिति । एयं खलु जंबू ! समणेणं जान संपत्तेणं अयमट्ठे पणत्ते ॥ ४ ॥

जइ णं भंते ! समणेणं भगवया उक्खेवओ एवं खलु जंबू ! तेणं कालेणं २ रायगिहे नामं नगरे, गुणसिलए चेइए, सेणिए राया, सामी समोसरिते, परिसा निगया, तेणं कालेणं २ पुण्णभदे देवे सोहम्मे कप्पे पुण्णभदे विमाणे सभाए सुहम्माए पुण्णभदंसि सीहासणंसि चउहिं सामाणियसाहस्सीहिं जहा सूरियाभो जाव वत्तीसतिविहं नट्टविहिं उवदंसित्ता जामेव दिसिं पाउभूते तामेव दिसिं पडिगते कूडागारसाला पुवभवपुच्छा एवं गोयमा ! तेणं कालेणं २ इहेव जंबुदीवे दीवे भारहे वासे मणि वइया नामं नगरी होत्था रिद्ध, चंदो, ताराइणे चेइए, तत्थ णं मणिवइयाए नगरीए पुण्णभदे नामं गाहावई परिवसति अट्टे । तेणं कालेणं २ थेरा भगवंतो जातिसंणणा जाव जीवियासमरणभयविप्पमुक्का बहुस्सुया बहुपरियारा पुवाणुपुविं जाव समोसढा, परिसा निगया । तते णं से पुण्णभदे गाहावई इमीसे कहाए लच्छट्ठे समाणे हट्ट जाव पण्णत्तीए गंगदत्ते तेहेव निगच्छई जाव निवत्तंतो जाव गुत्तवंभचारी । तते णं से पुण्णभदे अणगारे भगवंताणं अंतिए सामाइयमादियाइं एक्कारस अंगाइं अहिज्जइ २ वहुहिं चउत्थल्लट्टम जाव भावित्ता वहुइं वासाइं सामणपरियाणं पाउणति २ मासियाए संलेहणाए सट्ठि भत्ताइं अणसणाए छेदित्ता आलोइयपडिक्कंते समाहिपत्ते कालमासे कालं किच्चा सोहम्मे कप्पे पुण्णभदे विमाणे उववातसभाते देवसयणिज्जंसि जाव भासामणपज्जत्तीए । एवं खलु गोयमा ! पुण्णभदेणं देवेणं सा दिवा देविड्डी जाव अभिसमणगाता । पुण्णभदस्स णं भंते ! देवस्स केवइयं कालं विई पणत्ता ? गोयमा ! दोसागरोवमाइं विई पणत्ता । पुण्णभदेणं भंते ! देवे तातो देवलोगातो जाव कहिं गच्छिहिति ? कहिं उववज्जिहिति ? गोयमा ! महाविदेहे वासे सिद्धिहिति जाव अंतं काहिति ! एवं खलु जंबू ! समणेणं भगवता जाव संपत्तेणं निक्खेवओ ॥ ५ ॥

जइ णं भंते ! समणेणं भगवया जाव संपत्तेणं उक्खेवओ एवं खलु जंबू ! तेणं कालेणं २ रायगिहे नगरे, गुणसिलए

चेइए, सेणिए राया, सामी समोसस्ति । तेणं कालेणं २ माणिभदे देवे सभाए सुहम्माए माणिभदंसि सीहासणंसि चउहिं सामाणियसाहस्सीहिं जहा पुण्णभदो तहेव आगमणं, नट्टविही, पुवभवपुच्छा, मणिवई नगरी, माणिभदे गाहावई येराणं अंतिए पवज्जा एक्कारस अंगाई अहिज्जति, वहूई वासाई परियातो मासिया संलेहणा सट्ठि भत्ताई माणिभदे विमाणे उव-
वातो, दोसागरोवमाई विई, महाविदेहे वासे सिज्झिहिति । एवं खलु जंघु ! निक्खेवओ ॥ ६ ॥

एवं दत्ते ७ सिवे ८ वले ९ अणादिते १० सवे जहा पुण्णभदे देवे । सवेसिं दोसागरोवमाई विती । विमाणा देवसरि-
सनामा । पुवभवे दत्ते चंदणाणामए, सिवे महिलाए, वलो हत्थिणपुरे नगरे, अणादिते काकंदिते, चेइयाई जहा संगहणीए ॥

॥ ततिओ वगो सम्मत्तो ॥

इह ग्रन्थे प्रथमवर्गं दशाध्ययनात्मको निरयायल्लियाध्ययनात्मकः । द्वितीयवर्गं दशाध्ययनात्मकः, तत्र च कल्पायतंसिका
इत्याख्या अध्ययनानाम् । तृतीयवर्गोऽपि दशाध्ययनात्मकः, पुष्पिकाशब्दाभिधेयानि च तान्यध्ययनानि, तत्राद्ये चन्द्रज्योति-
ष्केन्द्रवक्तव्यता १ । द्वितीयाध्ययने सूर्यवक्तव्यता २ । तृतीये शुद्धमहाग्रहवक्तव्यता ३ । चतुर्थाध्ययने ग्रहपुनिकादेवीवक्तव्यता ४ ।
पञ्चमेऽध्ययने पूर्णभद्रवक्तव्यता ५ । षष्ठे माणिभद्रदेववक्तव्यता ६ । सप्तमे प्राग्भयिकचन्दनानगरी दत्तनामकदेवस्य द्विसागरो-
पमस्थितिकस्य वक्तव्यता ७ । अष्टमे शिवग्रहपति (तैः) मिथिलायास्तव्यस्य देवदेवोत्पन्नस्य द्विसागरोपमस्थितिकस्य वक्त-
व्यता ८ । नवमे हस्तिनापुरवास्तव्यस्य द्विसागरोपमायुक्तयोत्पन्नस्य देवस्य गलनामकस्य वक्तव्यता ९ । दशमाध्ययनेऽणा-
दियग्रहपतेः काकन्दीनगरीवास्तव्यस्य द्विसागरोपमायुक्तयोत्पन्नस्य देवस्य वक्तव्यता १० । इति तृतीयवर्गोऽध्ययनानि ॥ ३ ॥

जइ णं भंते समणेणं भगवता उक्खेवओ जाव दस अज्झयणा पणत्ता । तं जहा—“सिरि—हिरि—धिति—किति (त्ती)ओ बुद्धि(द्धी) लच्छी य होइ बोधवा । इलादेवी सुरादेवी, रसदेवी गंधदेवी य ॥१॥” जइ णं भंते समणेणं भगवया जाव संपत्तेणं उवंगणं चउत्थस्स वग्गस्स पुप्फचूलानं दस अज्झयणा पणत्ता । पढमस्स णं भंते उक्खेवओ, एवं खल्ल जंबू ! तेणं कालेणं २ रायगिहे नगरे गुणसिलए चेइए सेणिए राया सामी समोसहे, परिसा निग्गया । तेणं कालेणं २ सिरिदेवी सोहम्मे कप्पे सिरिचडिंसए विमाणे सभाए सुहम्माए सिरिसि सीहाणसणंसि चउहिं सामाणियसाहस्सेहिं चउहिं महत्तरियाहिं सपरिवा-
राहिं जहा बहुपुत्तिया जाव नद्धविहिं उवदंसित्ता पडिगता । नवरं दारियाओ नत्थि । पुव्वभवपुच्छा । एवं खल्ल जंबू ! तेणं कालेणं २ रायगिहे नगरे गुणसिलए चेइए जियसत्तू राया । तत्थ णं रायगिहे नयरे सुदंसणो नामं गाहावई परिवसंति, अद्ध । तस्स णं सुदंसणस्स गाहावइस्स पिया नामं भारिया होत्था सोमाला । तस्स णं सुदंसणस्स गाहावइस्स धूया पियाए गाहावतिणीए अत्तिया भूया नामं दारिया होत्था बुद्धा बुद्धुमारो जुण्णा जुण्णकुमारी पडितपुत्तत्थणी वर [ग] परिवज्जिया (पक्खेज्जियां)

चतुर्थवर्गोऽपि दशाध्ययनात्मकः श्रीह्रीधृत्तिकीर्तिबुद्धिलक्ष्मीइलादेवीसुरादेवीरसदेवीगन्धदेवीतिवक्तव्यताप्रतिबद्धाध्ययन-
नामकः । तत्र श्रीदेवी सौधर्मकलोत्पन्ना भगवतो महावीरस्य नाट्यविधि दारकविकुर्वणया प्रदर्श्य स्वस्थानं जगाम । प्राग्भवे
राजगृहे सुदर्शनगृहपतेः प्रियाया भार्याया अङ्गजा भूतानां भूता भवत । न केनापि परिणीता । पतितपुत्तत्तनी जाता ।
‘वर [ग पक्खेज्जिया] परिवज्जिया’ वरपितृप्रखेदिता भर्त्राऽपरिणीताऽमृत । सुगमं सर्वं यावच्चतुर्थवर्गसमाप्तिः ॥

१ वरगपरिवज्जियां, बहुष्वावर्षेण इत्यते । २ वरगपक्खेज्जिया, इत्यते बहुष्वावर्षेण ।

यावि होत्या । तेणं कालेणं २ पासे अरहा पुरिसादाणीए जाव नवरयणीए, वणओ सो चेव, समोसरणं, परिसा निग्या । तते णं सा भूया दारिया इमोसे कहाए लद्धट्ठासमाणी हट्ठुट्ठा जेणेव अम्मापियरो तेणेव उवा० २ एवं वदासी-एवं खलु अम्मताओ पासे अरहा पुरिसादाणीए पुवाणुपुविं चरमाणे जाव देवगणपरिवुडे विहरति, तं इच्छामो णं अम्म-याओ तुब्भेहिं अब्भणुणाया समाणी पासस्स अरहओ पुरिसादाणीयस्स पायवंदियागमित्तए । अहामुहं देवाणुप्पिया मा पडिचंथी । तते णं सा भूया दारिया ण्हाया जाव सरीरा चेडीचक्कालपरिकिण्णा साओ गिहाओ पडिनिक्खमति २ जेणेव नाहिरिया उवट्ठाणसाला तेणेव उवा० २ धम्मियं जाणप्परं दुल्लुट्ठा । तते णं सा भूया दारिया निययपरिवारपरिवुडा रायगिहं नगरं मज्झेणं निगच्छति २ जेणेव गुणसिलए चेइए तेणेव उवा० २ छत्तादीए तित्त्यकरातिसए पासति, धम्मियाओ जाणप्पवरा ओ पच्चोरुभित्ता नेडीचक्कालपरिकिण्णा जेणेव पासे अरहा पुरिसादाणीए तेणेव उवा० २ तिवसु-त्तो जाव पज्जुवासति । तते णं पासे अरहा पुरिसादाणीए भूयाए दारियाए तीसे महइ० धम्मकहाए धम्मं० सोजा णिसम्म हट्ठ० वंदति २ एवं वदासी-सद्धामि णं भंते निगंथं पावयणं जाव अब्भट्ठेमि णं भंते निगंथं पावयणं से जहे तं तुब्भे वदह जं, नवरं देवाणुप्पिय ! अम्मापियरो आपुच्छामि । तते णं अहं जाव पट्ठत्तए । अहामुहं देवाणुप्पिया ! तते णं सा भूया दारिया तमेव धम्मियं जाणप्परं जाव दुरुहति २ जेणेव रायगिहे नगरे तेणेव उवागता, रायगिहं नगरं मज्झेणं मज्झेणं जेणेव सए गिहे तेणेव उवागता, रहाओ पक्कोरुहित्ता जेणेव अम्मापितरो तेणेव उवागता, करतल० जहा जमाली आपुच्छति । अहामुहं देवाणुप्पिए ! तते णं से मुदंसणे माहावई विउलं असणं ४ उवक्खवायेति, पित्तनाहि आमंतेति २ जाव जिप्पिय

भुत्तुत्तरकाले सुईभूते निक्खमणमाणिच्चा कोडुबिय पुरिसे सद्देवेति २ एवं वदासी-खिप्पमेव भो देवाणुप्पिया ! भूयादारि-
 याए पुरिससहस्सवाहिणीयं सीयं उवट्ठेवह २ जाव पच्चप्पिणह । तते णं ते जाव पच्चप्पिणंति । तते णं से सुदंसणे
 गाहावई भूयं दारियं ण्हायं जाव विभूसियसरीरं पुरिससहस्सवाहिणिं सीयं दुरुहति २ मित्तनाति० जाव रवेणं रायगिहं
 नगरं मज्झं मज्झेणं जेणेव गुणसिलए चेइए तेणेव उवागते, छत्ताईए तित्थयरातिसए पासति २ सीयं ठावेति २ भूयं दारियं
 सीयाओ पच्चोस्तेति २ । तते णं तं भूयं दारियं अम्मापियरो पुरतो काउं जेणेव पासे अरहा पुरिसादाणीए तेणेव
 उवागते, तित्थुत्तो वंदति नमंसति २ एवं वदासी-एवं खलु देवाणुप्पिया ! भूया दारिया अम्हं एगा धूया इहा, एस णं
 देवाणुप्पिया ! संसारभड्ढिगा भीया जाव देवाणुप्पियाणं अंतिए मुंडा जाव पद्ययाति २ तं एयं णं देवाणुप्पिया ! सिस्सिणि-
 भिक्खं दलयति, पडिच्छंतु णं देवाणुप्पिया ! सिस्सिणीभिक्खं । अहासुहं देवाणु० । तते णं सा भूता दारिया पासेणं
 अरहा० एवं वुत्तासमाणी हट्ठा उत्तरपुरच्छिमं सममेव आभरणमल्लालंकारं उम्भुयइ, जहा देवाणंदा पुष्फचूलाणं अंतिए
 जाव गुत्तवंभयारिणी । तते णं सा भूता अज्जा अण्णदा कदाइ सरीरपाओसिया जाया यावि होत्था, अभिक्खणं २ हत्थे
 धोवति, पादे धोवति एवं सीसं धोवति, मुहं धोवति, थणंगंतराई धोवति, कक्खंतराई धोवति, गुज्जंतराई धोवति, जत्थ जत्थ
 वि य णं ठाणं वा सिज्जं वा निसिहियं वा चेतेति तत्थ तत्थ वि य णं पुद्दामेव पाणएणं अब्भुक्खेति । ततो पच्छा ठाणं
 वा सिज्जं वा निसीहियं वा चेतेति । तते णं तातो पुष्फचूलातो अज्जातो भूयं अज्जं एवं वदासी-अम्हे णं देवाणुप्पिए

समणीओ निगंथीओ इरियासमियाओ जाव गुत्तवंभारिणीओ, नो खलु कप्पति अम्हं सरीरपाओसियाणं होत्तए, तुमं च णं देवाणुप्पिए सरीरपाओसीया अभिवखणं २ हत्थे घोवसि जाव निसीहियं चेतेहि, ते णं तुमं देवाणुप्पिए एयस्स ठाणस्स आलोएहि चि, सेसं जहा मुभद्दाए जाव पाडियक्कं उवस्सयं उवसंपज्जिता णं विहरति । तते णं सा भूता अज्जा अणाहट्ठिया अणिवारिया सच्छंदमई अभिवखणं २ हत्थे घोवति जाव चेतेति । तते णं सा भूया अज्जा बहूहि चउत्थच्छट्ठ० बहूहं वासाइं सामणपरियागं पाउणिच्चा तरस ठाणस्स अणालोइयपडिक्कंता कालमासे कालं किच्चा सोहम्मे कप्पे सिरिवडिंसए विमाने उवयायसभाए देवसयणिज्जंसि जाव तोगाहणाए सिरिदेविच्चाए उववणा पंचविहाए पज्जत्तीए भासामणपज्जत्तीए पज्जत्ता । एवं खलु गोयमा ! सिरिए देवीए एसा दिव्वा देविट्ठी लद्धा पत्ता, ठिई एगं पल्लिओवमं । सिरिणं भंते देवी जाव कहिं गच्छिहिति ? महाविदेहे वासे सिज्झिहिति । एवं खलु जंशु ! निवेवओ । एवं सेसाण वि नवण्हं भाणियक्कं, सरिसनामा विमाणा सोहम्मे कप्पे पुत्तभवे नगरचेइयपियमादीणं, अत्थणो य नामादी जहा संगहणीए, सद्धा पासस्स अंतिए निक्खंता । तातो पुफ्फूलाणं सिस्सिणीयातो सरीरपाओसियाओ सद्धाओ अणंतरं चयं चइत्ता महाविदेहे वासे सिज्झिहिति ॥

॥ चउत्थवग्गो सम्मत्तो ॥

वह्निदसा ५.

जइ णं भंते उवखेवओ० उवंगणं चउत्थस्स वगस्स पुण्फचूलाणं अयमट्ठे पणत्ते, पंचमस्स णं भंते । वगस्स उवंगणं वह्निदसाणं समणेणं भगवया जाव संपत्तेणं के अट्ठे पणत्ते ? एवं खलु जंबू ! समणेणं भगवया महावीरेणं जाव दुवालस अज्झयणा पणत्ता, तं जहा—“ निसट्ठे ? माअनि २ वह ३ वह ४ पगता ५ जुत्ती ६ दसरहे ७ दहरहे ८ य । महाधणू ९ सत्तधणू १० दसधणू ११ नामे सयधणू १२ य ॥ ? ॥ ” जइ णं भंते ! समणेणं जाव दुवालस अज्झयणा पणत्ता, पढमस्स णं भंते ! उवखेवओ । एवं खलु जंबू ! तेणं कालेणं २ बारवई नामं नगरी होत्था दुवालसजोयणाया मा जाव पच्चयखं देवलोयभूया पासादीया दरिसणिज्जा अभिरूवा पडिरूवा । तीसे णं बारवईए नगरीए वहिया उत्तरपुर-
च्छिमे दिसीभाए एत्थ णं रेवए नामं पद्यए होत्था, तुंगे गगणतलमणुलिहंतसिहरे नाणाविहस्सखशुच्छगुम्मलतावल्ली-
परिगताभिरामे हंसमियमयूरकौचसारसकागमयणसालाकोइलकुलोववेते तडकडगवियरउभरपवालसिहरपउरे अच्छरगण-
देवसंधविज्जाहरमिहुणसंनिचिन्ने निट्ठणए दसारवरवीरपुरिसतेलोववलवगाणं सोमे सुभए पियदंसणे सुखे पासादीए जाव पडिरूवे । तरस णं रेवयगस्स पद्दयरस अदूरसाभंते एत्थ णं नंदणवणे नामं उज्जाणे होत्था, सवोउयपुण्फ जाव

पञ्चमवर्गे वह्निदशाभिधाने द्वादशाध्ययनानि प्रज्ञप्तानि निसट्ठे इत्यादीनि । प्रायः सर्वोऽपि सुगमः पञ्चमवर्गः, नवरं

दरिसणिज्जे । तत्थ णं नंदणवणे उज्जाणे सुरप्पियस्स जक्खस्स जक्खायतणे होत्या चिराईए जाव बहुजणो आगम्म अच्चेति सुरप्पियं जक्खाययणं । से णं सुरप्पिए जक्खाययणे एगेणं महता वणसंडेणं सधओ समंता संपरिविखत्ते जहा पुण्णभदे जाव सिलावहत्ते । तत्थ णं वारवईए नयरीए कण्हे नामं वासुदेवे राया होत्या जाव पसासेमाणे विहरति । से णं तत्थ समुहविजयपामोक्खणं दसण्हं दसाराणं, वलदेवपामोक्खणं पंचण्हं महावीराणं, उगसेणपामोक्खणं सोलसण्हं राईसाहस्सीणं, पज्जुणपामोक्खणं अबुट्ठाणं कुमारकोडीणं, संवपामोक्खणं सट्ठीए दुद्धंतसाहस्सीणं, वीरसेणपामोक्खणं एक्कवीसाए वीरसाहस्सीणं, रुप्पिणिपामोक्खणं सोलसण्हं देवीसाहस्सीणं, अणंगसेणापामोक्खणं अणेगाणं गणियासाहस्सीणं, अण्णेसिं च वहूणं राईसर जाव सत्थवाहण्णभिण्णं वेयङ्गिरिसागरमेरागस्स दाहिणङ्गुभरहस्स आदेवच्चं जाव विहरति । तत्थ णं वारवईए नयरीए वलदेवे नामं राया होत्या, महया जाव रज्जं पसासेमाणे विहरति । तस्स णं वलदेवस्स रण्णे रेवई नामं देवी होत्या सोमाला जाव विहरति । तते णं सा रेवती देवी अण्णदा कदाइ तंसि तारिसगंसि सयणिज्जंसि जाव सीहं सुमिणे पासित्ता णं०, एवं सुमिणंदसणपरिकहणं, कळातो जहा महायलस्स, पंनासतो दातो एण्णासरायक्खणगाणं एगदिवसेणं पाणिं० नवरं निसडे नामं जाव उप्पि पासादं विहरति । तेणं कालेणं २ अरहा अरिदुनेमी आदिकरे दसथण्हूं वण्णतो जाव समोसरिते, परिसा निगया । तते णं से कण्हे वासुदेवे इमीसे कदाए लब्धे

‘चिराईए’ ति चिरः-चिरकाल आदिनियेशो यस्य तच्चिरादिकम् । ‘महय’ ति ‘महया हिमवतमलयमंदरमहिषसारे’ इत्यादि इश्यम्, तत्र महाहिमयवाक्यः पर्यतास्तद्वत्सारः प्रधानो यः ।

समाणे हट्टतो एतो य कुंडुवियपुरिसे सदावेति २ एवं वदासी-खिप्पामेव देवाणुप्पिया ! सभाए सुहम्माए-
सामुदाणियं भेरिं तालेहि । तते णं से कुंडुवियपुरिसे जाव पडिमुणित्ता जेणेव सभाए सुहम्माए सामुदाणिया भेरी
तेणेव उवा० २ तं सामुदाणियं भेरिं महता २ सद्देणं तालेति । तते णं तीसे सामुदाणियाए भेरीए महता २ सद्देण
तालियाए समाणीए समुद्धविजयपामोक्खा दस दसारा देवीओ उण भाणियवाओ जाव अणंगसेणापामोक्खा अणेगा
गणिया सहस्सा अने य बहवे राईसर जाव सत्थवाहणभित्तो ण्हाया जाव पायच्छित्ता सवालंकारविभूसिया जहा-
विभवइड्डिसक्कारसमुदणं अप्पेगइया हयगया जाव पुरिसवग्गुरारिक्खित्ता जेणेव कणहे वासुदेवे तेणेव उवा० २ करतल०
कणहं वासुदेवं जएणं विजएणं वद्धावेति । तते णं से कणहे वासुदेवे कोडुवियपुरिसे एवं वयासी-खिप्पामेव भो देवाणुप्पिया !
आभिसेक्कहत्थि कप्पेह हयगयरहपवर जाव पच्चप्पिणंति । तते णं से कणहे वासुदेवे मज्जणघरे जाव दुरुढे अट्टमंगलगा
जहा कूणिए सेयवरचामरेहि उच्चमणेहि २ समुद्धविजयपामोक्खेहि दसहिं दसारेहिं जाव सत्थवाहणभित्तीहि
सद्धिं संपरिवुडे सद्धिणीए जाव रवेणं वारवइं नगरिं मज्झं मज्झेणं सेसं जहा कूणिओ जाव पज्जुवासइ । तते णं
तस्स निसदस्स कुमारस्स उप्पि पासायवरगयस्स तं महता जण सद्धं च जहा जमालो जाव धम्मं सोच्चा निसम्म
वंदइ नमंसइ २ एवं वदासी-सद्धहामि णं भंते निगंथं पावयणं जहा चित्तो जाव सावगधम्मं पडिवज्जति २
पडिगते । तेणं कालेणं २ अरहा अरिट्ठेमिस्स अंतवासी वरदत्ते नामं अणगारे उराले जाव विहरति । ततेणं से वरदत्ते

अणगारे निसढं कुमारं पासति २ जातसद्धे जाव पळुवासमाणे एवं वयासी-अहो णं भंते ! निसढे कुमारे इहे इठरूवे कंते कंतरूवे एवं पिए मणुन्नए मणामे मणामरूवे सोमे सोमरूवे पियदंसणे सुरूवे, निसढे णं भंते ! कुमारे णं अयमेयारूवे माणुयइड्डी किणा लद्धा किणा पत्ता पुच्छा जहा सूरियाभरस, एवं खलु वरदत्ता ! तेणं कालेणं २ इहेव जंबुद्दीवे २ भारहे वासे रोहीडए नामं नगरे होत्था, रिद्ध, मेहवन्ने उज्जाणे मणिदत्तरस जवखरस जवखाययणे । तत्थ णं रोहीडए नगरे महव्वले नामं राया, पउमावई नामं देवी, अन्नया कदाइ तंसि तारिसगंसि सयणिजंसि सीहं सुमिणे, एवं जम्मणं भाणियवं जहा महव्वलस्स, नवरं वीरंगतो नामं वत्तीसतो दातो वत्तासाए रायवरकन्नगणं पाणिं जाव ओगिज्जमाणे २ पाउसवरिसारत्तरसरयेमंतगिम्हवसंतै छपि उळ जहाविभवे समाणे २ इट्ट सद्ध जाव विहरति । तेणं कालेणं २ सिद्धत्था नाम आयरिया जातिसंपन्ना जहा केसी, नवरं बहुसुया बहुपरिवारा जेणेव रोहीडए नगरे जेणेव मेहवन्ने उज्जाणे जेणेव मणिदत्तरस जवखरस जवखाययणे तेणेव उवागते, अहापडिरूवं जाव विहरति, परिसा निगया । तते णं तस्स वारंग- तस्स कुमारस्स उरपि पासायवरगतस्स त महता जणसद्धं च जहा जमाली निगतो धम्मं सोच्चा जं नवरं देवाणुषिपया ! अम्मापियरो आपुच्छामि जहा जमाली तहेव निवसंतो जाव अणगारे जाते जाव गुत्तवंभयारी । तते णं से वीरंगते अणगारे सिद्धत्थाणं आयरियाणं अंतिए सामाइयमादियां जाव एक्कारस अंगां अहिज्जति २ बहुं जाव चउत्थ जाव अत्थाणं भावेमाणे बहुपडि पुत्थां पणयालीसवासां सामन्नपरियायं पाळाणत्ता दोमासियाए संलेहणाए अत्ताणं झसित्ता सवीसं भत्तसयं अणसणाए छेदित्ता आलोइय समाहिपत्ते कालमासे कालं किच्चा वंभलोए कप्पे मणोरमे विमाणे देवत्ताए

उववन्ने । तत्थ णं अत्थेगइयाणं देवाणं दससागरोवमाइं ठिई पन्नत्ता । तत्थ णं वीरंगयस्स देवस्स दससागरोवमाइं ठिई पणत्ता ।
 से णं वीरंगते देवे तातो देवलोगाओ आउवखएणं जाव अणंतं चयं चइत्ता इहेव बारवईए नयरीए वलदेवस्स रत्तो रेवईए देवीए
 कुंछिसि पुत्तत्ताए उववन्ने । तते णं सा रेवतो देवी तेसि तारिसंगंसि सयणिज्जंसि सुमिणदंसणं जाव उत्तिं पासायवरगते
 विहरति । तं एवं खलु वरदत्ता ! निसदेणं कुमारेणं अयमेयारूवे ओराले मणुइडू लद्धा ३ । पभू णं भंते ! निसदे कुमारे
 देवाणुप्पियाणं अंतिए जाव पवइत्तए ? हंता पभू ! से एवं भंते भंते ! इइ वरदत्ते अणगारे जाव अप्पाणं भावेमाणे विहरति ।
 तते णं अरहा अरिद्धनेमी अण्णदा कदाइ बारवतीओ नगरीओ जाव बहिया जणवय विहारं विहरति, निसदे कुमारे
 समणोवासए जाए अभिगतजीवाजीवे जाव विहरति । तते णं से निसदे कुमारे अण्णया कयाइ जेणेव पोसहसाला तेणेव
 उवा० २ जाव दब्भसंथारोवणते विहरति । तते णं तरस्स निसदस्स कुमारस्स पुट्टरत्तावरत्त० धम्मजागरियं जागरमाणस्स
 इमेयारूवे अज्झत्थिए०—धन्ना णं ते गमागर जाव संनिवेसा जत्थ णं अरहा अरिद्धनेमी विहरति, धन्ना णं ते राईसर जाव
 सत्थवाहप्पभित्तिओ जे णं अरिद्धनेमी वंदति नमंसति जाव पज्जुवासति, जति णं अरहा अरिद्धनेमी पुवाणुपुविं नंदणवणे
 विहरेज्जा तेणं अहं अरहं अरिद्धनेमिं वंदिज्जा जाव पज्जुवासिज्जा । तते णं अरहा अरिद्धनेमी निसदस्स कुमा-
 रस्स अयमेयारूवं अज्झत्थियं जाव वियाणित्ता अट्टारसहिं समणसहरसेहिं जाव नंदणवणे उज्जाने, परिसा नि-
 गया, तते णं निसदे कुमारे इमीसे कहाए लद्धे समणे हट्ठ० चाउघंटेणं आसरहेणं निग्गते, जहा जमाली, जाव

नगरनिग्गमसिद्धिसेणावइसत्थवाहपभित्तिओ । जे णं भगवंतं वंदति । तदनु नन्दनवने उद्याने भगवान् समवसुतः ।

अस्मापियरो आपुच्छित्ता पधयिते, अणगारे जाते जाव गुत्तवंभयारी । तते णं से निसढे अणगारे अरहती अरिट्ठनेमिस्स तहारुवाणं थेराणं अंतिए सामाइयमाइयाई एक्कारस अंगाई अहिज्जति २ बहूई चउत्थछठ जाव विचित्तेहिं तयोक्कमेहिं अत्थाणं भावेमाणे बहुपडिपुणाई नव वासाई सामण्णपरियागं पाडणति वायालीसं भत्ताई अणसणाए छेदेति, आलोइय-पडिक्कंने समाहिपत्ते आपुपुत्तीए कालगते । तते णं से वरदत्ते अणगारे निसढं अणगारं कालगतं जाणित्ता जेणेव अरहा अरिट्ठनेमी तेणेव उवा० २ जाव एवं वयासी-एवं खलु देवाणुप्पियाणं अंतेवासी निसढे नामं अणगारे पगतिभइए जाव विणीए से णं भंते ! निसढे अणगारे कालमासे कालं किञ्चा कहिं गते ? कहिं उववण्णे ? वरदत्तादि अरहा अरिट्ठनेमी वरदत्तं अणगारं एवं वयासी-एवं खलु वरदत्ता ममं अंतेवासी निसढे नामं अणगारे पगइभइे जाव विणीए ममं तहारुवाणं थेराणं अंतिए सामाइयमाइयाई एक्कारस अंगाई अहिज्जित्ता बहुपडिपुणाई नव वासाई सामण्णपरियागं पाडणित्ता वायालीसं भत्ताई अणसणाए छेदेत्ता आलोइयपडिक्कंने समाहिपत्ते कालमासे कालं किञ्चा उडूं चंदिमसूरि-यगहनक्खत्तारारुवाणं सोहस्मीसाण जाव अच्चुत्ते तिण्णि य अट्टारसुत्तरे भेविज्जविमाणे वाससते वीतीवतित्ता सबट्ठसि-द्धविमाणे देवत्ताए उववण्णे । तत्थ णं देवाणं तेतीसं सागरोवमाई विई पणत्ता । से णं भंते ! निसढे देवे तातो देवलोगाओ आउक्खएणं भवक्खएणं विइक्खएणं अणंतरं चयं चइत्ता कहिं गच्छिहिं ? कहिं उववज्जिहिं ? वरदत्ता !

वायालीसं भत्ताई ति दिनानि २१ परिहृत्यानशनया । 'निसढे ताओ देवलोगाओ आउक्खएणं' ति आयुर्दलिकनिर्जरेण, 'भवक्खएणं' ति देवभवनिवन्धनभूतकर्मणां गत्यादीनां निर्जरेण, स्थितिक्षेणेण-आयुःकर्मणः स्थितेयंदनेन, 'अनंतर चयं चइत्त' ति देवभवसंवन्धनं चयं-शरीरं त्यक्त्वा, यद्वा चयनं कृत्या क यास्यति ? गतोऽपि क्वोत्पत्स्यते ?

इहैव जंबुद्वीवे २ महाविदेहे वासे उन्नाते नगरे विमुद्धपिद्वंसे रायकुले पुत्ताए पच्चायाहिति । तते णं से उम्मुक्कवालभावे विण्णयपरिणयमित्ते जोवणगमणुप्पत्ते तहारूवाणं येराणं अंतिए केवलबोहिं बुज्झित्ता अगाराओ अणगारियं पव्वडिजहिहि । से णं तत्थ अणगारे भविस्सति । इरियासमिते जाव गुत्तवंभयारी । से णं तत्थ बहूइं चउत्थळ्ळट्ठमदसमदुवालसेहिं मासद्ध-मासखमणेहिं विचित्तेहिं तवोक्कमेहिं अप्पाणं भावेमाणे बहूइं वासाइं सामण्णपरियाणं पाउणिस्सति २ मासियाए संलेहणाए अत्ताणं झूसिहिहि २ सट्ठिं भत्ताइं अणसणाए छेदिहिहि । जस्सट्ठाए कीरति णगभावे, मुंडभावे अण्हाणए जाव अदंतवणए अच्छत्तए अणोवाहणाए फलहसेज्जा कट्ठसेज्जा केसलोए वंभचेरवासे परयरपवेसे पिंढवाउलद्धावलद्धे उच्चावया य गाम-कंदया अहियासिज्जति, तमडं आराहेति, आराहिच्चा चरिमेहिं उस्सासनिस्सासेहिं सिज्झिहिहि बुज्झिहिहि जाव सब्बदु-क्खाणं अंतं काहिहि २ । एवं खलु जंबू ! समणेणं भगवया महा० जाव निक्खेवआ । एवं सेसा वि एकारस अज्झयणा नेयवा संगहणी अणुसारेण अहीणमइरित्तं एकारससु वि ॥

॥ पंचमो वंगो सम्मत्तो ॥

‘सिज्झिहिहि’ सेत्स्यंति निष्ठितार्थतया, भोत्स्यते केवलालोकेन, मोक्ष्यते सकलकर्मादौ, परिनिर्वास्यति-स्वस्थो भविष्यति सकलकर्मकृतविकारविरहितया, तात्पर्यार्थमाह-सर्वदुःखानामन्तं करिष्यति ॥

श्री नरतरुगन्दीय ज्ञान मन्दिरे, जयपुर
निरयावलियासुयखंधो सम्मत्तो । संमत्ताणि उवंगाणि । निरयावलिया उवंगे णं एगो सुयखंधो पंच वग्गा पंचसु दि-
वसेसु उद्विस्संति, तत्थ चउसु वग्गेसु दस दस उद्वेसगा, पंचमवग्गे नारस उद्वेसगा । निरयावलियासुयखंधो सम्मत्तो ।
निरयावलियासुत्तं सम्मत्तं ॥ ग्रंथाग्रं ११०० ॥

इति श्री श्रीचन्द्रसूरिविरचितं निरयावलिकाश्रुतस्कन्धविषयं समाप्तमिति । श्रीरस्तु ॥ ग्रन्थाग्रम् ६०० ॥

॥ श्रीनिरयावलिकासूत्रं सद्यत्तिकं समाप्तम् ॥

